

# ლიტერატურული გაზეთი

## დათო მალრაძე

### რეისი პარიზი-თბილისი

საწერმა მაგიდამ მსურს, რომ იკანკელოს, უბრალო სიტყვები ლექსად რომ ვაქციო... სამელნის ბარძიმთან რომ დასცდეს ანგელოსს: — აქსიოს!


ჩემს საწარ მაგიდას, ნამგ ზავრმა, მინდა, რო გავანდო სათქმელის ახალი იარა, მხრებიდან მოვიხსნა ადამის მუნდირი, რომ ვაშლით აშლილი, სიტყვით ვეზიარო. რადგანაც ქაოსი, გარეშე ლირიკის, მოედო ქუჩებს და მოედო ეზოებს, ვხედავ, დაუკარგავს პოდიუმს ბილიკი, შიშველი მკერდი რომ მიმოაქვს თეძოებს.

ახალი სათქმელი სალექსოდ მაქეზებს და ჭიქას ჭიქაზე ვაყოლებ ჯიუტად, თუმცაღა ინტრიგა არ ახლავს ტრაპეზებს, თუ სუფრას აკლია ქრისტე, ან იუდა. ღმერთი თუ არ გწყალობს, მამ კარგად მეყოლე... სჯობს, ისევ ვისკით რომ მიადგე მეგობარს, ნაგავში იპოვის მუნდირის ეპოლეტს ვინმე და იტყვის, რომ: — გათავდა ეპოქა! ...მაგრამ თუ ახალი სათქმელით ნიავექარს დაუზხვდი კაცურად, ვილოცავ: — ო, ნეტავ... დაღლილი სხეულის მხნეობა მიაგავს ჯიბეში გულდასმით მოძებნილ მონეტას.

პროგრესის მამებმა ახალი ილეთით თუ ხსოვნის არქივთან განყვიტეს სადენი, მიშველის მემორის ავიაბილეთი, — პრუსტის ორცხობილა, სახელად მადლენი. მორალურ ქაოსის გრიგალი სადაურ შებერვას მაუნყებ... დავეძებ სანვიმარს, მიცხადებს მკითხველი, შევიბამ სამკლაურს, რეპრესირებული ლექსების სამძიმარს. სკოლიდან გარიცხულ სტრიქონებს ვხეპირობ, მამულის, ენის და სანთელის ნარატივს... და სიკვდილს ვუნოდებ პროლოგის ეპილოგს, რომლითაც ცხოვრება იწყება მარადი. როდესაც ვაყურებ პორიზონტს... ცას ზღვა რო ერთვის და მახარებს სამყაროს შვილობა, მაშფოთებს ქვეყნების გამყოფი საზღვარი, ძლივს მოშუშებული სადავო ჭრილობა. განგაში დაეტყო დასავლურ საიტებს, საბანკო დროშაზე ელავს იუანი... ცვლის იუნათედს იუნათიედ შტატებად და ამას მონმობს იოანე. თითქოს საფრანგეთიც გაიქცა პარიზის ქუჩიდან, დატოვა პარიზი პარეზით... მე, ჩემი ქუჩების მყოფნის ასპარეზი, ვისაც გსურთ, მიხილავთ მტკვრის სანაპიროზე.

— დავლიოთ! — ლალატი ნატკენი ათოსი მეტყვის და ნათდება ღვთისმშობლის ტაძარი... პარიზი თბილისში გადარჩა... პათოსი არ გახლავთ, ჭორია ნოტრდამის ხანძარიც... ...პოდიუმს ეძებენ ყოფილი ჩარჩები: — ჩვენ აქეთ გვეგონა, — ვაი და იქ თუა?.. მე მამადავითის ერთგული დავრჩები, როგორც რომ სეზანი ერთგულებს ვიქტუარს. უფალმა განსაჯოს, ვის ორმო, ვის პარნა-სიელის სათქმელის ახალი ეტაპით... და ქუსლით გაესინჯავ სცენაზე ფიცარნავს, როგორც გალილეის ლურჯი ზღვის ზედაპირს.

IV



## ქეთევან ნათელაძე

### აკოცე ბაყაყს

გხვევდა ბურუსში მოცახცახე ხეების ლანდი, გარს რომ უვლიდი საშიშ ჭაობს, მღვრიეს და ლეგას, იქნებ ვერაფერს ველარ იგრძნობ ამაზე ნამდვილს, დროებით ვცხოვრობთ, არაფერი არ რჩება ჩვენგან.

წარმოიდგინე მილიონჯერ, რომ კოცნი ბაყაყს, ყველა ოცნებამ დაე ერთ დღეს დაკარგოს სახე, რომ ხუჭავ თვალებს, მის ლურჯ სხეულს, დახორკლილ სხეულს, თეთრ ხელებს ახებ და ვარდისფერ ბაგეებს ახებ.

ილუზიისთვის აშენებულ ჯებირებს ჰგავდა შენი ზღაპრის და რეალობის გამყოფი ღობე, ამ მყრალ ჭაობში უფლისწულებს რა უნდათ ანდაც, განა არ იცი? ჭაობები ბაყაყებს შობენ.

აკოცე ბაყაყს, გაექეცი ზიზღსა და შიშებს, ეჭვსა და ყოყმანს და ასობით უსაგნო სურვილს, აკოცე ბაყაყს, შენს ცრემლებში ხელახლა იშვი, და დაკარგული დაუბრუნე სამყაროს სული...

დროებითა ყველაფერი, მას რისიც გჯერა, ჩამოშლის დრო და დაშაშრული გვალვისგან სივრცე, აკოცე ბაყაყს და უცადად სხვანაირ სცენარს, აკოცე ბაყაყს, იმისთვის, რომ ბაყაყად იქცე.

V



პაატა ნაცვლიშვილი

# ჟორჟეტა

დოკუმენტური რომანის ჩანაფიქრი ხუთ ნიგნად



დასაწყისი N341-343

## გოდება

რუსუდან ნიკოლაძემ თავისი ძმის გარდაცვალებისა და დაკრძალვის ტრაგიკული ამბები დაწვრილებით აღწერა თავის ჯერ გამოუქვეყნებულ დღიურში, რომელიც საქართველოს პარლამენტის ბიბლიოთეკაშია დაცული. ეს არის დის მოთქმა ძმაზე, მისი მრავალმხრივი მოღვაწეობის ერთგვარი შეფასება და ამავდროს ეს არის მრავალმხრივ მნიშვნელოვანი დოკუმენტი ამ ამბების შესახებ, რომლებიც აქამდე მეტ-ნაკლებად დაფარული იყო საზოგადოებისათვის. რუსუდან ნიკოლაძეს დღიურში ჩაუნებებია სურათები და გაზეთების ამონაჭრები, რომელიც მის თხრობას კიდევ უფრო ამძაფრებს თუ ერთგვარ რელიეფურ იერს აძლევს. რუსუდან ნიკოლაძემ ასეთი დღიური, თუმცა მოცულობით გაცილებით ნაკლები, მამამისის — ნიკო ნიკოლაძის დაკრძალვაზეც შემოგვიწვინა და მე იგი ცალკე ნიგნადაც გამოვეცი 2004 წელს სათაურით: „ნიკო ნიკოლაძის სიკვდილი და დასაფლავება“.

რუსუდან ნიკოლაძის ამ „ახალ“ ნიგნს, რომელსაც „გიორგი ნიკოლაძის სიკვდილი და დასაფლავება“ შეიძლება ვუწოდოთ, ჯერ კიდევ ელის სრული სახით გამოქვეყნებას, თავისი შენიშვნებითა და წინასიტყვაობით. აქ კი, შევეცდები, რამდენად ეს ჩემი ჩანაფიქრი ამის საშუალებას მოგვცემს, ჟორჟეტასთან დაკავშირებული მისი მთავარი მომენტები და მისი ტრაგიკული სულიკვება წარმოვჩინოთ.

1929 წლის 27 აგვისტოს თეთნულდზე გიორგი ნიკოლაძის თვალწინ დაიღუპნენ ასვლის ორი დანარჩენი წევრი — ყოფილი მეზღვაური და საქართველოს გეოგრაფიული საზოგადოების წევრი პიმენ დვალი, 45 წლისა, და ქართული ალპინიზმის ვარსკვლავი, გიორგი ნიკოლაძის იალბუზის ასვლის მონაწილე სიმონ ჯაფარიძე, 30 წლისა. ერთი კვირის მერე ბაკურიანიდან თბილისის მომავალი რკინიგზის სადგურში გარდაიცვალა ქართული მათემატიკური სკოლის დამფუძნებელი ანდრია რაზმაძე, 40 წლისა. ერთი წლის მერე 1930 წლის სექტემბერში სვანეთის ავტომაგისტრალის გაყვანის დროს დაიღუპა გიორგი ნიკოლაძისა მყინვარწვერისა და იალბუზის ექსპედიციების მონაწილე ატო აღნიაშვილი, 25 წლისა.

ამ უდროო სიკვდილთა წყება მთლიანად ჩამოშალა გიორგი ნიკოლაძის სამომავლო გაღავანი, მან კიდევ უფრო მარტოსულად იგრძნო თავი, ვიდრე იუზოვკაში, როცა ნიკოლოზ ბარათაშვილის ლექსები იყო მისი სულის ერთგვარი მესაიდუმლე და როცა საკუთარ ლექსებსაც ბარათაშვილის განწყობით წერდა.

გიორგი ნიკოლაძეს 1910 წლიდან თანჰქონდა ნიკოლოზ ბარათაშვილის ლექსე-

ბის და წერილების კრებული, მისი მე-7 გამოცემა, რომელიც სწორედ 1910 წელს გამოვიდა.

აი, რას წერს გიორგი ნიკოლაძის მეგობარი ალექსანდრე სიგუა თავის ნიგნში „უღმრთო იყო შენი სიკვდილი“:

„მე არაერთხელ მიწახავეს გიორგი ნიკოლაძის ხელში ნიკოლოზ ბარათაშვილის ლექსების კრებული, 1910 წელს „ცოდნის“ მიერ გამოცემული, რომელსაც დართული აქვს დ. კარიჭაშვილის წერილი „ნ. ბარათაშვილის ბიოგრაფია“, ილია ჭავჭავაძის წერილი „ნიკოლოზ ბარათაშვილი“ და ივანე გომართელის წერილი „ნ. ბარათაშვილის პიროვნება და მისი პოეზია“. ნ. ბარათაშვილის ეს ლექსთა კრებული, ლამაზ ყდაში ჩასმული, გიორგის სამსახურში დაჰქონდა ხოლმე. იგი ისე იყო შეყვარებული ბარათაშვილის პოეზიაზე, რომ საუბრის დროს ხშირად ჩაურთავდა ხოლმე პოეტის სტრიქონებს და ამის უფრო მეტ შინაარსსა და დამაჯერებლობას ანიჭებდა თავის მსჯელობას, თავის ნათქვამს. სამეცნიერო ასპარეზზე და ფართო საზოგადოებაში სახელმოხვეჭილი გიორგი ბარათაშვილის ლექსებს დიდი განცდით ზეპირად ამბობდა. ეს ვაჟკაცი, როდესაც ლექსს კითხულობდა, თრთოდა და ცახცახებდა. მის სევდისმომგვრელ და თავისებურ პოეტურ ხმას ალტაცებაში მოჰყავდა დედა-მამა და მისი მამიდამშვილი ბესო ჭიჭინაძე.

როგორც რუსუდანმა მიახმო, გიორგი აპირებდა თურმე ნიკოლოზ ბარათაშვილზე მონოგრაფიის დაწერას და როცა ეს დედ-მამას უამბო, ძალიან მოუწონეს... :

ბარათაშვილის ეს ნიგნი, რომელსაც გიორგი ნიკოლაძე მთელი ოცი წელი თან ატარებდა, რუსუდან ნიკოლაძემ ალექსანდრე სიგუას გადასცა, ხოლო ალექსანდრე სიგუამ ნიკოლაძეებთან დაკავშირებულ არაერთ ხელნაწერთან თუ ფოტოსურათებთან ერთად მე გადმომცა. დღეს ეს ყველაფერი პაატა ნაცვლიშვილის ბიბლიოზეუმშია დაცული.

ვინ იცის, რამდენჯერ გადამიტალიერებია ეს ნიგნი, გიორგი ნიკოლაძის ხაზგასმებით დამწვენიებული.

აი, ერთი ასეთი ხაზგასმული ადგილი: : მწუხრი გულია — სევდა გულია — ნუგეშსა ამას შენგან მიიღებს,

რომ გათენდება დილა მზიანი და ყოველს ბინდსა ის განანათლებს! :

გიორგი ნიკოლაძემ, თუმცა თავისი მარტოსულობისა და საქართველოს მიმემდგომარეობის გამო მუდმივად შეჭირვებული და მუდმივად ქვეყანაზე მოფიქრალი, „მზიანი დილის“ გათენებისთვის ემზადებოდა და მთელ თავის ძალისხმევას ამისთვის ხარჯავდა და ემეტებოდა. დისერტაცია მან 40 წლის ასაკში დაიცვა. როგორც ჩანს, იგი ხანგრძლივი ცხოვრებისათვის ემზადებოდა, დაახლოებით ისეთისთვის, მამამის რომ არგუნა ღმერთმა. როგორც ჩანს, საამისოდ გენეტიკაც ხელს

უნყობდა — აკი მისმა დამ რუსუდანმა მამაზე 15 წლით მეტი იცოცხლა და 96 წლისა გარდაიცვალა 1981 წელს. გენეტიკა აქ არაფერ შუაშია, მაგრამ ჟორჟეტამაც 78 წელი იცოცხლა.

ვინც ასე თუ ისე იცნობს გიორგი ნიკოლაძის ბიოგრაფიას, მისთვის ძნელი არ უნდა იყოს წარმოდგინოს, რამდენს შეძლებდა იგი, მართლა რომ დასცლოდა.

მაგრამ გიორგი ნიკოლაძე, ისევე როგორც მისი საყვარელი პოეტი ნიკოლოზ ბარათაშვილი, ისევე როგორც მისი კოლეგა და მეგობარი ანდრია რაზმაძე, ისევე როგორც მისი ალპინისტი მეგობრები — სიმონ ჯაფარიძე, პიმენ დვალი და ატო აღნიაშვილი ძალიან ახალგაზრდა გარდაიცვალა.

რუსუდან ნიკოლაძე გიორგისადმი მიძღვნილ თავის დღიურში წერს.

: დღეს, ამ დღით, მომიხდა გიორგის ქარხანაში წასვლა, მომიხდა უიმისოდ ყოფნა იქ, სადაც სული და გული, მასპინძელი და მომვლელი გიორგი იყო. მომიხდა ამ მშვენიერ, მზიან, ლურჯციან დღეს მისვლა იქ, იმ ღუმელთან, იმ ალთან, იმ ცეცხლთან, რომელიც გიორგიმ „დაანთო“ პირველად საქართველოში და მთელ ამიერკავკასიაში. მისი საყვარელი „ეალი“, ელექტროალი, რომელმაც ის ასე მტარვალად, ასე უეცრად დაგვიწვია, ხელიდან გამოგვგლიჯა, იმსხვერპლა. მძულდა ეს ალი და თან როგორ მიყვარდა. ვუახლოვდებოდი ამ ალს და მთელ იმ ლატაკ, თითქოს ნანგრევ „უმწეო“ შენობას, „ქოხ-ქარხანას“, როგორც მე მას ზაფხულში ვუწოდებ, და რასაც გიორგის სიცილი მოჰყვა.


ღმერთო, რა ცარიელად მომეჩვენა დღეს მთელი ქვეყანა, როცა არსად, არსად არ დაგვხვდა, აღარ იყო ის, რომელიც იყო აქ ყველაფერი... ყველაფერი და ისეთი მზიარული, ისეთი სტუმართმოყვარე მასპინძელი!..

20 იანვარს უნდა დაეწყოთ ის საბედისწერო ახალი მუშაობა ჩამოსულ „სტუმრებს“ — მადნის და მასალის გამოცდა ჩვენს „ქოხ-ღუმელში“...

18 იანვარს უნდა დაედავთ პირველად „კარმენი“ ქართულ ენაზე, როგორც სწორედ 25 წლის წინ, 1906 წლის იანვარში დაიდგა პირველად „დემონი“ ქართულად, დათა გედევანიშვილის მონაწილეობით (დემონის როლში). მე მაშინ მე-11 კურსის სტუდენტი ვიყავი, საახალწლოდ შინ ჩამოსული და ერთად ვიყავით ყველანი ამ ქართულ ოპერაზე. ახლაც ყველა მიდიოდა ჩვენიანი (ჩემ და დედას გარდა) — გიორგი აბა როგორ გამოტოვებდა ასეთ მოვლენას. მისთვის მიუღებელი იყო, რომ ამდენი წლის განმავლობაში ჩვენმა ოპერამ ვერ გააქართულა ვერც ერთი ევროპული ოპერა.

18 იანვარს პრემიერა ვერ შესდგა, ვერ მოესწრო და 20-სთვის გადაიდო, როცა გიორგის შუალამზე „რუსების“ ცდები ეწყობოდა დიდუბეში, ლუმელის გამგება ახალი მასალით. გადაწყდა რომ გიორგი ჯერ ოპერაში წავიდოდა, შემდეგ, იქიდან პირდაპირ ლუმელზე, ქარხანაში.

ზამთარი ცივი იყო, თოვლიანი და საოცრად უმზეო, შავად ჩამოხნელებული, ნოტიო, ნისლიანი. გიორგის ამ სიმორეზე



გიორგი ნიკოლაძე (გოგი თოთბაძის ნახატი)

სიარული ძალიან გვანუხებდა ყველას, მაგრამ რა გაეწყობოდა... :

20-ში დილას რომ ჩაის შეექცეოდნენ, გიორგის რუსუდანისთვის უთქვამს, მოდი, ნახე ბარომეტრს შეხედო. ნიკო ნიკოლაძის ერთგულმა ხელსაწყომ თითქოს ამინდის გაუარესებასთან ერთად იგრძნო და იწინასწარმეტყველა, ნიკოლაძეთა ოჯახის ტრაგედია. რუსუდანს შეშინებია, გიორგის კი სიცილით უთქვამს — ჩანს, რაღაც საშინელება მოხდება, ისე „დაეჯახა“ ძირს ბარომეტრიო.

: 20-ს რომ ავდექით, გაზეთში ჩავიხედეთ, იქნებ ხელახლად გადაუდვიათ „კარმენიო“, მაგრამ არა, „კარმენი“ დღეს იყო. ნიჟარაძემაც დარეკა, ცდებოდაც უსათუოდ დღეს ვინყებოთ, ამაღამ იქნებ მანქანით გამოგიართოთ შუალამისთვის, დიდუბეში წასასვლელად...

დილის ჩაის რომ ვსვამდი და გიორგიმ დამიძახა დედას ოთახში: „მოდი აქ, ბარომეტრს შეხედო. თუ გახსოვს, გუშინ რამდენი იყო?“ მე მახსოვდა საღამოს 728 მმ იყო, რაც გიორგიმაც შეამოწმა და რაზედაც მე მჭონდა ნონიუსი დაყენებული წინა საღამოს. „აბა ახლა შეხედო“, — მითხრა გიორგიმ და მე პირდაპირ ნამოციყვირე გაცივებით: ბარომეტრი 712-ზე დაცივდებოდა და ნონიუსის და ვერცხლისწყლის დონის შუა 16 მილიმეტრიანი შავი სიცილილე ალებდა პირს, შავად, საძაგლად. მე პირდაპირ შემეშინდა — ეს რა მოგველის-თქო, გიორგი კი მხიარულად იცინოდა. ჩემმა გულის გასახებლად და გაცივებამ ის კიდევ უფრო გაამზიარულა და ასეთივე სიცილით მითხრა — „რამე საშინელება მოხდება, სჩანს, ისე „დაეჯახა“ ძირს ბარომეტრიო“...


და ხომ მართლაც მოხდა ჩვენთვის!..

„კარმენისთვის“ რომ იცვამდენ უკვე ქარიშხალი იყო. გული მისკდებოდა, არ გაცივდესო. გიორგის ჩაცმაში ყველანი ვიღებდით მონაწილეობას, ვინ რის ჩაცმას ურჩევდა, ვინ რის: ისეთი რამ უნდა შეგვეჩინა რომ თეატრშიც ლაზთიანი ყოფილიყო, ქარხანაშიც გამოდგომოდა 20-22 საათიანი მორიგეობისათვის — ასეთ ყინვა-ქარიშხალში, თოვლში, ასეთ სიმორეზე და ისეთ პირობებში, როგორცაა შავი ქვის ღუმელთან მუშაობა.

გიორგიმ, ცხადია, არც-ერთი ჩვენგანის რჩევა არ მიიღო, ის ჩაიცვა, რაც თითოეული მოსურვა — თავისი ყოველდღიური მოქსოვილი და პოჯა-მარვალი. არ დათანხმდა არც ჟორჟეტას მომზადებული „საგზის“ წალბაზე და გაუდგა გზას ოპერისაკენ. ქარი გასაგებებელი იყო. სიცივე კიდევ უარესი... :

ძალიან გადაჯაჭვია ერთმანეთს იმდღევანდელი „კარმენი“ და გიორგის გარდაცვალება.

: მესამე მოქმედების დროს მოიყვანეს ატირებული გურამი — არ მოუნდომია გათავებამდე შინ წამოსვლა და საშინლად უღრიალია თეატრში. ისიც, თამროც, ნიკოც სულაშვილები დაბრუნდნენ შინ და თამრო აღარ გაბრუნდა კონსერვატორიაში, ტატას კონცერტზე, სადაც 11-12 საათზე ტატას გამოსვლა იყო და ტატა მათ ელოდა... გათავდა მეოთხე მოქმედებაც და ჟორჟეტა და ნიკიც გაბრუნდნენ — უგიორგოთ, რომელსაც ისინი ერევის მოედ-



ნამდვიე მიუცილებელია, შემდეგ კი უჭმელი, თე-ატრში გახურებული, ამ ქარიშხალში ტრამვაით და ფეხით ქარხანაში გაბრუნებულა შემდეგ საღამომდე. ჟორჟეტა სულ აშლილი დაბრუნდა — სახე დასივებული, ძალიან ნამტირალი. თურმე მთელი ორი მოქმედება ეტირა — უმიზეზოდ — და გიორგი „განყრომდა“... მაშინ ხომ მხოლოდ 8 თვე იყო, რაც გივი დაიღუპა, მისი ძმა, და გიორგი სულ თავს ევლებოდა ჟორჟეტას, რომ ის მწუხარებას არ მისცემოდა...

ქარხნის სახურავი სულ აუგლეჯია ქარს იმ ღამეს... გიორგი მხოლოდ საღამოს დაბრუნდა, 21-ს. რა საშინელი, რა დაქანცული, რა გაყინული!.. და რა საზარელ გუნებაზე... არც ცდებით იყო კმაყოფილი, სჩანს, არც ჟორჟეტასთან იყო ჩვეულებრივ მშვენიერ განწყობილებაში. ღამე — და კიდევ ამ სიცივეში — ქარხანაში ყოფნა თბილი ბინის ნაცვლად იყო მიზეზი ჟორჟეტას ცოტათი „სიგრილის“ — გიორგი კი ჩვეულებრივ ჯიუტად იცავდა თავის ხაზს თავის მუშაობაში და საერთოდ ყველაფერში...

ადრე დანვა გიორგი იმ საღამოს და დილით სურდო-ხველით ადგა — „გავცივდიო ნუხელის“. ბევრი ვეხვეწეთ, ერთი დღე შინ დარჩენილიყო, მაგრამ მან არც ეს ქნა არასგზით: „უჩემოდ ვერ მოერევიან ახალ ცდებსო, არ მიდის ჯერ კარგად საქმეო...“

საღამოს გიორგი ისეთი გამოცვლილი დაბრუნდა და ისეთი გამბდა-გაფითრებული, რომ ბუხართან მჯდარმა ჟორჟეტამ მიადახა მას უნებლიედ: „რა მოხდა გიორგიო!“ — არაფერი, რა უნდა მომხდარიყო... :

მერე და მერე საქმე უარესობისკენ ნასულა. რუსუდან ნიკოლაძე თრთოლვით, მაგრამ რეპორტიორის დარად აღწერს მოვლენებს:

და მისი ხველა! მეტადრე მე-5, მე-6 დღიდან და მეტადრე მე-10, მე-11 დღიდან როცა ის უკვე... კვდებოდა, ჩვენ კი, უბედურებმა, ეს ჯერ არ ვიცოდით, ან თუ გვიეღავდა ცუდით შეჩერებულ გულში ასეთი სისხლის გამყინავი შიში, ვუნყურებოდით, ვუტყვავდით ჩვენს თავს, რომ ნება არ მიგვეცა ჩვენი გულისთვის ასეთი „სისულელის წარმოდგენისა“, ასეთი „ლანჩობისთვის“ თავის მიცემისა. ვცდილობდით წარმოგვედგინა ყველა ის შემთხვევები, როცა ასეთივე (და ამაზე უფრო საშინელი) სურათი გვეჩინა ჩვენ ან სხვებს — ამავე წყეული კრუპოზული ანთებისა და როგორ მოსპობილა მთელი ეს საშინელება კრიზისის შემდეგ. ასე არ იყო დედას ანთების დროს პეტრბურგში? ასევე არ იყო იუზოვკაში, გიორგის პირველი ანთების დროს? თამრო ერთი ასჯერ გვიყვებოდა მე და ჟორჟეტას, რამდენად უარესად იყო მაშინ გიორგი და აი, ხომ მორჩა და ხომ გამოკეთდა ასე მალე. მე და თამრო... ათას-ათასჯერ ვუამბობდით საწყალ, შეშინებულ, გულგახეთქილ ჟორჟეტას, დედა როგორ იყო პეტრბურგში, გიორგის ანთების სწორედ ერთი წლის წინ. როგორ კვდებოდა რამდენჯერმე, რა გამოაცხადა კონსილიუმმა, რა ეგონა ჩვენს ექიმს, რა მოხვლოდა დედას გულს. და მერე როგორ რჩებოდა დედა და როგორ რჩებოდა გიორგი...

რამდენსაც დამინახავდა, გამიღიმებდა და მეტყვოდა: რატომ არ იძინებ წადი, დანეჭიო, ჟორჟეტა კარგად მივლისო... 4 საათის შემდეგ ნამოვნიქი მართლაც სასადილო ოთახში, ბუხრის წინა „დივანზე“... ამ დივანზე გულგახეთქილი წოლა ერთერთი ძირითადი ჩემი შთაბეჭდილება იყო იმ საზარელი ორკვირების! ნამოვნიქი, ღელვით და სიცივით აკანკალებული და კიდევ ვიძინე ცოტა, რადგან მეჩვენებოდა რომ მათაც სძინავთ ორივეს, გიორგისაც და მის გვერდში ნამოწოლილ ჟორჟეტასაც... 6-დან კარი მიხურული დამხვდა და ველარ შევბედე, არ გავაღვიძო-თქო... დარეკა 7, დარეკა 8 — კარი არ იღებოდა და გიორგის საშინელი დროგამოშვებით ხველის გარდა არაფერი ისმოდა. თითქმის ცხრის ნახევარი იყო, კარი რომ სწრაფად გაიღო და ჟორჟეტა გიჟვით გამოვარდა: გიორგის 39 და 7 კეკს, მე კი დამძინებია და აქამდე მეძინაო! მეცა მე ჟორჟეტა, მომეხვია და ტირილი დაიწყო. გულგახეთქილმა დედამ ძლივს გაიგო რაშია საქმე, თან ჟორჟეტას გამშვიდებდით, თან გიორგისთან შევედით საჩქაროდ. შევედით და მე შუა ოთახში გამაჩერა — იატაკზე მიკრულივით! — მისმა დანახვამ: როგორ გა-


მოცვლილიყო ამ 4 საათის განმავლობაში, როგორი გამბდარი იყო, თვალზე- და ლოყებზე-ჩაცვნილი, რა საშინელი ფერით — ცვილივით გაფითრებული ნესტოებზე და საფეთქლებზე — სიცივით ანთებული ლოყებით და რა დაქანცული, რა გატანჯული თვალებით. და რა აღერსიანი, თავისი უმშვენიერესი ღიმილით, რომელსაც ცხადია, ჩვენ დასამშვიდებლად ინველდა თავის სიცივით დამწვარ, თითქმის გაშავებულ ტუჩებზე, რომელიც ასე საშინლად უშრებოდა და უხმებოდა იმ საზარელი ავადმყოფობის დროს... და ტუჩებზე ენას ივლებდა, რაც ჩემზე საშინლად მოქმედებდა...

ჟორჟეტა გიორგისთან დარჩა გასინჯვის შემდეგ და ჯერ არაფერი იცოდა, დედასთან კი მაშიდა ფროსიკო იჯდა. მაშიდა კატოს შესახებ ექიმთან მოსალაპარაკებლად. მაშიდა კატოსაც გრიბი დემართა იმ დღეებში და იმ დღეს ცუდად იყო, 38,7 ჰქონდა და მაშიდა ფროსიკო მასზე ბევრად უფრო ღელავდა, ვიდრე გიორგიზე... : მერე მაშიდა ეფროსინე, ბესიკ ჭიჭინაძის დედა შეუყვანიათ გიორგისთან. მძიმე სურათი დახვედრიათ, მაგრამ გიორგის უცდია სახით უეცარი შეცვლა, გაღიმებაც კი და მაშიდას მიბრუნებია: „აა! ეს შენ ხარ, მაშიდა ფროსიკო, გამარჯობა, როგორ ხარ? მაშიდეები როგორ არიან? აკოცე მათ ჩემს მაგიერ“...

მერე მაშიდა ეფროსინე ოთახიდან გამოვიდა და რუსუდანი და ჟორჟეტა დარჩნენ მასთან. : როცა ყველა ნავიდ-ნამოვიდა ღამისთვის და მე და ჟორჟეტა დავერჩით მორიგეებდა, ჯერ მე ვუჯექი გიორგის და... მისი ნესტო მეჭირა გამოწეულად (მარცხენა) რომ სუნთქვა შეძლებოდა და იქნებ დაძინებოდა, მერე სამ საათიდან გიორგიმ ჩემ ოთახში გამოსტუმრა, ახლა შენ დაიძინეო. სანამ მე ვუჯექი და ჟორჟეტას იქვე, ტახტზე თითქოს ეძინა, გიორგის მხიარულად ეჭირა თავი — საერთოდ, იმ ღამეს თითქოს კარგ გუნებაზე იყო. აიჩნა, რამე რგოლი რომ მომცა ცხვირში ჩასადები, მაშინ დამეძინებო — ეს დაზიანებული ცხვირის ძვალი მიშლის სუნთქვას ასეთ სურდოშიო. მეც მოვიგონე: ალუმინიუმის სათითეს თავი ნავაჭერი და დარჩენილი ღრუ ნაკვეთილი „პირამიდი“ ნესტოში შევუდე. გიორგიმ ბევრი იცინა თავისებურად, გულიანად, მაგრამ, ცხადია, აბა რას უშველიდა სათითე მის საზარელ ანთებას და სურდოს? და გიორგის ერთი წუთიც არ უძინია, არც იმ ღამეს...

პირველიდან სამამდე მე ვუჯექი სავარძელში ლოგინის გვერდში. სამიდან მე გამისტუმრა და ჟორჟეტას რიგი დადგა. 25-დან ჟორჟეტას ლოგინი გამოვიტანეთ მათი „შკაფის უკანა“ განყოფილებიდან, რომ უკეთ მისადგოში ყოფილიყო მოსაველელად გიორგი... დღე თამრო და ჟორჟეტა არ შორდებოდენ, ჩვენ დანარჩენები სულ ახლო მახლოდან ვიჭვრიტებოდით ან შემოვდიოდით... გიორგის განუწყვეტლივ უფცქვნიდენ და აწუნვნიდენ მანდარინებს, წვენს... საწყალი, საცოდავი ჟორჟეტა, როგორ უფლიდა მას, განუწყვეტლივ, როგორ შესცქეროდა თვალებში, როგორ ეალერსებოდა, როგორ ევლებოდა თავს... თან როგორ შესცქეროდა თვალებში თამროს, ექიმს... როგორ გამოგვიკითხავდა ჩვენს გამოცდილებას, ჩვენს ახლანდელ შთაბეჭდილებებზე... ჩვენც როგორ ვიყავით, ყველა... : გიორგი მძიმედ სუნთქავდა, მაგრამ რამდენადაც შეეძლო, მხიარულად უამბობდა ჟორჟეტას და რუსუდანს ძველ ამბებს. იუზოვკაში თავისი წინა ფილტვების ანთება გაიხსენა, როცა ეგონათ, რომ ვერ გადარჩებოდა. რუსუდანმა ვერაფრით ვერ გაიხსენა, როდის ჰქონდა მაშინ გიორგის კრისიზი — მეშვიდე თუ მეცხრე დღეს. ყველანი მისი კრიზისის მოლოდინში არიან — თუ გადაიტანს, გადარჩება.

: დილის 7 საათამდე, როცა უეცრად ოფლი წასკდა და ერთი წუთით ყველას კრიზისი გვეგონა... დედას და ჟორჟეტას გადახვევა და ტირილი — გადარჩა ჩვენი გიორგი. და შემდეგ მაკაროვის შემოსვლა დედასთან: „ადექით, თუ შეგიძლიათ წადით თქვენ ვაჟთანო“. გახარებული, ხელეპკანკალებული, სიციხიანი დედას ჩაცმა და გიორგისთან გაშურება, თავის გადაარჩენილ, კრიზისგამოვილ „შავ ბიჭთან“ და დედას მოყვირება იქ მისვლისას: „ДОКТОР, ЭТО АГОНИЯ?!“ და მაკაროვის სახე! :



გიორგი და დედამისი — ოლგა გურამიშვილი

რუსუდან ნიკოლაძეს მონათხრობი ნელ-ნელა მთლიანად შორდება რეპორტიორის აღწერას და დის მოთქმად გაისმის: : დღე, საღამო, ღამე. კიდევ დილა, კიდევ საღამო და ღამე... ხალხი, ხალხი, ჩვენ თვითონ. დედას გულის წუხილი, ჟორჟეტა, ჩვენ, უძმით დარჩენილი დები, რომელნიც ერთი დაბადებიდან, მეორე... 42 წელიწადი უბედურესი დები ვიყავით ჩვენი სიამაყის — ძმისა... და დედა!

და ჟორჟეტა! აი, როდის გვიხაროდა რომ მამა აღარ გვყავს. არც დედა მამო და ძია დათიკო... ნიკო! ნიკო! პანია გურამიშვილიც კი... დუნია! ყველა!..

ტატა... ზინა... იქ, შორს კი ელიკო, ქეთი, კაკი... ალბერტიკ... მოსკოვში ბესიკი... 7 თებერვალს დილიდანვე... ჩააცვს გიორგის... ჩააცვს, როგორც ჟორჟეტას უყვარდა მისი ნახვა, როგორც ის უკანასკნელად დადიოდა...

და მალე, შუადღეზე ყველასი დახვევა უკან, გასავალ ოთახში, დედას სურვილით, რომ მარტო გამოვთხოვებოდეთ გიორგის... და შემდეგ ეს გამოთხოვება!.. დედა, ჩვენ სამი — ჟორჟეტა — მე — თამრო, ნიკო და აღარ ვიცე, კიდევ ვინ... დედა და გიორგი.

ახლა დედა მივარდა ასევე გიორგის — შვილო! გიორგი! ჩემო სიცოცხლე! შვილო! შემომხედე, შვილო! გესმის ჩემი ხმა? გესმის დედასმის ხმა? შემომხედე, შვილო! გიორგი!.. — მამა ჩემს ესმის, იყო პასუხი — ძლივს მოძრავი ვენით, გაძნელებული სუნთქვით... გიორგი! გიორგი! მივარდა გიორგის თამრო: შენი ჭირიმე, გიორგი, ჩვენო სიამაყე — გიორგი, გიორგი! — გიორგი! Что это, доктор?! Он умирает, Георгий?! — გაისმა გიორგის მარცხენა ხელიდან ჟორჟეტას ხმა. დედა და თამრო კი მარჯვნიდან იდგნენ. მე ფეხებში...

გიორგიმ ყველას თვალი გადმოგვავლო და კიდევ უფრო ალულულებული — უკვე თითქმის დამბლადაცემული ენით გვითხრა: ნუ პამპულობთ! ჯერ კიდევ ბევრი რამ დაგჭირდებათ...

ჟორჟეტა და დედა გაიყვანეს ცოტა ხნის შემდეგ... ყველაფერი აირია — დავრბოდით — ჟანგბადი, ქილები, მომაკვდავს დილის კონსილიუმმა ქილები გამოუნერა გულზე — კიდევ რაღაცეები — ფელდშერიცები, გაბო, ზინა, ექიმები დარბოდენ, რაღაცას აკეთებდენ... გიორგი კი კვდებოდა, კვდებოდა...

ვინ არ მოვიდა, ვინ არ მოიჭრა ამაში დასადასტურებლად!..

უეცრად გაახილა თვალები, მე გამოღიმა და ვილაცის ძებნა დაიწყო თვალებით. ახლავე მოვლენ დედა ჟორჟეტა! ნამოვიძახე მე და გავვარდი მათ შემოსაყვანად. დედას წყლით აბრუნებდენ — მას ფეხები ნაერთვა, მუხლები ეკეცებოდა, ის თითქმის „მოიტანეს“ გიორგისთან. ჟორჟეტა კი იატაკზე დაეცა და არ მოდიოდა — რეველვერი მომეცით, თავი უნდა მოვიკლაო. რამდენი ვეხვეწეთ — გიორგი გეძებს, გეძახის. რამდენი წუთი დავკარგე გიორგის უკანასკნელ წუთებიდან ამის გამო... როგორც იყო ავაყენეთ ჟორჟეტა, ისიც მივიყვანეთ, თითქმის ერთდროულად დედასთან... ღმერთო რა „ციური“ ღიმილით შეხვდა გიორგი ჯერ დედას, მის მარ-

ჯვნივ მდგარის, მერე ჟორჟეტას, დედას პირდაპირ, მის მარცხნივ გაჩერებულს...

ეს იყო გიორგის უკანასკნელი პირადი — ცნობის ღიმილი. ორი ღიმილი, დედას და ცოლს, თავის ჟორჟეტას.

კვდებოდა გიორგი, აბა მეტი რა დავწერო — იმ კრულ, შავ-ბნელ დილაზე, შუადღეზე?..

მისი ლოგინი ფანჯრისკენ გასწიეს, ფანჯარა გააღეს, ჟანგბადით ოთახს აესებდენ, მაგრამ გიორგის სუნთქვა იკლებდა, უკვე მხოლოდ დრო-გამოშვებით იყო...

ა-ა-ა! გაისმა თამროს კივილი და ნიკომ და ვილაცეებმა გააცილეს ის მის ოთახში. დედაც, ჟორჟეტაც დიდი ხანია გაყვანილი იყვნენ, ველარ უძლებდა ვერავინ მომხდარს...

იმ სურათს... მეც წავედი სადღაც მაგრამ ფეხებმა უკან მომიტანეს, ოღონდ ველარ ვიარე და სჩანს კართან ჩავმჯდარვარ იატაკზე.

მასზე, რომელიც თუნუქის კი ვადაურჩა. თითქოს მართლაც სვანების „წმინდა გიორგის“, თავისი ციური სეხნის მადლით!..

თუ, პირიქით, უდგება: ასე შეუკრთომლად, გულგრილად, აულელვებლივ მიიღო გიორგიმ თავისი „ულუფა“... მიიღო, გაუღიმა და გამოეთხოვა მზეს, ცას, ციურ ხმებს და გაჰყვა შავ სიკვდილს, სადაც მას სურდა... :

გიორგი ნიკოლაძის სიკვდილი ელვის სისწრაფით მოედო მთელ ქალაქს. რადიო ახალი ხილი იყო და, რა თქმა უნდა, როგორც ყველაფერი სიახლე, ნიკოლაძეების სახლში ის უკვე აღარავის უკვრდა:

: თურმე მთელ ტფილისს მოედო ეს საზარელი და დაუჯერებელი ამბავი. მთელ ტფილისს ერთბაშად: იმ „ელსმენით“ და იმ „ელწერით“, რომელსაც ასეთი მხიარული სიცილით გიორგიმ დაარქვა ჩემთან ერთად მათი ახალი, ქართული „ფუტურისტული“ სახელები... გიორგის „ელსმენი“ — რამდენი მისი ნომრით იტყობდენ, გიორგის 21-17 ნომრიდან, იმას, რაც მოხდა „უთხუთმეტო ორზე“, როგორც აგრეთვე გიორგიმ შემოიღო დროის დასახელება... ტელეგრაფი კი? რამდენი „ელვაც“ წავიდა სხვადასხვა ქალაქში, უბრალო „ელწერილიც“: გიორგი ნიკოლაძე გარდაიცვალა.

ავადმყოფსაც კი ედგა გვერდში მისი „8 ნათურიანი“ საზღვარგარეთული მიმღები და ედო მის ზემო თაროზე ეს რადიოგრამები.

ხან სად გადაგვაფრენდა გიორგი, ხრანის ერთი მოსმით თავის მიმღებზე ხან სად! ხან ვალკიორების ფრენას შუა ქარბუქში მოვხვდებოდით, ხან პრაპის დაუბოლოვებულ ფოქსტროტ-ჩარლსტონში, ხან უელსის პრინცის სიტყვას მოვკრავდით ყურს ან ვესტმინსტერის საათის შუალადის 12 დარტმას აქაური ღამის 3 საათის დროს... ხან — ერთს წუთში მილანოს „La Scala“-ს იტალიურ ოპერაზე ამოყვოდით თავს თუ არა, ყურს მანც!.. გიორგი გიორგი არ იქნებოდა, რომ მარტო მას ქონოდა რადიო, მას და ჟორჟეტას. მათ ჰქონდათ ეს მიმღებიც, საერთო, ქალაქის ქსელის მიმღებიც, რომლიდანაც ყველას ოთახში გაიყვანა გიორგიმ მავთულები, გარდა ჩემი და ნიკოსა, რომელთაც პირდაპირ გვაიძულა ეს რადიო-ღრიალი და აქაური ხმამალალი გადმოცემა.





დათო მალრაძე

წითელი უდაბნო

და ფრთები... და ფრთები...  
 წყალობა, ან თუა  
 სასჯელი, რომ გახდეს  
 სამიზნე მონათა,  
 დე სენტ-ეგ ზიუპერი გამიმხელს ანტუან  
 და ან ლივინგსტონი, თოლია ჯონათან.  
 ვისკიში რომ ჩაყრი ყინულის ბურთულებს,  
 მძაფრდება რწმენა, რომ  
 სადღაც მეტი ცაა...  
 როცა ეკიპაჟი აცხადებს ტურბულენსს,  
 მაშინ პოეზია = პეტრეციას!  
 ამიტომ, რაც ხდება მინაზე მხეცობა,  
 ეთხოვა პოეტს, რომ მიწეროს მეგობარს,  
 რადგანაც პოეტი მაღლიდან ეცნობა  
 იმ რუკას, რომელიც  
 ასახავს ეპოქას.

შეველე დროებას ის კარი Hotel-ის,  
 რომელსაც ამშვენებს წარწერა — Gloria  
 და შევხვდი მენეჯერს ისკარიოტელის,  
 რომელიც ყველგან და  
 ყოველთვის სწორია.  
 შევამკო მინდა და არ ვიცი, რარიგად,  
 ამჟამად რომელი ტიტულით ტიტულობს...  
 დგას დემოკრატიის დამწვარი ბარიგა,  
 გაყიდის დემოსს და  
 კრატეას ყიდულობს.  
 ასე რომ, ციური საგნები — ენელოც  
 საფარი აღმოჩნდა მინიერ ვნებათა,  
 ისმინე, შენ ჩემო ძვირფასო მსმენელო,  
 შენ იცი, მე არ ვცნობ  
 სხვის ნაცნობ ეპატაჟს.

ტრენდი და შაბლონი დროს ვეღარ იწელებს,  
 სიახლის წყურვილის სიმძაფრით გალესილს...  
 — შეხედე პიკასოს ავინიონელებს!  
 — გნებავთ, ოლიმპიას! — ეღუარდ მანესი.  
 გაცვეთილ ბილიკებს საჩქაროდ უარი  
 თუ არ მივაგებეთ, მომავალს უარესს  
 მივიღებთ, ცარიელ ლოჟას ბენუარის  
 შეავსებს, ვინც გუშინ  
 ნატრობდა იარუსს.  
 ასეა... და ასე ყოფილა ოდითგან, —  
 სპეტაკი სითეთრე ვინა სთქვა უშავოდ...  
 მართალი — ჯერ თავის სამშობლოს მოკითხავს,  
 მტყუანი — სხვა ქვეყნის ცოდვეზზე მუშაობს.

უცხოელ ჩინოვნიკს საღამოც არ ნებავს,  
 თუ იმპერიული ხავილი სოპრანოდ  
 არ გააშთარე... და ამპარტავნების  
 აუშვეს აფრანი,  
 სულ უფრო უფრონი...  
 ჩანს, პერიფერიის ქლესობა უსაპნო  
 ჰეგემონს სულ უფრო  
 და უფრო ევასა,

რაც ანტონიონის „წითელმა უდაბნომ“  
 მოიცვა ნალკოტი ადამ და ევასი.  
 ეს წუთისოფელიც ერთ წრეზე გვატრია-  
 ლებს, კარის შეღებაც არ იქნა NATO-სი,  
 თაღლითი სიყვარულს უმტკიცებს პატრიას,  
 საბჭოთა ქართული ნაცნობი პათოსით.

იმ სიტყვებს დავეძებ, დღეს ვწერდი მეგობარს,  
 ნატიფი ქართლი რომ შევიდეს მოდამი,  
 რომ თანამედროვე გადარჩეს ეპოქა,  
 ან ტატოს ვესტუმროთ,  
 ან სწავლულ დოდაშვილს.  
 რომც დიად განზრახვას მოჰქონდეს ხიფათი,  
 მინდა, რომ ამბავი გადამხდეს საგმირო...  
 განსაცდელს შევხვდები არხეინ სიფათით,  
 ნატიფი ქართლი რომ...  
 ნატიფი ქართლი რომ...  
 მაგრამ თუ წიგნიდან გამოვლენ გმირები,  
 რომ ვიცნო ქართული კულტურის ატაშედ,  
 შევმატო ამ საქმეს რამ წვლილი მცირედი,  
 ან ვიტყვი — ალუდას!  
 ან — ლეკო თათაშელს!

ძველი დრო თუ ჩარჩა წარსულის მხარეში,  
 ახალი დროება რას იტყვის, რო რაო?..  
 ტრენდული ევროპა, ჯვარცმულის გარეშე,  
 ფსიქოთერაპევტის დივანზე გორაობს.  
 დრო მუდამ ერთია, —  
 რა ის დრო... რა ეს დრო...  
 დრო ღმერთს რომ „გაუსწრებს“, ის დროა საშიში...  
 პარიზულ ტანგოს რომ იხსენებს მანსტრო, —  
 კარაქს რომ მიახმარს ევროპას ა.შ.შ.  
 — ახალი მანე და  
 — ახალი პიკასო!  
 ჩამოშლის უსულო ეპოქის მეფობას,  
 რომ ღვინის ბოკალი ვარჩიო „სიბაზონს“  
 — უარი ფსიქოლოგს!  
 — საღამი მეგობარს!

და ფრთები... და ფრთები... წყალობა, ან თუა  
 სასჯელი, რომ გახდეს სამიზნე მონათა.  
 გამიმხელს უკვდავი პილოტი ანტუან  
 და ან ლივინგსტონი თოლია ჯონათან.

აოჯის ვიქტორ

რა არის საზოგადოება  
 ჰეროიკული განზომილების გარეშე?  
 ჟან ბოდრიარი

მოძებნე აკორდი, თუ ძმა ხარ,  
 რომაღე,  
 რომ მალე შევიხსნათ დრო-ჟამის ჰალსტუხი,  
 ლექსი ნაბიჯია,  
 გადავდგი რომელიც,  
 სიკვდილთან სიცოცხლით რომ ვაგო პასუხი.

სტრიქონით ნაპირის ნისლი რომ გაფანტე,  
 გამოჩნდა ტალღაზე პირველი თოლია,  
 მეორე, ჰაერში რომელიც ფარფატებს,  
 თურმე იმ პირველის  
 მესამე ცოლია.  
 რომაღე, აკორდით  
 დრო იქნებ ნავშალოთ...  
 ფრთები რომ საათის ისრების ტოლია,  
 ვინამე... და ვეღარ ვიქნები საშუალო,  
 დროს ფრთებით მაჩვენებს  
 ზეცაზე თოლია.

ნისლს რომ შევეყუფე  
 და რომ გაიფანტა,  
 გავხედე ზეცას... და ცა ცაზე მეტია...  
 და ლექსად მივწერე გულისტქმა ინფანტას,  
 რომაღეს აკორდში რაც არ დაეტია.  
 — დიდება ინფანტას! პოეტის დრო თუა,  
 ნიშნავს, რომ სასახლის კარზე ვარ წვეული...  
 კარტით მივალ,  
 თუ გავყვები ტროტუარს,  
 სხვადასხვა ეპოქით ერთად ვართ სწული.  
 თუნდაც ფოტოები გაღებოს სეპიამ,  
 დრო მუდამ ერთია, —  
 რა ის დრო...  
 რა ეს დრო...  
 ღირსება ახსოვდეს,  
 რომ Homo Sapiens-ს  
 შეკითხვით მივმართავ დიდებულ მანსტროს:

— ანდრეი არსენიჩ! — ბახსა და ბრეიგელს  
 სიზმარი განვდის და გაღვიძებს ოფლიანს,  
 სამყაროს გაუნვდი „სარკეს“ და შეირგებ  
 დროის საიდუმლოს  
 და ფილოსოფიას.  
 — ანდრეი არსენიჩ,  
 მამის სულს გაფიცებ,  
 უდროო დროში რომ დაეძებ რეზონანსს,  
 დროს როლზე რომელი  
 კასტინგით ამტკიცებ,  
 დროს, შენი ხილვების  
 ძირითად პერსონაჟს?..  
 ...ახალი ამბავი, სახელად ნიუსი,  
 ვერ მოაქვს ინტერნეტს,  
 ვერც ანონსს გაზეთის,  
 რადგან Dolorosa-ს მოსეზე იესომ  
 მარადით ნაშალა  
 დრო, როგორც ასეთი.

და ერთიც:  
 მჯერა, რომ უდროო მხარეში  
 დროს მომცემს,  
 დავითმა რომ ვძლიო გოლიათს,  
 ბერგმანის საათი, ისრების გარეშე,  
 ანუ, ფრთებდაყრილი ნაპირზე თოლია.


თუნდაც საუკუნეს ითვლიდეს მილიარდს,  
 უდროო დროიდან ავეკნკავ იმ წამებს,  
 აქ, წინამურთან რომ ვერ მოკლეს ილია,  
 ახალი ეპოქის დასაწყისს ვინამე.  
 დარდებს კი მივანდობ მშვენიერ გეიშას,  
 ღვინოში ვენდობი ალაზნის ვენახებს,  
 ფანჯრიდან შევირგებ მშობლიურ პეიზაჟს...  
 — ჰო, მართლა! სანუკვარ  
 სამშობლოს შესახებ:  
 ხან ხელში იარაღს,  
 ხან სხვის ლექსს, მავანი  
 მაჩვენებს და ხარობს, რომ მჩუქნის ამ წამებს,  
 რადგანაც ქართველთა არხეინ საგანეს  
 სამშობლო დავარქვი —  
 და ცილი დავწამე.

...ოცნებობს მედროვე, რომ თანამედროვე  
 იერით იაროს, სინდისზე უარით...  
 თუმცა ჯერჯერობით პოეტის ვეტო ვერ  
 დავადე... ვუთხარი დროს ორეუარი.  
 მრავალჯერ სიზიფეს ტვირთით დავგორდი,  
 თუმც ახლა ხელთა მაქვს ახალი მეთოდი...  
 დრო თუ ვერ ნავშალე რომაღეს აკორდით,  
 მაინც შევაჩერებ პოეტის ვეტოთ...  
 რადგანაც კენწერო ვინამე ფესვიდან  
 და უფლის გზავნილად მივიღე თოლია...  
 რადგან სიყვარული ახალი ლექსის და  
 სინათლის სიჩქარის  
 ნამრავლის ტოლია.

P.S.

საღამი, ავანგარდს! — როდესაც არიერ-  
 გარდშია ფესვი და ძიების დრო არი...  
 პოეტის ვეტოთი ვშლი დროის ბარიერს,  
 მახარებს, დრო თავად  
 უდროო რო არი...  
 ქალი რო გაივლის და ქალი რო არი...  
 კაცი რო შეგხვდება და კაცი რო არი...  
 რა იშვიათია... In English rare-ი...  
 დო როცა დოა და რე როცა რე არი...  
 — გვახსოვდეს ღირსება! —  
 ამბობს ბოდრიარი.





### ქეთევან ნათელაძე

#### რომ ზღვა იყავი

სიმღერას ჰგავდა ყველა ფიქრში შენი საბედო, იმ სიმღერების შენ იქეცი მძევლად, დარაჯად, ერთ დღეს კი

მაინც საკუთარ გულს უნდა ჩახედო, რომ დაინახო, რომ გაიგო, მისგან რა დარჩა...

შენ ხომ იცოდი, რომ ზამთარი დიდხანს გასტანდა, დაიმახსოვრე ის ზაფხული, ის მზე, ის ჩერო, ვინ დაიჯერებს, რომ წერილებს ჩიტებს ატანდი, ვინ დაიჯერებს, ან რად გინდა, რომ დაიჯერონ!

როგორც ლიმონი, შენი თავი ისე განურე, ისე მოარგე გულგრილობის ცივი ნილაბი, ისე ბოლომდე ამოხაპე, ისე დააშრე, ვინ დაიჯერებს, რომ ღრმა იყავ, რომ ზღვა იყავი.

#### უნდა გვეცაღა

რა ხანმოკლეა ზოგჯერ ცხოვრება, მაგრამ ჩვენ მაინც უნდა გვეცაღა, დაემგვანებოდით ბავშვებს და ხეებს, რომელთაც ცამდე გაზრდა ენადათ.

რა ხანმოკლეა დილა ზაფხულის, მწვანე ფოთლებში ქარვის მიგნება, რა ხანმოკლეა წყვილი წვიმაში, რომელიც ხვალ აქ აღარ იქნება.

რა ხანმოკლეა ზოგჯერ ღიმილი, ან მწუხარება რა გზის ამბნევი... და სიყვარულიც, ასე ხანმოკლე, ჰგავს გაელვებას იასამნების.

თითქოს გამოგვრჩა რაღაც მთავარი, რა ხანმოკლეა, როცა მირეკავ, რა ხანმოკლეა სარკე ოთახში, რომელიც ყველა სევდას ირეკლავს.

მაგრამ ჩვენ მაინც უნდა გველოცა და გავყოლოდით ნიშნებს ბრმასავით,



რა ხანმოკლეა, მატარებლები გეზს აიღებენ როცა არსაით.

როცა ლოდინის წამი მორჩება, და გავიფიქრებთ: „ღირდა რისათვის“, მაგრამ ჩვენ მაინც უნდა გვეცხოვრა, თუნდაც ამ მოკლე შეხვედრისათვის.

ვერ დავემგვანეთ ბავშვებს და ხეებს, რომელთაც ცამდე გაზრდა ენადათ. რა ხანმოკლეა ზოგჯერ ცხოვრება, მაგრამ ჩვენ მაინც უნდა გვეცაღა.

#### ნარმოსახვა

ნარმოსახვასთან ვმარცხდებოდი თითქმის ყოველთვის, დღემდე ასეა — ცხრა სამყარო აქვს და ცხრა კარი, ჩემ ნარმოსახვას სხვა რამ უნდა, სხვა სწამს, სხვა სჯერა, სინამდვილე კი გამუდმებით არის სხვაგვარი.

მოკვდი შენ, ჩემო ნარმოსახვა, ან მე მომკალი, თორემ ვიქეცი საკუთარი თავის მონებად, იმის ირწმუნე, რაც არსებობს, ის დაიჯერე, რაც არ არსებობს, ის სიმართლე ნუ გეგონება.

\*\*\*

ქარმა ხეები ფილმებით გაახმოვანა, ვიმსხვრევი მინის, ვარდისფერი მახსოვს დაისი, რა ნაზი იყო ის შეხვედრა, რა ცეცხლოვანი, როგორც მისი თაფლობისთვე, როგორც მისი...

ვიმსხვრევი მინის, მზეს შეაბეს ყინვის ხუნდები, ხვალ აქ სხვა ქალი დაიწყება, ხვალ აქ სხვა მოვა, ის ზღვა რა ზღვაა, საიდანაც უკან ბრუნდები, იმ ზღვაში შევალ, საიდანაც ველარ გამოვალ.

\*\*\*

ვისთვის რა არის თასი გრაალის, ზოგჯერ მწუხარე ქარიც ვერ ტირის,

და ვინ რა იცის, ვისთვის რა არის ბოლო ზღვარი, ან ბოლო წერტილი.

ბოლოს ყველა გზა ხდება ირიბი და თავს დაგვცქერის ღამე თაღებად, ვისთვის რა არის ბოლო ბილიკი, ბოლო ზეცამდე ამოძახება.

ვისთვის რა არის ბოლო ნოტები, სულაც არ უღერდნენ თუნდაც საშინლად, როცა არავინ არ ელოდება, ზოგჯერ წერტილებს სვამენ მაშინაც.

#### ყვავების სევდა

რა უხეიროდ შავები ხართ, ყვავებო, მართლაც, რამ გაგაშავათ, რა იდარდეთ ასეთი დარდით, ასე სასტიკი რამ გარგუნათ ყოფა და ხვედრი, მჯერა, რომ უნინ თქვენ მღეროდით ბუღბუღლთა ხმაზე და თქვენი ფრთებიც თეთრი იყო, თოვლივით თეთრი.

რა შემზარავად შავები ხართ, ყვავებო, მართლაც, მობინადრენო საფლავების, წყველის და შიშის, მოჩვენებებო უკაცრიელ ტყეთა და ველთა, მოფრინდით ღამით, ჩემი ბალის ყვავილებს გჩუქნით, ყველა ყვავილი წაიღეთ და თქვენ დარჩით ჩემთან.

ჩემი მძივებით და იმედით მოირთეთ თავი, მტვრიან ნიგნებში, ძველ კაბებში დაიდეთ ბინა, ვერ შემაშინებთ მაგ ყრანტალით, ნახშირის ფრთებით, მეც თქვენაირად დამშრალი და შავი მაქვს გული, ასე გვალვებში თვალწუნდენი შრებიან ქები.

შემოეხვიეთ სიმინდების ყანებს კვამლივით, ცივი ზამთრების ღამეებმა ვიდრე მომცელეს, გაფრინდით მერე, შავ ქალებზე ამცნეთ სამყაროს, შავი თვლებით, შავი თმებით, შავი დარდებით, რომ შეიყვარეს და იოცნებეს...



რა სიკვდილივით შავები ხართ, ყვავებო, მართლაც, რამ გაგაშავათ, რა იდარდეთ ასეთი დარდით, ასე სასტიკი რამ გარგუნათ ყოფა და ხვედრი, მჯერა, რომ უნინ ბუღბუღლების მღეროდით ხმაზე და თქვენი ფრთებიც თეთრი იყო, თოვლივით თეთრი.

\*\*\*

ზოგი ელტვოდა მინდვრებს მძინარეს, ქარის სიმღერებს ვერ შეეჩვია, ასეც მომხდარა, ზოგჯერ მძინარეს ტალახიანი გუბე ერჩიათ.

ზოგი უცქერდა მინას გალახულს და ეშინოდა ცაში ახედვა, ამჯობინებდა ულაყს არაბულს, გაძვალტყავებულ, ჩია სახედარს.

ზოგს უკუნეთი უჯობს ბილიკი, ზოგს მთვარიანი გზის სურს დანახვა, ვარდსაც კი უთხრეს ერთხელ ქილიკით, შენ გჯობიაო მყრალაბალახა.



პაატა ნაცვლიშვილი

# ჟორჟეტა

## დოკუმენტური რომანის ჩანაფიქრი ხუთ წიგნად

გაგრძელება

და აი იმ ოთახში სადაც ახლა ასეთი სურათი ევლინებოდა შემსვლელს — ახლა კუბო იდგა და შიგ გიორგი!

გიორგი, გარეგნულად ისეთივე გამოცვლილი ჟორჟეტას სურვილით, როგორც გამოიცვალა სამუდამოდ და „უცნობლად“ მისი ოთახი: მთები ამ ერთ პანორამამდე იყვენ დაყვანილი, დანარჩენი კი სულ ახალნაირად გამოეწყო ჟორჟეტას და თამარის გემოვნებით, ჟორჟეტას გემით, წარმოდგინებით... :

და აქ რუსუდან ნიკოლაძეს გიორგის სიტყვები მოჰყავს ნიკოლოზ ბარათაშვილისადმი მიძღვნილი მისი ლექსიდან — „მე ვარ მთლად, სრულად სულით ობოლი!“ — და მერე ვრცელ პასაჟს უძღვნის ჟორჟეტა ლამბაშიძეს:

: ამ ლექსის დაწერიდან 13 წლის შემდეგ გიორგის ეს ობოლი სული ირჩევს ჟორჟეტას.

ამ „მზიან ბავშვს“, გიორგის ბუნების თითქოს ანტიპოდს...

ბევრს ბოლომდე არ ესმოდა, რატომ აირჩია გიორგიმ, „გიორგი ნიკოლაძემ“ ასეთი მეგობარი, ცოლი, თავისი გულის „მფლობელი“.

ეს იმათ უკვირდათ, ვინც ვერ იცნობდა ნამდვილ გიორგის, მისი გულის სრულ სიღრმეს... იმათ უკვირდათ ეს აგრეთვე, ვისაც სრულიად ზერელედ და გარეგნულად ესმოდათ გიორგის გრძნობა და გიორგის ბედნიერება... გიორგი-ჟორჟეტას მშვენიერი, მზიანი ბავშვური სიხარულით სავსე ყრმა-ახალგაზრდა დამოკიდებულება, მათი „გვრიტული“ ცხოვრება, სიყვარული, ყოფა-ქცევა...

გიორგი ერთსა და იმავე დროს სულით ობოლი არნივიც იყო, „გვრიტიც“, ბრძენიც, ბავშვიც, სხივოსანი სიხარულიც, ჯოჯოხეთური ტანჯვაც...

ქალებისათვის კი — ყველასთვის „სფინქსი“. ერთი არ ყოფილა, რომ მისთვის ეს არ ენოდებინოს, არ ეთქვას, არ მოეწეროს. და ის სულ მარტო აპირებდა თავისი გზის დამთავრებას...

მამ როგორ მოხდა, რომ მან ერთ თვეში, რამდენიმე კვირაში შეიცვალა პარიზში თავისი ეს გადაწყვეტილება, მთელი თავისი — როგორც მას ეგონა — ბუნება.

როგორ მოხდა, რომ მან ჟორჟეტა აირჩია თავისი ცხოვრების თანამგზავრად, როგორც მამამ — დედა?

როგორ მოხდა, რომ მან საერთოდ ცოლი შეირთო?

აი როგორ — თვით გიორგის თქმით:

„ჩემო ძვირფასო, ჩემო საყვარელო ჟორჟეტა! ნუხელის მითხარი: „შენ ხარ ჩემი საქართველო“!! ამაზე მშვენიერი აბა რა გითქვამს, ან რაღას მეტყვი? რა გიპასუხო სამაგიერო? სამჯერ შემხვდი ცხოვრებაში: ერთხელ პატარა ცემში, მერე ტფილისში, და ბოლოს აქ, დედამიწის დედაქალაქში — პარიზში. თანაც ჩემ გულში იკავებდი შესაფერის ადგილს: ჯერ პატარას, როგორც არის პატარა ცემი, მერე როგორ-

ც ტფილისი და ბოლოს ეხლა შენ გახდი ჩემი გულის პარიზი...“

და მამას გაცილებს შემდეგ საქართველოში:

„ვარ მარსელში და ვარ მარტო. ბევრს ვფიქრობ და უმთავრესად შენზე...“

...რა უფრო სანატრელია შენთვის: მე თუ, კომფორტი? ან მე თუ მიგაჩნივარ შენ „კომფორტად“? თუ ასეა, ცოტა ცდები, იმიტომ რომ წინდანი იცოდე: მე თუ შეგიყვარდები, ძალიან გაინვალები და ბედნიერებასთან ერთად ბევრ მწარე წუთებსაც ნახავ... „ყველაფერი — „კომფორტი“ — ეს არის ისეთი ადამიანის თქმა, რომელსაც არაფერი (და არავინ) სანატრელი, არავითარი სასურველი არ გააჩნია დედამიწაზე.

სიყვარულმა კი სხვა რამეც იცის. შეიძლება სიყვარულმა „ხმელი პურის რეჟიმში“ ჩაგაყენოს გამუშავოს მეტი, ვიდრე ეხლა მუშაობ, და შენ კი უბედნიერეს არსებად გრძნობდე თავს.

რამდენი ყოფილა რომ კომფორტს გაქცევია და „სიღარიბეში“ გაბედნიერებულა. ასეთებს არ უთქვამთ „კომფორტი ყველაფერი...“ მეტადრე მე უნდა მიფრთხილდე, ჩემო კარგო. ხომ იცი, ადამიანის პიროვნებაზე დიდი გავლენა მაქვს...

ზოგიერთს ბედნიერება სვანეთის მინგრულ ქოხშია ციკვიანობიდან და ეს სრულიად გარეშე ყოველგვარი „სიყვარულის“ გრძნობისა. შენ კი, ჩემო საყვარელო, თუ შეგიყვარდი — სულ დაიღუპები. ასე რომ მიფრთხილდი.

...თავგანწირული ადამიანისთვის, რომელიც არ ფიქრობს თავის თავზე და გატაცებულია „იდეებით“ და „მოღვაწეობის აზრებით“ — ასეთ ადამიანისთვის თავდავიწყებული შეყვარება „ხასიათის ნგრევას“ არ გამოიწვევს და ბუნებრივია, მეტადრე თუ ის შეხვდა მასზე არა ნაკლებ თავგანწირულ „გმირს“, როგორც მე ვარ ბევრის წარმოდგენაში. თავის სიღარიბეში ასეთი ადამიანი მდიდარია და ბედნიერი და მისთვის ბუნებრივია ჩემი პიროვნებით მოხიბვლა, როგორათაც ის ისახება ბევრის წარმოდგენაში... შენ კი სულ სხვა რამე ხარ: დინჯი, „დალაგებული“, „ეგოისტი“ და ძლიერ ნაკლებად „თავგანწირული“. შენ, მართალია, თავს დასცინი, როცა ამბობ, ისეთ აეროპლანზე ვოცნებობ, რომელიც მუდამ ლამეში მატარებდესო, მაგრამ მაინც სიმათლეა, რომ შენ თანდათან „იძინებდი“ (ყოველ შემთხვევაში ჩემთან შეხვედრამდე). თავგანწირულობაზე რაღა ვილაპარაკო, როდესაც ყოველგვარი ღრმა სურვილებიც თანდათან ატროფიას განიცდიდენ (თუ განიცდიან?) და რჩებოდა (თუ რჩება?) ერთი: პირადი კომფორტის სურვილი, ცხოვრების „სიძნელის“ თავიდან მოშორება — „ეგოისტური ბედნიერების“ გრძნობა. უწინდელი ერთგვარი „გატაცებიდან“, რომელიც ბავშვობაში ოდნავ მაინც გქონდა („შეყარდენი“), ეხლა მხოლოდ რაღაც სიცარიელეს და მარტოობის გრძნობადა გრძნება, რომელსაც „მეგობარს“ თუ გაუმყლავნებ...

თავგანწირული ადამიანის მიერ თავდავიწყებული სიყვარული ბუნებრივია და „ხასიათის გადაშენებას“ არ იწვევს. შენთვის კი? სულ სხვაა. ასეთი „დაძინებული“ და „დამძიმებული“ ადამიანისთვის ნამდვილი შეყვარება ძნელი რამეა, რადგან პირდაპირ ეწინააღმდეგება მის ბუნებას. საჭიროა დანერგვა მთელი მისი არსების და ნანგრევებიდან ახალი „ხასიათის“ აგება. და მე ჯერ შორიდან, მაგრამ თანდათან უფრო ახლოს შენსკენ მომავალი ძლიერი ხმით გავლიძებ და გიყვირი: გაიღვიძე, გამოფხიზლდი, გამხიარულდი, გაბრწყინდი, იგრძენი ცხოვრების სილამაზე და სიმშვენიერე. იმ ჟორჟეტადან, რომელიც ხარ, გახდი იმ ჟორჟეტათ, რომელიც შეგიძლია და უნდა იყო. ნელში გაიძმარე, ამაღლდი! მე მინდა ეს იმიტომ, რომ ხარ ჩემი სანატრელი, ჩემი მშვენიერი“...

აი, ვინ აირჩია მეგობრად გიორგის გულმა და ობოლმა სულმა...

და მერე წერს.

„როდესაც ჟორჟეტაზე ნაწყენი ვიქნები კიდევ, გამახსენდეს მისი მისწრაფიანობის შელახვა, ე.ი. მისი გულის ტრალედია. მისი უწინდელი მზიანი სული, სრული ნდობა და მზიანი ალტაცება მამამისის მოღვაწეობით, მამამისის მისდამი სიყვარულის სინაზე, რომელიც ასე ვიგრძენი პარიზიდან აქეთ გამომგზავრებისას და დღეს ამაში ყველაფერში ჩემ საყვარელ და ძვირფას ჟორჟეტას გულის გატეხილობა. ჩემი საკუთარი გულის ტრალედის გამო ეს ყველაფერი მე ხშირად სასტიკად მავიწყდება და ჟორჟეტას მზიურ და მთლიან ხასიათს მე ამით უხეშად ვთრგუნავ და ვუღამებ. ეს უნდა მუდამ მახსოვდეს, მუდამ, მუდამ. ჩემი პირადი კი უნდა უკუვავდო“...

და ის ასეც იქცეოდა სიკვდილამდე, უკანასკნელ წუთამდე...

გიორგის თქმა და საქმე — ერთი იყო...

ასეთი იყო გიორგის ძირითადი სიყვარული, მისი გულის „საქართველო“. ნელინადი ერგო მხოლოდ ამ სიყვარულს, ასე ინება შავ-ბნელმა სიკვდილმა!...

გიორგის ცხედარი ბოლოს საქართველოს პოლიტიქნიკური ინსტიტუტის იმ შენობაში იყო მოთავსებული, სადაც დღეს საქართველოს საპატრიარქოა. ხოლო ფეროშენადნობთა დიდუბის საცდელი ქარხნის ცხელმა თუ ცივმა ქარიშხალმა კვლავ დიდუბეში ისურვა დანყნარება. რუსუდან ნიკოლაძე თითქმის კვლავ რეპორტიორის მონდომებით აღწერს გიორგის დაკრძალვის პროცესიას გიორგის საყვარელი ბარათაშვილის უბნიდან დიდუბის პანთეონამდე.

: დედას არ უნახავს გიორგი კუბოში. არც ჟორჟეტას...

მაგრამ მათ, ვინც 7 თებერვლის ღამე გაათიეს აქ გიორგისთან? ნუ-თუ მათ არ ახადეს თავი კუბოს — არც ერთხელ, როცა მეც წამოვედი — ნიკოზე ცოტა უფრო გვიან, ღამის პირველ საათზე ჩემი და გიორგის მეტალურგიული ინსტიტუტიდან — გიორგისაგან, მისი კუბოსაგან, რომლის გვერდში დავტოვე ლიტუსი და მარო ბუჟანიშვილი, შოთა და დევიკო, ელიკო და ასმათი, სოსო და მიქელი...

— ყველა გავიდეს, ჩვენ მარტო დავრჩეთ, მოისურვა დედამ, რომელიც თავის ოთახში იყო ლოგინზე დანოლილი სწორედ იქ, სადაც მამა გარდაიცვალა. შუა ოთახში — ჩვენ სასადილო ოთახში. ჩვენი საერთო ასეთი მზიარული სასადილო მაგიდის ადგილას გიორგის კუბო იდგა, ერთი საათით იქ დასვენებული, ამ ოთახის იქით კი — ყოფილ ჩემ ოთახში ახლა ჟორჟეტა იყო „შეხიზნული“ — უმწეოდ — გიჟივით — ხან თავის ლოგინზე პირქვეით დაცემული, ხან ცხელ ღუმელზე აყუდებული, აკანკალებული...

დაცარიელდა სასადილო, კუბოს ოთახი და გამოვიყვანეთ სრულიად ფეხებნართმეული დედა... მერე ჟორჟეტა...

ყველა... დაგვარჩოქა დედამ გიორგის კუბოს წინ... კი არ ეცა მის კუბოს და კი არ „ჩაიკრა“ გულში უკანასკნელად თავისი გიორგი, თავისი პატარა გიორგი, თავისი ბოხი ხმინი და ციურ ღიმილიანი შავი ბიჭი — არა, მან სათნოებით, რაღაცა სასონარკვეთილებითი ექსტაზით, რაღაცა ზეადამიანური გატაცებით დაეცა — დაჩოქილი თავისი ვაჟის კუბოს წინ — დაეცა და... ლოცვა დაიწყო... დედამ, რომელსაც 15 წლიდან არ სწამდა ღმერთი და რომელმაც ჩვენ ეს ადრე ბავშვობიდან გადმოგვცა მე და გიორგის... მერე თამროსაც...

მაგრამ ოჰ, რა „ლოცვა“ იყო ეს ლოცვა!.. გიორგის სულზე ლოცვა... რომელსაც ის უკვე ცაში ხედავდა, შუქურ ვარსკვლავად დაანთებს ჩვენს სახელმძღვანელოდ, თავისი სამშობლოს საგუშაგოდ... და დედამ ფიცი დაგვადებინა — ყველას — მე-თამრო-ჟორჟეტას — თავის თავს — ნიკს და გურამს — რომ ჩვენ ამ შუქურვარსკვლავს გავყვებით, მუდამ ის გვეხსოვნება ჩვენს საქციელში, მის ღირსად მოვიქცევით, სულით არ დავვეცემით, მას ვემსახურებით — მას და საქართველოს — რისთვისაც გიორგი აინთო — სამუდამოდ — შუქურ ვარსკვლავად თავის სამშობლოს ცაზე...

აუნერელია ის წუთი, ის წუთები და დედა... უნდა ყოლოდა! ის კი მას... ასაფლავებდა.

ეთხოვებოდა! სამუდამოდ! სამუდამოდ... შვილო! მშვიდობით, ჩემო შუქურ-ვარსკვლავო, შენი სამშობლოს კელაპატარო! მშვიდობით გიორგი! ფიცსა ვდებთ დედა შენი, შენი ჟორჟეტა, შენი დები რომ შენ ღირსად მოვიქცევით უშენოდ — საქართველოს ვემსახურებით, შენი და მამას კვალს მივსდევთ... შვიდობით, შვილო გიორგი... დაიფიცეთ, რუსო, თამრო, ჟორჟეტ, ნიკო... შვიდობით, შვიდობით...

ცისკენ — ვარსკვლავ-გიორგისკენ მისწრაფი და ხელუბანული დაეცა დედა გულმუნუხებული და არა კუბოზე მიკრული — როგორც ეს ჩვეულებრივია — როგორც ეს იაგორასაც ეჩვენებოდა მყინვარწვერიდან იმ დღეს... :

დაბოლოს, რუსუდან ნიკოლაძე აქ იმ ლექსს იხსენებს, რომლითაც იაგორა კაზალიკაშვილმა დაიტირა თავისი მეგობარი.

გაგრძელება შემდეგ ნომერში







### მარიამ კაპანაძე

## თეთრი ხალატი

ფანჯრიდან შემოსული ნიავი ფეხებს მიყინავს და მაიძულებს, ავდგე. ვწერ და მგონია, შუაგზაზე გავწყვეტ, მერე ამასაც დაერქმევა დაუსრულებელი, მკითხველისთვის ყველაფერი შეწყდება და ერთ გვერდზე დაიწყებს ბორგვას — შეეცდება, 300 სიტყვით გამოშვებოს და ისე დამაკვირდეს, როგორც ქირურგები აკვირდებიან ხოლმე ადამიანის ამოსაკვეთ ან გასაჭრელ ორგანოს... მათთვის ეს ადვილია, ჩამოუსვამენ სკალპელს, სისხლის ჭავლს შეამკვლევენ ლურჯ ხელებს, ტამპონებს, მერე გაკერავენ და ისევ უნდა განაგრძოს კაცმა ან ქალმა ცხოვრება ისე, თითქოს არაფერი მომხდარა.

სანამ მარტო ხარ, მანამდე ასწრებ საკუთარი სულის დაცლას. ფურცლები იღებება. ტორშერის შუქი თვალს გიბრმავებს. ფეხები ისევ გეყინება, მაგრამ არ დგები. ისიც იცი, რომ არავინ მოვა და არავინ დაკეცავს... თითქოს გაფხიზლებსო... იქნებდა, არ დათვრე იმით, რასაც ადამიანთა მონატრება ჰქვია!

ბავშვობის მერე ბევრი რამ შეგეცვალა. იქიდან რომ იხედები, პატარა დანგრეული ეკვლები, არადა, ჯერ ცხოვრების ნახევარიც არ გავივლია... ქუჩაში გასული ისევ ისე დადიხარ, როგორც ადრე — გაფართოებული გუგებითა და გახშირებული სუნთქვით. სულ გგონია, რომ ვიღაც მოვა და უკნიდან ყურში ნაზად ჩაგჩურჩულებს გასავლელი გზების მისამართებს. იქნებ იმ ოხერტიალ გზაზეც გამოგყვას — კაცმა არ იცის, იქნებ იპოვო!

სახლში შენახული ან ჩამოკიდებული თოჯინების მიღმა შენი ცხოვრება იმალება და ის ერთი ადამიანიც ამ თოჯინაშია ჩასახლებული, ოღონდ შენ არ იცი, პლასტიკის არ გინდა, მიაშვანო, გემინია, ვაითუ, მეც მისებრ ვიქცე თოჯინადო, არადა, შენც თოჯინა ხარ, შენი კუჭი ამოვსებულია ფიქრებით და განაყრებს, ოღონდ იცი, რომ ერთხელაც ეს ფიქრებით ამოყორილი კუჭი გაჩერდება, ეს ნარჩენი მოგნამლავს და მერე მიაკითხავ ექიმს, რომელიც შენი ყურის უკან მარჯვენა მხარზე უნდა ჩამოგდარიყო!

ექიმი ცივი და უხეშია. მძიმე ნაბიჯებით მოდის. გამაბრუნებელი სუნამო ასხია. გულზე გედება სურნელი. ამოვსილი კუჭი მუცლის ღრუს გატკივებს და იშლები. უყურებ მას — ვინმე ლ. რ.-ს, მისი თაფლისფერი თვალები შენს მწვანე თვალს ერთვის, მისი ტუჩები კი შენს მარჯვენა ყურს უახლოვდება, ნაზად ამბობს: ალბინეთ, ქალბატონო, თქვენი ნარჩენი ალბინეთ და მერე ყველაფერი გაცილებით კარგად იქნება! გაოგნებული უბრუნებ კითხვას:

— როგორ თუ ვალბინო? მე ხომ მხოლოდ ის დამრჩა, ისაა ჩემი საკვები...

— საკვები?! თქვენ თქვენს წარსულს ჭამთ, სწორედ ეს გახლავთ მიზეზი იმისა, რომ ავად ხართ...

ამას ამბობს მაღალი, შეუვალი ექიმი და სადღაც ბნელ ოთახში მიგაგორებთ...

— ზედა აინიეთ.

— ახლა? რა საჭიროა?

— საჭიროა, უნდა გაგხინჯოთ.

ზედას იწვევს გამხდარი ხელის მტვერებით, ექიმი თქვენს მუცელს უმზერს დიდი ინტერესით, ათვალთვრებს, თითქოს ხაზებს ავლებსო, ოღონდ არ იცი, ეს გავლებული ხაზები რაში სჭირდება. შენ ხომ უბრა-

ოდ კუჭი გტკივა, არც მოელი, რომ რამე უნდა ამოგკვეთოს!

ლ. რ. თავის მოვალეობას ასრულებს, მერე ნაზად გინევთ მაისურს დაბლა, სახლში გიშვებთ...

შუალამისას ეს ნახაზები პირს დააფრენენ და აგტკივდებიან, კუჭიც გტკივათ, ეს დაფლეთილი ხორცებიც... მოდიან ნიადვრად ჩაგროვებული, გადაყლაპული ფიქრები, რასაც ექიმმა წარსული შეარქვა. იცლები, ხორცი პირს აფრენს, ლამისაა ლაპარაკიც დაიწყოს, ნეგხარ, მოსვენებას კარგავ, არ გინდა, გამოეთხოვო, მაგრამ ეთხოვები, იცლები და პატარავდები.

იმ დღის მერე ყვავილად გადაქცეულხარ, ექიმ ლ. რ.-ს ქოთანში გადაურგებინარ და ყოველდღე გისხამდა თურმე წყალს სიცოცხლისთვის, მაგრამ, ვინ იცის, იქნებ ერთ დღეს ისევ დაეჭრა ფოთლები ან ხორცები ახოვან ვაჟს, რომელსაც ხალატი დილით თეთრი ჰქონდა, საღამოობით კი სისხლისფერი და არავინ იცოდა, ეს რატომ ხდებოდა მაშინ, როცა არავინ უკვებოდა, არავის სისხლი ემხეფებოდა.

## სექტაკლი

ცნო კედელს ვეყრდნობი, ხერხემალი მტკივა, თავი მძიმედ მანვება მხრებზე და დაღლილობა თვალს მახუჭვინებს. ვფიქრობ — წარმოსახვა უფრო ძლიერია თუ ცხადი? ადამიანი წარმოდგენით ბევრ რამეს წარმოიდგენ, მაგრამ შესაძლოა, ის რეალობა ვერასდროს იქცეს. ისე კი, შეუძლებელი წამდვილად არაფერია ამ ქვეყნად! ეს შენი წარმოსახვები სანახევროდ მაინც აგიხდება...

გაჩნია, რას წარმოიდგენ — მდიდრულ ბინას, ფულის მფრინავ ტომრებს თუ პატარა ოთახსა და სიყვარულით დახუნძლულ სულს!..

უფლის ხატება მაშინ დაგდის სულზე, ხელის კანკალით რომ იწერ პირჯვარს, მხრებზე მოწოლილი ცოდვებით დადიხარ, აკლებ და ამატებ ნებსით ან უნებლიეთ!

სექტაკლი დაგიდგამთ ბავშვობაში? მე მიფიქრია ამაზე. მახსოვს, მითამამია კიდევ ბავშვობის მეგობრებთან ერთად. მთავარი რეჟისორი ერთი ჩვენი მეზობელი იყო, სახელად თამარია — მხიარული და კრეატიული. ცდილობდა, მუდამ ბედნიერები ვყოფილიყავით. ახლაც რომ მხვდება, უწინდებური სიყვარული აქვს თვალებში...

თქვენ როგორ ფიქრობთ, სექტაკლი რამდენჯერ შეიძლება დადგას ადამიანმა თუ ის მსახიობი არაა? მხოლოდ ბავშვობაში? არა, მე ასე არ ვფიქრობ. რატომ? აი, შეხედეთ ცხოვრებას და მიხვდებით. ხსენებული მეგობრები გაიზარდნენ, სახეც კი შეეცვალათ, ვაჟკაცებად იქცნენ. სამიდან ერთ-ერთს ვიღაც უყვარს, არა მეგობრულად, არამედ ისე, ღვთაებრივად, ვარსკვლავს ეთამაშება და მონყვეტას ან აკიანებას ცდილობს.

ფეხის გადაბრუნებაზე დედამისის გაფრთხილება ახსენდება და თმას ისწორებს ნერვიულად, პიანინოსთან მისულს მე ვახსენდები ან ჩვენი ბავშვობა. ხან მცირდებიან ადამიანები, ხანაც იზრდებიან. თქვენ რა, არ გინახავთ ნიღბიანი კაცი კლოუნის ან მკვლელის სახეებით?

რა გრძნობა გეუფლებათ, როცა სექტაკლებს უყურებთ? თითო პერსონაჟი თავისას ჰყვება, შენ კიდევ უქცერ, გიყვარდე-

ბა ან ბრაზდები და მოურიდებლად გაიძახი — „რა უწო არსებას თამაშობს...“ თუ პირველად უყურებ, არ იცი, როგორ დასრულდება და მთელი ემოციებით შიგნით ხარ...

შენს ცხოვრებასაც უყურებ თითქოს. მე მეგობრისას გვერდიდან უყურებ, ისიც მიყურებს. თამარია არაა ჩვენი სექტაკლების რეჟისორი, თავად ცხოვრებაა და კაცმა არ იცის, როგორ დასრულდება, ვინ რას ჩიცვამს, იცეკვებს, დაშლის ან ააწყობს.

მთავარი როლებში მყოფები ზოგჯერ კლოუნებადაც გვევლინებიან და თვალთახედვას გვიცვლიან. გრძელია ჩვენი სცენა, არ ვიცით, იქნებ ბავშვობის სექტაკლი მოგვენატროს თავისსავე ფორმებითა და როლებით.

მთავარი რეჟისორი ამაზე დაგვცინებს, უცებ მოგვაძახებს — ამოიწურა ის დრო, რაც გაქვთ სათამაშო, ის განაგრძეთო და ჩვენც გავაგრძელებთ თავდახრილები ან თავანულები, გააჩნია, როდის როგორ როლს მოვირგებთ.

ისიც კი არ ვიცით, რას წარმოვადგენთ, ამიტომ ვეტრფით ბავშვობასა და ბებოს სექტაკლებს, თუმცა თამაში ყოველთვის ცუდად როდი მთავრდება.

იქნებ შენც გინევეს მოკიანე ვარსკვლავთან ლიცლიცი, რომელიც ლოცვანს კითხულობს ანალოგიასთან, ლაღადებს ან მღერის თავის ცხოვრებას, იქნებ შენი სექტაკლის ბოლო გარდაცვალების მერე კარგ დასასრულს იფერებს.

რეალობაში დაბრუნებულს ისევ თამრიას დადგმული სექტაკლები მიჩვენია და ბავშვური თრობა მწყურია წამდვილი მეგობრებით, მაგრამ მარცხენა მხარზე „შემჯდარი“ ცხოვრება უკან დაბრუნების გზებს მიხერგავს.

უპირობოდ უნდა დადგო შენი სექტაკლი, მახსენებს და წინ იმეწრს თითს — მთავარი სცენისკენ, სადაც ჭრელ-ჭრელი ნაცნობები ან უცნობები დგანან.

## დაკეცილი ტანსაცმელი

ბანათიშულ ოთახში ვზივარ. პირველი საათია. მანიკურისა და აცეტონის სუნია — ატმის სუნი აქვს და გულზე მეფინება, აპრილია და თავიდან ყვავდება ყველაფერი, ბუნება იღვიძებს, მაგრამ საკითხავია, ადამიანები იღვიძებენ თუ არა ჩამო-

ღამებული ოთახების მივარდნილ ადგილას... ნომბერში ჩანწენ, გამოზაფხულდა და ისევ წვანან, არაფრის ან ყველაფრის გამო! წვანან და ფიქრობენ — შეიძლება თუ არა, თავი დააღწიონ ღრმა სიშორიდან მოსულ სიბნელეს.

აღდგომა ახლოვდება. შვიდგზის ზეთისცხებები ტარდება, ზოგი ასწრებს მისვლას საცხებლად, ზოგი — ვერა და ისეთი შეგრძნება აქვს, თითქოს გაუნმენდელი ხედება დღესასწაულს. ის ქალი, ღრმა სიბნელიდან რომ იყურება, მარხვასაც ვერ იცავს, ან არ იცავს. ზოგჯერ იკარგება და საერთოდ არ იცის, აქ რა უნდა, რას ელის ცხოვრებისგან. მისი ყოფა ერთფეროვანი და მოსაწყენია, აცეტონისა და მანიკურის სუნში გაჟღენთილია, მხოლოდ იმ ატმის სურნელით ტკბება, საწოლის გვერდით, ტუმბოზე მდგარ სითხეს რომ ასდის და ელოდება, როდის გამოისხამენ მისი ხელე-ბი ატმის რტოებს.

კარადაში ტანსაცმლის ნაცვლად უწყია დაკეცილი მოგონებები — გამოიღებს, გადაიცვამს და დადის. აღარავინ ეკითხება, დაუშოკდა თუ არა სვიტერი, აღარც მის გულის ხმას უსმენენ ახლო მეგობრები. გუშინწინ პირველი ჭალარა იპოვა თმაში, ხვალ-ზეგ პირველი ნაოჭს აღმოაჩენს სახეზე, რომელიც ორ ნაწილად გაყოფს — ხან აქეთ იცხოვრებს, ხან — იქით, ახალგაზრდობაში.

თმას ისევ აინევეს და გადახედავს გარემოს, რომელიც მისი ოთახის ფანჯრიდან მოჩანს. განდევლია. არავინ ცხოვრობს მასთან. მხოლოდ ღამ-ღამობით მოდიან სულთან საჭოროდ წარსულთა ლანდნი.

ერთ სიბრტყეზეა, ერთ ოთახში. აქ არის ქრისტეც, ეშმაკიც, წარსულიც, აწმყოც... ზოგჯერ უნდა დახუჭოს თვალი და ააბობდებდა ეშმაკი გულზე, ჩაჰყვიროს და ჩაჰყვიროს რაღაცას, არ იცის ამ ქალმა, ამათ გარდა, წლებია, აღარავინ უნახავს. დაფანტულია ოთახში და ყველაფერი მის წინ უფერულია, მხოლოდ ერთს არჩევს — ქრისტეს... და კარადაში დაწყობილ ტანსაცმელს.

დილით წამოდგება, გადაიცვამს თავის ახალგაზრდობას და ჯერ კიდევ უთენებელში მისგან წარმოქმნილ კაცს დაინახავს, მის წინ ეს კაცი დაიხრება, დაეწაფება, მოშიშვლებულ ყელს დაუკოცნის, მერე რაღაცაზე პატიებას სთხოვს, ისევ ჩაიკრავს გულში და აქვითინდება, გაქრება.

ქალი დარჩება, მისი ხელები მოხრილია, თითქოს ვინმეს ეხუტებაო, მას მერე ქალს ეს ზედა აღარ გაუხდია. მონასტერში წავიდა, იქაც ეს ეცვა. ურწმუნო კაცი შეიყვანა ტაძრის წიაღში შუალამისას. აღდგომის წინა შაბათს ისევ გამოიძვრება მასში წარსულის კაცი, დადგება საკურთხეველთან ახლოს და გადაინერს განცხრომით პირჯვარს, შეაგლებს თვალს ხატებს, ქალს, ჯვარცმას და დაიჩოქება! დედაოს სამოსში გამოწყობილი ქალი უყურებს, მხოლოდ ახლა ცნობს სიყვარულს, აღარ ენაფება კაცი მის ყელს, ხელებს უკოცნის და ხატიდან ჩამოღვენილ მირონს აცხებს ჯვრებად.

ახლა გაპრიალდება თმაჭალარა ქალისთვის, ახლა გამოვა სიშავიდან, იგრძნობს დაკვირვული ატმის სუნს და ამაღლდება ზეცად კაცთან ერთად აღდგომის შაბათს!

ალბათ იქ უცდიან ისინი ოთახს, რომელშიც დაკეცილი ტანსაცმელების ნაცვლად თვითონვე შექმნიან ახალ სამოსებს ფერადი ძაფებით.





**გარდაქმნის ხელოვნება  
ანუ როგორ ვიმჯობრეთ სრულყოფილებამდე**

შეხედეთ, როგორ ვცდილობ სიყვარულის კანზე განანილებას, ისე, რომ შევძლო ხერხემლის გაშლა და თან შენს ხანგრძლივ ამოსუნთქვას შეესატყვისოს.

არ შეიძლებაოდა სარკეების ნდობა, შევცოდეთ და შევეცოდეთ... მას შემდეგ ამ ხმას ვარბილებ, წყევლასავით რომ დამდევს იქამდე, სადაც აზრი იქნება საკმარისი ყოველი ცვლილებისთვის.

სიტყვის ჩრდილები მეკედლებიან და მე მიყვარს მათში დაცული სიყვარული, რომელიც დრამად გაჭიმული საუბარია სიმღერამდე, სიმღერამდე კი ქამელეონის გასხვაფერება...

ვიდრე დრო პატიებას ითამაშებს სპექტრის ზურგით (სადაც მე ვცხოვრობ ყველა ჩემი თავით, რადგან ძალიან ცოტას იტევს ანმყო), დაიჯერებ, რომ გარდაქმნის პროცესშია სრულყოფილება.

\*\*\*  
არაფერია ისე ხანგრძლივი, როგორც გრძობების გარშემო მოძრაობა შეყვარებამდე...  
ჰო, აბა, რას მომცემს წვეთის სიღრმის კვლევა, როცა მისი საწყისი ტკივილებითაა გადაფარული და არც მზისგან მიტაცებული სევდა, სპილენძისფერი, არც ვერანდის ნათურებიდან დაჭერილი შუქი მოითხოვს განმარტებას, რადგან მხოლოდ სინათლე არ კმარა მაღლიერების დაბალ ნოტზე ადამიანად შექმნისთვის:  
დღის მქონე, ანდა, პირდაპირ დღესავით არსებულ ადამიანად. შენ, ჩემო მოულოდნელო არშეხვედრავ, როგორ დაიჯერე, რომ ვისაც არ უყვარს — სანთლებს წვავს, ან ვისაც უყვარს — შიგნიდან იწვის...  
და თუ ლირიკაში გელვენთება უფუნქციო ყველა მანძილი, არაფერია აქ ხელოვნური, არაფერია წვეთოვან ბედნიერებაზე ხანგრძლივი...

\*\*\*  
მე უფრო ის მაინტერესებს, ფიქრებში რომ მდნარი ლითონის ჩასხმა შეიძლებოდეს, რა მონუმენტი ამოვა აზროვნებიდან... შემოეფცქვნები და დადებ სამხილივით, რომ ყოველ დევნაზე მიუთითო:  
აი, ისაა ცნობიერება, შენ — არაფერშუაში.  
ფასადი ფიდიასიდან, მაგრამ მატყუარა, ქვის ქალღმერთების საპირისპირო, როცა ფორმას შინაარსი სჭარბობს და ისევ ერთი და იგივე... მანაც ფეხი არ წამოჰკრა გარეგნულ სიბლაგვეს?!

მერე ლითონის ელვარება როგორ დათრგუნოს, თუ ჯერ არ იცის, რომ შენს განსხვავებულ იერებს შორის, ყველაზე ნამდვილი თვალებიდან გამომდინარე მინიმალურიზმია, უნაპირო, ვერშეძენილი ექსპონატივით...

\*\*\*  
ამ ამბის ვარიაცია სხვადასხვაა, შენ როგორ განწყობს?..  
მე ცოტა ხნის წინ სხვა გაკვეთილად ავითვისე. თავის ხელში აყვანისას ბავშვის ხელებად გამობმული კიდურები ყელზე შემომხევივნენ და ხანდახან მახრჩობენ, თან ამ დროს გადარჩენას მასწავლიან...  
ნახავ, რატომ ვეძებ ისეთ ადგილებს, სადაც მე ვარ მყარი სხეული, სანოლში გვერდით კი — სირბილეა და ფერმკრთალი სისხლძარღვების შესანიშნავი მონახაზები...  
მაგრამ არაა, არსადაა საკუთარი თავის ნაწილი, ისევე როგორც სიხარული, როგორც გამოძერწილი ხელნაკეთობა, თუნდაც ცივი ხელებით გამოძერწილი, ცივი ხელების დაავადებით, ამიტომ იატაკზე ვიჩვევ ძილს, ჩუმად და მინასთან ახლოს.  
მერე ისევ ჩემს მკლავებში ვჯდები (რომელთაც აქვთ თავიანთი პირადი სიღრმე), ისინი არასდროს ცდილობენ ჩემს სადმე წაყვანას...  
და ასე, სულ ვცდები დროში, ვცდები დროით და ვცდები დროს, რაც ვერ ვისწავლე და არც გამაჩნია.

\*\*\*  
დრო ტყდება საშინლად...  
აი, მაგალითად, ისე აღარ გჯერა მეგობრობის გამოცდილების, რომ გადახედავ ირგვლივ ცარიელ ადგილს და იმედიც თმის ჩანწულ ნაწილთან ერთად ჩამოგემლება, ჩვენს შორის ნათქვამი საიდუმლო სიტყვების კვალით...  
სიყვარულით სიმშვიდე თუ შემოგვეცლება და მოჩვენების გარეშე გახდება ყველაფერი ისე ნამდვილი, რომ სიტყვის დასრულებამდე შემოსული რამდენიმე ზარიც ვერაფერს შეცვლის.

დრო გატყდა საშინლად, დგახარ ბზარებზე და გავხარ გაღიმებულს გაოგნებამდე.

მარტო სიარულიც ხელოვნებაა, ვიდრე სიმარტივეს არ მივაგნებ, ნუ მახსენდება!

\*\*\*  
ნუ შემეწინააღმდეგები, თუ ეგოიზმი არა, მაშინ რაა, როდესაც ყოველი ნუხილის გამოშვების შემდეგ შორისდებულ გალაგნებს ამოიყვან,

დავინყების უნარიც პირდაპირ მაღლივით და თავში ჩაკეტვის სირთულე სინონიმით შემოგარსდება. აბა, როგორღა მოგისმინონ, აბა, როგორ გაიგონ...  
შესაბამისად, მაინც დიდი შელავათია, ღმერთის გვერდით რომ გსურდეს და ამ დროს ცის გადასანმენდად გაგიშვან.  
გამოეკიდები ქარს, ღრუბლების გაქრობას შეეცდები. ამის შემდეგ სიმკვეთრე უფრო დამლელია და სული თითქოს უფუნქციო, თუ თვალებიდან არ ამოვიდა. თუ ამ და სხვა მოლოდინზე ენაწართმეულმა ხმოვნებმა ვერ გითხრეს, ფიქრებმა მაინც როგორ არ გაიამბონ მუდმივად იმ სიტყვის ძიებაზე, რომელიც ორივეს აუცილებლად გადაგვარჩენდა.

\*\*\*  
ვინ გაიხსენებს დასაწყისის ზუსტ წერტილს... ქვებს ლაპარაკი რომ შეძლებოდათ, იტყოდნენ:  
კენჭის სიმყარე აქვს ეჭვის ფორიაქს, ან იქნებ ნისლის ისეთი სიმკვრივე, მიმართულების შეგრძნებას რომ გააშუშებს. ზღვა ვერ შეგირვეს, თმას ოდნავ შეგირხვეს, კანს დაგინალმავს, თვალებში სათითაო ნაპერწკლებად დაიბადება და დაბადებაც ისე უხმაუროდ გაიშკარავებს სახელს გარე სივრციდან, სახელს ფესვის გარეშე, რომ მიმიკიდან ნაკვეთებამდე მხოლოდ მენამული ატომები გამოუჩნდება და თუ ქვების მზაობაც, იქვე ცეცხლი...  
რომელ სტატიკურობას ელი?!  
ზღვა რომ დატოვე და ხანძრად იქცა — მანათებს...

\*\*\*  
უამინდო შესვენებებით შეწყობილი დიალოგია ჩვენი სულიერი კომპოზიცია, მე სულ ვსაუბრობ, შენ — მეთანხმები...  
არცერთი გრამით მეტი უჩვეულობა, არცერთი ამინდი შეუსაბამო, სიმბოლიზმი უნიფორმასავით...  
ისე კი, სულ რამდენიმე სიტყვის მოქნევაა საკმარისი, რომ გაგიკვირდეს...  
როგორ შეიძლება ამდენ ცისფერში წამიერი შემდგომევა?  
სიმრგვალე მუხლებს მოგაგონებს, სითეთრეს — გამორეული სახამებელი. უმწეობა გინდა?  
შესამჩნევია ერთი ტონით გალიავება, როგორც ხავერდზე ხელის გადასმა საპირისპირო მიმართულებით...  
იმ საწყის წერტილზე დაბრუნებაც (ღერძს რომ გულისხმობს სამყაროს შემოტარების მცდელობით) უკლიმატოს ხდის ტილოზე ნისლებს და როცა გაზაფხულის გამოტოვება თვალებში სიცისფრის გადარბენით მოიღრუბლება, მოდი და ნუ განვიმდები, ნუ განვიმდები...

\*\*\*  
ერთხელაც უნდა გაიხსნა და დაცალკო. ხერხემალზე აკიდებულ ყოფით ძველმანებს ველარ დამალავ.  
იდგები ზურგით, ამინდით ღია. მოვლენ და ვინ რას ნაიღებს — განცდის რომელ მალას, სანახაობას წარმოადგენს, მოწყენამდე მარტივს. მერე იქნები ისეთივე ცარიელი, გაყუჩებული, როგორც სანაპირო წყლით უკან დახვევისას, თითქოს სამყარომ ტალღები შეისუნთქა და ელოდები კლდეების ექოს. ეს ის სიმშვიდეა, რომელშიც შენი ხმოვანი შენარევები სენტიმენტების ზურგს უნდა მიეყრდნონ, ჯერ სტრიქონები გაიარონ, მერე — ხელები და სუფთა ხერხემალზე, წვიმის აქცენტის საპირისპიროდ წარუშლელი თავდაჯერებით მოხაზონ სხვა სიყვარულის ანატომია.





ხათუნა დოლიძე

**არ ვიცი, ვინ ვარ...**

არ ვიცი, ვინ ვარ, საიდან მოველ — ვარ ზეცის პირში, თუ ცოდვილ მიწის?! ან ვინ ბატონობს ამ ფიქრთა მორევს: მხარს ანგელოზი, თუ ეშმა მიწის?!

იქნებ, მართლაცა... თიხის ვარ გუნდა, იქნებ, ვარსკვლავი — ცაზე რომ ენთო? ან ეს სიცოცხლე რად მადევს ხუნდად, ნუთისოფლის ტყვედ რად შემქმენ, ღმერთო?!

მე ახლა სული ამივსო სევდით — უთქმელ სიტყვათა უღონო ხმობამ! ვერ ვეთავყვანე ცრუ კერპებს დღემდის, მხოლოდ მუზათა ვინამე ტრფობა!

...და თუ სიმართლის ჭრიალა ურემს უკან იტოვებს სიცრუის რამი... ისევ კალამში ჩავახშობ ურევებს, ან კი ნუგეში ვიპოვო რამი?!

არ ვიცი, ვინ ვარ, საიდან მოველ, ვარ ზეცის პირში, თუ ცოდვილ მიწის?! ან წავალ საით, სამყაროს რომელს — ეს მხოლოდ ერთმა... უფალმა იცის!

**გულო, გააბარდი კლდესავით!**

შემოათენდა სალ კლდეებს — უღრან ხევებში მიძინარეს... თავზე მოადგა რიჟრაჟი გულზე დარდ-გადამდინარეს.

კლდეებს პირქუშად მომზირალს ნისლებად ადევს ნაღველი... რამდენი რამე უნახავთ — რამდენი რამ აქვთ სათქმელი...

გულო, გამაგრდი კლდესავით, ნუ დაგიმონებს ტკივილი... ისევ მოიხმე დარაჯად მგზნებარე სულის ყივილი!

გულო, ნუ ურჩობ, მიენდე რჩევას და ფიქრებს გონების... შენ კიდევ ვერ შეგიცვნი ავი და კარგი ცხოვრების...

სხივებმა შუქი მოჰფინა კლდეთა მრისხანე იერსაც... სიტბოთი მოდრეკ ამ ქვეყნად ყველას: სუსტსაც და ძლიერსაც!

**ღამიბრუნდი, გაზაფხულო... ღამიბრუნდი!**

ახლა სულში დაივანა ბნელმა ღამემ და საათიც აპყოლია გულისცემას. ზმანებები უსწრაფესად ცვლიან დრამებს — თუ ვით ელის ბედისწერა ჩემს დაცემას!

ცის კიდვიდან მოპარულა დილის სხივი, იფერფლება წყვილი და... მწარედ ბორგავს.

ხილვის ალში მომწყვდეული — სული კივის, ილუზია რეალობას როგორ მოჰგავს!

ოჰ, ეს გული, ავ ფიქრებით მოჯარული, რად გამხდარა სათარეშოდ შავ აჩრდილთა? მარტმა რად ვერ მოიყვანა... გაზაფხული, ან სიმშვიდის თეთრი მტრედი სად გაფრინდა?!

ახლა მუზას ვეჭიდები მძლავრად ფრთებზე, განთიადმა შორს გაფანტა ეს ბინდ-ბუნდი... ცრემლებივით დაიწურა თოვლი მთებზე: დამიბრუნდი, გაზაფხულო... დამიბრუნდი!

**პარღობისთვეს, შენ რომ აღარ გამეცანი!**

როცა ღამით სულს ტანჯავდა კაეშანი — როგორ მსურდა, შორს გავცლოდი ცოდვილ მიწას... ვარდობისთვეს შენ რომ აღარ გამეცანი — დავტოვებდი ამ სამყაროს — ალბათ იმ წამს!

მახსოვს, როგორ მომძახოდნენ მიმოზებში, დაბრუნდიო — მიხმობდნენ და ცრემლებს ღვრიდნენ... მისასვლელი დაბურული იყო გზები, ტკივილები მისერავდნენ გულის კიდეს!

დაბრუნდიო! — მომკიოდა უკან ქარი, ღამის წყვილად დალაღები გაეფინა... დედამინამ მომიხურა... რადგან კარი — თეთრ ღრუბლებში დავეძებდი ახლა ბინას!

დამელოდე! — ჩურჩულებდა გაზაფხული — დაგაყრიო... აფეთქებულ ტყემლის ფიფქებს! მეძახოდა სიყმანვილე გარდასული — სინათლის გზა იპოვო ბინდში იქნებ...

როცა ღამით სულს ტანჯავდა კაეშანი — როგორ მსურდა, შორს გავცლოდი ცოდვილ მიწას... ვარდობისთვეს შენ რომ აღარ გამეცანი — დავტოვებდი ამ სამყაროს — ალბათ იმ წამს!

**მდუმარების ხმაური ღღემდა უღვთოდ მანამაც!**

ბედის ლაბირინთებში — მისნობს ტარო გრძნეული, ვხედავ, ჩემს წინ გაშლილა ახლა სულ სხვა ასტრალი... ვდგავარ პირას უფსკრულის მე ფრთებგადამსხვრეული, დღეთა უსახურობით... დამამერალი, დამზრალი!

ღამის ბნელი უბიდან მიმზერს შიშის აჩრდილი, მტერიც სათნოდ მილიმის ანგელოზის ბაგიდან... ლაჟვარდისკენ გაფრენა არ ყოფილა ადვილი, კვლავ მეძახის ნაყოფი — აკრძალული ბალიდან!

მდუმარების ხმაური ღღემდა უღვთოდ მანამაც, უკან დამდევს ლანდივით — მარტობის ზმანება... ცრემლის მარგალიტები ნამოუსხამს ნამწამებს, ჩემი წილი გოლგოთის — ვერვინ შესძლო ტარება!

ტკივილიან ნაპრალბებს ვურგავ იებს ჯიუტად, სული გადამებზარა, როგორც ბროლის ლარნაკი... გზად მიმავალს შემომხვდა, ეჰ, რამდენი იუდა, მაინც გულით ვირწმუნე ერთგულების არაკი!

უხმოდ გამოვერიდე იმ უდაბურ სამანებს, ვერ ვისმინე ღალადი — მიირათა მისნობის...

პოეზიის ნაპირზე ვპოვე მშვიდი სავანე, შორით მოსჩანს ლაჟვარდი — სულის მარადისობის!

**მიყვარს...**

ხან ვარსკვლავი ვარ — ჩამქრალი, ხანაც მზესავით ვინთები... გული სავსეა სიმშვიდით, ხან ბორგავს რისხვის ზვირთებით!

ვარდს მიჯობს მორცხვი გვირილა, უბრალოებით მოსილი — კაცი მებრძოლი სულისა, არა სვე-ბედის მორჩილი!

დგას ასწლოვანი ჭადარი, თუმც თვალს იტაცებს ჩინარი... მიყვარს წრფელი და გულღია — კაცი, პირბაგე მცინარი.

ვაჟკაცი — სიტყვის პატრონი, ქალი — მოსილი კდემითა... ზღვა — მოლივლივე ტალღებით, სალი კლდე — უღრან ხევითა!

დილა — სხივებით ნაფერი, კამკამა ზეცის ნაშობი... ლექსი — მომწყდარი ჯვბირებს, ვით მოვარდნილი ღვარცოფი!

მიყვარს გზად ბრონეულბის, მინდვრად — ყაყაჩოს ხანძარი... ეს მიწა — სულის სამოთხე, სადიდებელი ტაძარი!

**ჩამჩურჩულებს ეს გრძნეული ღამე!**

ხის ტოტებში ჩაესვენა მთვარე, ღამე უხმობს საცეკვაოდ ლანდებს... მკრთალი სხივით ნაფერადებ არეს უჩვეულო ელვარება ადევს!

სურს, გაექცეს ველ-მინდვრებს და ჭალას, თავი ცისკენ აუნჯდია ჩინარს... ჭრიჭინები უმღერიან „ნანას“ ახალშობილს — მთვარის გულში მძინარს!

მიმაქროლებს ვარსკვლავებთან ქარი — თითქოს ვხედავ მე იდუმალ სიზმარს და მუზების შთაგონებით მთვრალი ოცნებებით ვაფერადებ... ცის თალს!

ჩამჩურჩულებს ეს გრძნეული ღამე: სტრიქონები გრძნობის ცეცხლით ვძერწო! გამოვსტაცო... შორს გაფრენილ წამებს სიხარული — თუნდაც ერთი ბენო.

**ქვირფასო მარიამ!**

*ემიგრანტი ბებიას წერილი შვილიშვილს*

სამშობლოს მიწა-წყალს ნატრული, წერილს გწერ, ძვირფასო მარიამ: წლებია, ვერ მათობს ზაფხული, სულში წვიმს, თუმც გარეთ დარია!

მეოცედ აყვავდნენ ატმები, ეზო-კარს ამშვენებს აპრილი... ქათქათა გაზაფხულს კვლავ ვხედავ — მშობლიურ კერასთან გაყრილი!

სიშორეს აღმართულს ქვის ზღუდედ რა დიდი ტკივილი ჰხლებია და ახლა... ხიზანი სხვის ბუდეს — გულში ვერ გიხუტებს ბებია!

მზის სხივი მილიმის სარკმლიდან, თუმც გული წყვილიად მოცულა... პატარავ, გახედე მაღლიდან — ჩვენს სახლთან მერცხლები მოსულან!

ეზოში გაშლილან ვარდები, მოუსხამთ ნარცისებს მზეები... ქარებში გაფანტე დარდები, მოქარვე ოცნებით დღეები!

მეძახის მზიანი მინდვრები და სოფლის ბილიკი საცალო. ჩემს ნუხილს ოდესმე მიხვდები — ეს მიწა არასდროს გაცვალო!

სამშობლოს მიწა-წყალს ნატრული, წერილს გწერ, ძვირფასო მარიამ: წლებია, ვერ მათობს ზაფხული, სულში წვიმს, თუმც გარეთ დარია!



# გიორგი მგალობლიშვილი ცარიელი ფურცელი

— ისევე შენს რომანზე ფიქრობ, არა? — ჰკითხა გოგონამ დაღუმებულ ვაჟს და სიყვარულით სახეზე თვალებით შეხედა.

— ჰო, თეკლა, ვფიქრობ. აგერ, უკვე ხუთი-ექვსი თვეა, ამ ფიქრებში ვათენებ და ვალამებ, მაგრამ რომანის ფაბულაც კი ვერ მოვიფიქრე, — უპასუხა ახალგაზრდამ.

— თომა, შენ ხომ მშვენიერ მოთხრობებს წერ. თუ მონდომებ, კარგი რომანის დაწერასაც შეძლებ, — თქვა თეკლამ.

— ეჰ, ამ საქმეს რომ მხოლოდ მონდომება ჰყოფნიდეს... — მიუგო ვაჟმა და დაღლილი თვალები კაფეში მსხდომ ადამიანებს მოავლო, — როდესაც რომანის წერას დავასრულებ, დავქორწინდები.

— მანამდე არა? — ეშმაკური ღიმილით ჰკითხა თეკლამ, — მაშინ ვისურვებ, რომ რაც შეიძლება მალე დაგეწყოს და დაგემთავრებინოს შენი რომანი.

— ახლა იმდენად ვარ შეპყრობილი მართლად დიდი ნაწარმოების შექმნის სურვილით, რომ სხვა რამეზე ვეღარ ვფიქრობ, — დამნაშავესავით უპასუხა თომამ.

— გაგეხუმრე, სულელო, შენ კი ჩემი სიტყვები სერიოზულად აღიქვი, — სიცილით თქვა გოგონამ და საათს დახედა, — უი, რა დრო გასულა, ცხრა სრულდება უკვე, ახლავე უნდა წავიდე სახლში, თორემ „დოქტორ ფაუსტუსის“ კითხვას ვერ დავასრულებ. ხვალ სემინარი გვექნება ამ რომანის შესახებ.

უკვე ბნელოდა, როცა ქალ-ვაჟი კაფედან გავიდა. თომამ გოგონა სახლამდე მიაცილა, მერე მოკლედ მოჭრა გზა და რამდენიმე წუთის შემდეგ თავდაცა შინ იყო. ოთახში შესვლისთანავე სამუშაო მაგიდას მიუჯდა, უჯრიდან ფურცლების დასტა ამოიღო და წინ დაიდო.

გასულ წელს ერთ-ერთ ლიტერატურულ ჟურნალში დაბეჭდილმა მისმა ორმა მოთხრობამ კრიტიკოსთა ქება დაიმსახურა. ნაცნობ-მეგობრებმაც მიულოცეს და ხუმრობით თუ გულწრფელად მომავალში შედეგების შექმნა უსურვეს. ის იყო და ის, მას შემდეგ დიდი რომანის დაწერის აზრი აეკვირებოდა და დღედაღამ ამაზე ოცნებობდა.

თომა კარგა ხანს ჩაფიქრებული იჯდა, მაგრამ ერთი ხეირიანი აზრიც არ მოსდიოდა თავში. შუალამე დიდი ხნის გადასული იყო, როდესაც გამოერკვა და ცარიელ ფურცლებს დახედა. მათმა სითეთრემ გააღიზიანა და თანაც ერთგვარი შიშაც კი მოჰგვარა. დალილობისგან თავი უბრუნოდა და ძილი ერეოდა.

\*\*\*

მოულოდნელად თომას კარის გაღების ხმა შემოესმა, უკან რომ მიიხედა, დაინახა პირხმელი, ტანმალაღი მამაკაცი, რო-

მელიც ოდნავი კოჭლობით შევიდა ოთახში. უცნობი მაგიდას მიუახლოვდა და ვაჟის გვერდით დაჯდა.

— თქვენ ვინა ხართ? — ჰკითხა ვაკვირვებულმა თომამ.

— მე უამრავი სახელი მაქვს, მაგრამ შენ შეგიძლია სატეპით მომმართო. კარგა ხანია, თვალ-ყურს ვადევნებ, რა უნაყოფოდ იჭყლეტ ტვინს. შემებრაღე და გადავწყვიტე, რომ დაგანერინო გენიალური რომანი, — თქვა მამაკაცმა და ვაჟის გაოგნებულ სახეს ყურადღებით დააკვირდა.

— თქვენ ან ფსიქიატრიული საავადმყოფოდან ხართ გამოქცეული ან რაღაც ავი სული ჩაგასახლებიათ.

— არა, ავი სული თავად მე ვარ. ეს უმძიმესი სასჯელი ღმერთმა დამადო ჩემი ჯანყის გამო, თუმცა ამაზე საუბარი არ ღირს, — უპასუხა სატეპმა შიშისაგან ფერდაკარგულ თომას, — შენ ახლა ის მითხარი, გსურს თუ არა, მიიღო ჩემი დახმარება?

— რა დახმარება? მე ისიც არ ვიცი, თქვენ ვინა ხართ, მართლა ბოროტი სული? თუ ასეა, გააჩნია, სანაცვლოდ რას ითხოვთ.

— ადამიანი უნდა მოკლა, — მოკლედ მოუჭრა მამაკაცმა.

— რა მითხარით? — აღმოხდა გაოგნებულ თომას.

— ადამიანის სისხლში უნდა გაისვარო ხელი, თუ გინდა, სახელგანთქმული მწერალი გახდე.

— მე ქათმის დაკვლაც კი არ შემიძლია, არათუ ადამიანის მოკვლა.

— ბევრი მინახავს შენაირი, ვისაც ჭიანჭველასთვისაც არ დაუდგამს ფეხი, მაგრამ ადამიანი თვალის დაუხამხამებლად მოუკლავს.

— არა, არ შემიძლია, ჩემთვის შეუძლებელია ამის გაკეთება, — შეცრად წამოიყვირა თომამ.

— კარგი, მაშინ მე წავალ, მშვიდობით, — თქვა სატეპმა და წამოდგომა დააპირა.

— მოიცადეთ, ცოტა დრო მაინც მომეცით მოსაფიქრებლად. აბა, როგორ უნდა დაგიჯეროთ, როდესაც არ ვიცი, ვინ ბრძანდებით. იქნებ ვიღაც მატყუარა ხართ და მასხრად მიგდებთ.

— ოჰ, ეს მუდამ ეჭვით შეპყრობილი ადამიანები, — ამოიხრა მამაკაცმა, — მაშ, ჩემი გამოცდა გნადია, არა? კიბატონო, იყოს ნება შენი.

უცებ აივანზე გამავალი კარი თავისით გაიღო, თომა კი სკამიანად ჰაერში აღმოჩნდა და ოთახიდან გარეთ გაფრინდა. რამდენიმე წამში ის უკვე შენობების თავზე დაქროდა. გაოგნებული ვაჟი ისე ჩაბლაუჭებოდა სკამის სახელურებს, თითქოს ხელებით ზედ დადებოდა. ელვის სისწრაფით შემოუფრინა მთელ ქალაქს და

ისევ თავის საწერ მაგიდასთან აღმოჩნდა.

— დარწმუნდი თუ არა, რომ ყოველის-შემძლე ვარ? — ირონიული ღიმილით ჰკითხა სატეპმა.

— ვალიარებ თქვენს ზებუნებრივ ძალას, — ამოილულულა განცდილით გაოგნებულმა თომამ.

— კიდევ ხომ არ გინდა, რაიმე სასწაული მოვახდინო?

— არა, ჩემთვის ეს გასაეირნებაც საკმარისი იყო. მჯერა, რომ თქვენ მართლაც არაამქვეყნიური არსება ბრძანდებით.

— ძალიან კარგი, ახლა რამე გადაწყვეტილება უნდა მიიღო. უკვე ჩემი წასვლის დროა, საცაა ინათებს, — თქვა მამაკაცმა.

— თანახმა ვარ... ვინ უნდა მოკლა?

— მოკალი თეკლას ძმა, ანდრო, რომელსაც თავად სურს სიკვდილი, მაგრამ ფიზიკური უძლურების გამო ვერ ახერხებს თავის მოკვლას. საბრალო ბიჭი მთელი დღეები ფარნახლებს, განუწყვეტილი იქნევს ხელ-ფეხს, ეტლში ზის თუ ლოგინში წევს და ნანყვეტ-ნანყვეტად რაღაცას ლულულულებს.

— ანდროს როგორ შეუძლია, იფიქროს თვითმკვლელობაზე, როდესაც საერთოდ ვერ აზროვნებს? — ჩაილაპარაკა თომამ.

— ყველას ჰგონია, რომ ანდროს განება სრული წვევლიანობა მოცული და აზრის ნატამალიც არ გააჩნია, — მიუგო სატეპმა, — თუმცა, ეს მთლად ასე არ არის, რადგან ნათელი გონი ჯერ კიდევ კიაფობს ტვინის ღრმა ფენებში, მაგრამ მისი მკრთალი შუქი ვერ აღწევს გარე სამყარომდე.

— თქვენი შეგიძლიათ ანდროს განკურნება, არა? თქვენ ხომ ყოველის-შემძლე ხართ! ოღონდ იგი სრულად გამოაჯანმრთელეთ და მე თანახმა ვარ, უარი ვთქვა არათუ თქვენი დახმარების მიღებაზე, არამედ საერთოდ მწერლობაზე.

— მერე შენ არსადღეს იხანებ ამ გადაწყვეტილებას? — ჰკითხა მამაკაცმა თომას, რომელსაც თავი დაეხარა და დაჰყურებდა მაგიდაზე მიმოფანტულ ცარიელ ფურცლებს, — თუ მართლა გსურს ანდროს განკურნება, რად დუმხარ? შენი დემილი ყველაფრის მთქმელია, ჩემო კარგო. მაშინ ჰქენი სიკეთე და მოკალი, ამით მაინც გაათავისუფლე მისი ტანჯული სული განუწყვეტლად მოფართხალე სხეულის არტახებისაგან. მერწმუნე, ეს მისთვის საუკეთესო საჩუქარი იქნება. ერთ კვირას გაძლევე მოსაფიქრებლად.

\*\*\*

დიდი ხნის ნაავადმყოფარვით ფერგამკრთალმა თომამ სადარბაზოს კარი გაიხურა და ვინრო ქუჩას გაუყვა. მიდიოდა უკაცრიელი, ჩაბნელებული ქუჩებით, რათა არავის შეემჩნია. შუალამის მიუხედავად გარეთ მაინც სულის შემბუთველი სიციხე

იდგა, თითქმის ყველა სახლის ფანჯარა ღია იყო.

— ჰო, ჰო, უნდა მოვკლა. ამას მხოლოდ ჩემთვის კი არა, არამედ მისთვისაც ვაგაკეთებ. ანდროს ეტყობა, რომ მართლა აღარ სურს სიციხეში, მე კი სახელისა და დიდების მოხვეჭა მნადია, — თავისთვის ბუბუბუტებდა თომა, — მაგრამ იქნებ სატეპი მატყუებს და ანდრო საერთოდ ვერ აზროვნებს, არ შეუძლია, განასხვავოს სიკვდილი და სიციხე ერთმანეთისაგან. თუ იმას ვერ ხედება, ცოცხალია თუ არა, მაშინ მისთვის სიკვდილიც სულერთი იქნება.

ვაჟს უცებ თვალწინ თეკლას მოლიმარი სახე დაუდგა.

— ღმერთო, თეკლას რა ვუყო?! მას ხომ ძალიან უყვარს ძმა.

თომა გველნაკებნივით შეჩერდა და მიმოიხედა. დაინახა, რომ უკვე აფთიაქის წინ იდგა. აქედან თეკლას სახლამდე ორიოდე ნაბიჯი იყო დარჩენილი. ერთხანს უცქირა მედიცინის ციფრად მოხატულ სიმბოლოს. მერე სწრაფად შეტრიალდა და გზა განაგრძო.

— თუმცა, თუ ამ სიტუაციას კარგად დავუფიქრებ, სწორედ თეკლას გამო უნდა მოვკლა ანდრო. როდესაც მშობლები გარდაეცვლებათ, იმ გონარეული ხეიბრის მოვლა-პატრონობის მთელი ტვირთი ხომ მას დაანებება კისერზე.

თომა შეცრად შეკრთა, აკანკალებული ხელი მკერდზე მოისვა და რაღაც ცივი და მკვრივი საგნის შეხება იგრძნო. ეს იყო სანადირო დანა, რომელიც სახლიდან გასვლისას თავად ჩაიღო ჰიჯაკის შიდა ჯიბეში, მაგრამ მისი არსებობა სულ გადავიწყნოდა ფიქრში გართულს.

— დაწყნარდი, ნუთუ იმან შეგაშინა, რომ ანდროს სისხლში უნდა გაისვარო ხელი? შეუძლებ მაგ წყეულ თავში, რომ მისი სიკვდილი ყველასთვის კარგი იქნება, — საკუთარ თავს შეუძახა ვაჟმა.

რამდენიმე წამში თეკლას სახლს მიადგა. აგურით ნაშენ კედელზე ადვილად აცოცდა და მეორე სართულის ღია სარკმელში გადაძვრა. ფანჯრის რაფიდან უხმაუროდ ჩასრილად იატაკზე, წამით შეჩერდა, აჩქარებული სუნთქვა ცოტა დაიმშვიდა და იქაურობას თვალი მოავლო. ოთახში გვერდი-გვერდ ორი საწოლი იდგა. სარკმლის მხარეს მდგარი საწოლიდან საბანი იატაკამდე ჩამოცურებულიყო, ლოგინში არავინ იწვა. მეორეში ანდროს ეძინა. დღისით მუდამ დაძაბული, უნებლიეთ მოძრავი სახის კუნთები ახლა მოდუნებული და დამშვიდებული ჰქონდა, მოკლედ შეკრეჩილი წვერი სანდომიან იერს აძლევდა. თხელი საბნიდან მუშტებად შეკრული, დაგრეხილი ხელები ამოეყო.

თომა ხეიბრის ლოგინთან მივიდა. ერთხანს დასცქეროდა მის დახვეწილ, ნაცნობ ნაკეთებს. მერე ჯიბიდან დანა სწრაფად ამოიღო და მკერდში ჩასცა. ბასრმა ლითონმა წამსვე ჩააღწია გულამდე. ანდრომ ერთი ამოიხრია და პირიდან სისხლი გადმოუვიდა. თავზარდაცემულმა მკვლელობა სხეულიდან ამოძრობილ გასისხლიანებულ დანას დახედა, სწრაფად შეტრიალდა და ფანჯარას მივარდა.

\*\*\*

თომა ტელეფონის გაბმულმა ზარმა გააღვიძა, შემინებული წამოჯდა ლოგინზე და აკანკალებული ხელით მობილური ყურთან მიიტანა:

— გისმენ, თეკლა!

— ჩემი ძმა მოკლეს, გესმის? მოკლეს! ჩქარა მოდი, გთხოვ, — ქვითინით თქვა გოგონამ და ტელეფონი გათიშა.

აუცილებლად უნდა წავიდე, მაგრამ საკმარისია ერთი უმნიშვნელო შეცდომა და შესაძლოა, ყველაფერი გამოაშკარავდეს. თუ სიმშვიდეს შევიწარმუნებ, ვერავინ ვერაფერს გაიგებს. თანაც, ალბათ სატეპიც დამეხმარება. ჰო, მართლა სად არის ახლა სატეპი? ბოროტად ხომ არ გამეხუმრა და უკვალოდ გაუჩინარდა, — ფიქრობდა მკვლეული და თან სწრაფად იცვამდა.

— თომა, სად მიდიხარ ასე დილაადრიან? — ჰკითხა ვაკვირვებულმა მამამ გასასვლელი კარისკენ მიმავალ ვაჟს.

— ეს ნუთია დამირეკა თეკლამ. მისი ძმა მოუკლავთ, — სწრაფად მიუგო და გარეთ გაავარდა.

მიდიოდა თომა, მაგრამ ფეხები უკან რჩებოდა, შიში მშიერი მგელივით კვალდაკვალ მისდევდა. თეკლასთან შეხვედრა ყველაზე მეტად აშინებდა. ასე ეგონა, გოგ-





1990-იანი წლების ისტორიულ-პოლიტიკური მოვლენები აქტუალურია უახლოეს ქართულ ლიტერატურაში. სახელმწიფო გადატრიალება — სამოქალაქო ომად შერაცხილი, სამეგრელოს დარბევა და აფხაზეთის ტრაგედია — ქართველთა და აფხაზთა სამკვიდრო-სასიცოცხლო დაპირისპირება... ამ მოვლენებზე ბევრი დაინერა. ამჯერად შეეჩერდებით ქართველი მწერლის, ზვიად კვარაცხელიას, მოთხრობების კრებულზე „ყოფილბანდი“ (2012) და აფხაზი მწერლის, დაურ ნაჭყეიას, რომანზე „ღამის ნაპირი“ (დანერვილია აფხაზურ ენაზე, რუსულიდან ქართულად თარგმნა გურამ ოდიშარიამ, წიგნი გამოიცა 2010 წელს).

ზვიად კვარაცხელიას მოთხრობები ისტორიული ქრონიკების მხატვრული ინტერპრეტაციაა რეალური სურათებით — არაფერი ხელოვნური, გამომგონილი, ჰიპერბოლიზებული... ესაა ორ ბანაკად გაყოფილი დედაქალაქი თავისი ინტელექტუალებით თუ ინტელიგენციით, „ერთმორწმუნე ძმისგან ერთმანეთს გადამტყრებული“ მოქალაქეები, საპროტესტო მიტინგები „დიქტატურის“ დასამხობად, სამეგრელოს ეგზეკუცია და „თავისუფლების ჯვაროსნების“ მიღწეული მიზანი — ტყე-ულრანში მიტოვებული ბელადის გაურკვეველი აღსასრული... მრავალი დამაფიქრებელი ფაქტი მხატვრული მასალისთვის შესაფერი ირონიითაა გადმოცემული მწერლის მიერ. იგი არ განსჯის მოვლენებს, ამას მკითხველს ანდობს. აქ მხატვრულ შტრიხებზე და სურათებადქცეული ფაქტები მეტყველებენ, ირონიულ შტრიხებში თუ მიხედვით ავტორის დამოკიდებულებას ამა თუ იმ მოვლენისადმი.

კრებულის პირველი მოთხრობა „ყოფილბანდი“ პოლიტიკურად ჯაგარაშლილი დედაქალაქის ცოცხალი სურათია. ორად დაყოფილი ქალაქის ორი სხვადასხვა შეხედულების ინტელიგენტი: გურამი და ნატა. ქალაქში უკვე ფეხით დადიან, ტრანსპორტი არ ჩანს. გურამი ნიშნისმოგებით თანაუგრძნობს ქალს უტრანსპორტობის გამო, ადრე უნდა გეფიქრათ, გენაცვალეო და, მოპოვებული თავისუფლებისადმი ირონიულად განწყობილი, დაამატებს: „რა თავში ვიხლით ამ ჰაიპრად მორთმეულ დამოუკიდებლობასო“ (იყო კი ჰაიპრად მორთმეული ეს თავისუფლება?!)... „ულუქმაპუროდ, უიმედოდ დარჩენილნი დავერით ერთმანეთს“, — იმართლებს თავს თუ ამართლებს შექმნილ მოვლენებს. იგი სარგებლობს შემთხვევით და იწყებს მჭერმეტყველებას — ქართველების მოპოვებულ ნაადრევ თავისუფლებას ჩვილის ყიფილბანდს ადარებს, რომელსაც განსაკუთრებული სიფრთხილე სჭირდება, სანამ გამაგრდება. თეორიულად სწორია მისი ნათქვამი, მაგრამ პრაქტიკულად ვის უნდა დაბრალდეს „ყოფილბანდის“ ხელყოფა, დაზიანება ანუ მოპოვებული თავისუფლების დაღუპვა... პასუხიც აქვს: „რაც ახლა დაგვემართა, ჩვენი ბედოვლათობით დაგვემართა: მიუღწევნელები ნავეპოტინეთ და ამ ნევრგლეჯაში ბევრი მოვიმდურეთ...“ „ბევრში“ „ერთმორწმუნე ძმას“ გულისხმობს, რომელმაც, მასთან მოპაექრე ნატას აზრით, „ერთმანეთს გადავამტყრე და ის თავმოყვარეობაც აღარ შეგვარჩინა, რითაც თავს ვინოვებდით ყოველთვის“. მათ დიალოგი სიმართლე ნატას მხარესაა, რომელიც იტყვის: „სადაც არ იბადებიან, იქ არც სიცოცხლე ფასობს და, ბოლოს და ბოლოს, ყიფილბანდის შიშით ბავშვი ვის არ გაუჩენია“. გურამი (მეცნიერი) თავისას არ იშლის, ახლა ისაა ძლიერი და გამარჯვებული, ამიტომაც საფინანსო სიტყვაც მას მიაკუთვნა ავტორმა (ასეთი იყო რეალობა): „ხვალე ნავალ საპროტესტო მიტინგზე, ხვალედან ხელს მოვანერ ყველა მოწოდებას და პროკლამაციას, სადაც დიქტატურა იქნება დაგმობილი“. დიქტატურის დაგმობის სახელით კი ქვეყანა იქცეოდა და თავი ყველას მართალი ეგონა.

ამ მეცნიერის მსგავსი გულანთებული და თავგამოდებული ინტელიგენტები მრავლად იყვნენ. იყვნენ ნეიტრალურებიც, შორიდან მაყურებლები იმ იმედით, რომ გასაკეთებელ სხვები გააკეთებდნენ („დიდი და ყურულითა“). მოთხრობის პერსონაჟი, დოცენტი და გაქეილი რეპეტიტორი ირინა, სწორედ ამ ნეიტრალურებს მიეკუთვნება. თავის კაბინეტში მდუმარედ სიგარეტს აფუილებდა და რომ იტყვიან, სიკვდილს ათავებდა, ვინმეს ხმას რომ გაიგონებდა, იმის შიშით, „კიბეზე თუ მეძახიანო, გარეთ

გაცვენები კი მზად იყვნენ: ოღონდ ის ბონაპარტი ჩამოვადგოთ ტახტიდან და ერთი წელი უხელფასოდ ვივლით ლექცი-აზეო“ (ესეც ნაცნობი ფაქტი იმ სამარცხვინო ისტორიიდან). დღე-დღეზე უნდა შემდგარიყო „დიდი კრება, დიდი ყურულითა“. მოთხრობის სათაურიც ხომ ესაა — შესანიშნავი ხაზგასმა ირონიისათვის. ამ კრების შიში ჰქონია ირინას. იქ გაიხსენებდნენ ყველას: „ვისაც დროშები ეჭირა და კიბეზე იჯდა, ვინც თავი მოივადმყოფა, მინიდან გაბოსვლა დაეზარა და ვინც კაბინეტში გამოიკეტა“.

ირონიული პასაჟები ზვიად კვარაცხელიას მოთხრობებში ზომიერად და ზუსტად იქ დაგვხვდება, სადაც საჭიროა, რამდენადაც საჭიროა. ამით თხრობის სტილს, მთავარი სათქმელის ელფერს დამაჯერებლობას სძენს.

თბილისური ამბებიდან საინტერესოა მოთხრობა „მემანვე გოგია“. მემანვე გოგიას გული დაწყვიტა აკადემიკოს ნოშრევ-

სახელმწიფო ხელოვან-ინტელიგენტში თუ ინტელიგენტებში მკითხველს შეუძლია კონკრეტული პერსონების ამოცნობა. „მაროდორობა ომის თანმხლები-აო“ — ამბობდნენ. ზოგი მორიდებულად, ზოგიც — ჩვეულებრივი პათეტიკით. კალიასავით მოედო მთელ კუთხეს ომის ეს „დაუნერელი კანონი“. ახლა მწერალს მოვუსმინოთ, რამდენიმე შტრიხიც საკმარისია: კოჩობა ნყაბელის გამთენიისას მიაკითხეს („ექსპედიცია აღრიან დილით“). წინდანი დაუჭერია თადარიგი, ამიტომ არ შემდრკალა ხაკისფერების დანახვაზე... საკუთარი ფეხით შეუძღვა სახლ-კარის გასატალღებლად მოსულებს. მაინც „ამშვიდებდა“ მოსულთაგან ერთი: „ნუ იღვლებ, ბიძა, ვიცით ჩვენ ყველაფერი, მალე მოვაყომარებთო...“ მაგრამ დიდხანს არ ეყოთ მოთმინება: „ფული, ავეჯი, მანქანა, ოქრო.“ დამნიოკებლების დასახვედრად ოჯახებში თადარიგს იჭერდნენ — გამაღილი სუფრით ხვდებოდნენ, რომ ისინი ნაკლებად აგრეს-

სთხოვენ, მისცეს მათ სკოლაში დაბანაკების უფლება, რაზედაც ცივ უარს იღებენ. „ვერვე ქამრისკენ წავიღე ხელი. ბუდეში დანა მქონდა ჩამაგრებული, ვიფიქრე, გავუყური და მოვათავებ ამ გათახსირებულს-მეთქი, მაგრამ ერთი ჩამიხტა, იქაური ბიჭი (ვინც გზა მიგვასწავლა და გვერდიდან არ გვცილდებოდა), გეხვედებით, მაგის ნამონაფარი ვარ, მე მარჯვენა, „ტრუპს“ ნუ აიკიდებო. მერე ბავშვები გამოცვივდნენ ეზოდან, „ბაბუა, ბაბუა“, — კიოდნენ და ტიროდნენ. უცებ შევბრუნდი და მოხრემილ შუკას შევეყენე ვილისი“, — იხსენებს ვერეთ ნოდებელი მეომარი („ერთი მნიკვი სიმართლე“, — დიას, ასეთი სიმართლე ცოტა იყო, „ერთი მნიკვიც“ იმიტომ ჰქვია. „იმ დღეს ნახევრად ჩამოიქცა ბაბუაშენი, ახლა კიდევ ანვერიზაო“, — გაახსენებენ მთხრობელს მეორე ნოველაში („თავი ბოლო ზღაპარი“), როცა ბაბუა ცუდად ხდებოდა... ასეთია ზოგადი შტრიხები მწერლის ნოველებში მონათხრობისა — ზვიად კვარაცხელიამ ფაქტების მხატვრული კონსტატაციით გვითხრა თავისი სათქმელი. მიუხედავად შემზარავი, საჩოთიო დეტალებისა, იგი ჩინებულად ახერხებს მწერლობად, მწერლის ნახელავად აქციოს ის, რაც ანუხებდა და რასაც თავისი სახელი უნდა დარქმეოდა. ნანამძღვარიც წიგნისა ძალზე ნიშანდობლივად მოფიქრებულია — „ნაკითხვა სავალდებულოა“.

დაურ ნაჭყეიას წიგნი, რა თქმა უნდა, აფხაზეთის ომის თემაზეა, თუმცა — საომარი ბატალიებისა და უმოწყალოდ დახოცილთა სიმრავლის გარეშე. მხოლოდ აქა-იქ თუ გაისმის ჰაუბიციების გრუხუნი, ავტორის კაკანი და სნაიპერის ტყვიების ზუზუნი.

რომანის მთავარი დრამა თხრობის დასაწყისშივე გათამამდება: იღუპება მთავარი პერსონაჟი — ადგურ ა. მისი ხანმოკლე (ოცდასამი წლის), უაზრო ომში (როგორც მას, ადგურ ა-ს, მიაჩნია საბოლოოდ) თავგამოდებით გამოვლილი სიცოცხლე ტრიაგიკულად დამთავრდა... თანაც მაშინ, როცა ქალაქი „აიღეს“ (ზღვის ირონია ორივე მხარისთვის) 93-ის ზაფხულში და გამარჯვება უკვე გარანტირებული იყო. ის 92-ის აგვისტოდან იბრძოდა. დარჩა დღიურები — სასკოლო საერთო რეველი, ბოლომდე გაცხებული. მთხრობელს, რომელიც შემდეგ ბესლანის სახელით გაგვეცნობს, ეს დღიური იმანს გახასიაცა, ვინც ადგურ ა-ს დაღუპვის დღეს მის გვერდით იმყოფებოდა, ვინც ბესლანის არსებობაც იცოდა. შეიძლება ვიფიქროთ, ადგურ ა. მთხრობლის ორეულია, მისი მეორე „მეა“. ბესლანი გულგატეხილია იმ ყველაფრით, რასაც, მისი აზრით, არავისთვის არაფერი მოუტანია — არც გამარჯვებულებისათვის, არც დამარცხებულებისათვის. ვინ იყვნენ ეს „გამარჯვებულები“ და „დამარცხებულები“? თუ მწერალ-მთხრობლის ფსიქოლოგიურ დისკურსს ჩავუდღრმავებთ, ყველა აშკარა მინიშნება თუ ქვეტექსტი გავაცნობიერეთ, არ უნდა გააჭირდეს, დავასკვნათ — გამარჯვებული არავინ იყო, დამარცხებული — კი — ამჯერად — ერთი, პერსპექტივაში — ორივე; რას მოუტანდა ეს გამარჯვება აფხაზ ერს?.. სამშობლოში უსამშობლოდ დარჩენიან, დასავლეთით გახედვაც აეკრძალათ, სადმე, ქალაქის განაპირას, რომელიმე მყრალი ორმოს გვერდით შეფენილი ბაზრობით უნდა დაკმაყოფილდნენ და ასე შემდეგ. ეს ბესლანის აზრებია ანუ — მთხრობლის, ანუ — ავტორის. მომავალს კიდევ უფრო მკვეთრი შტრიხებით წარმოსახავს მწერალი შემდეგ და შემდეგ პასაჟებში. მანამ კი ისევ დასაწყისს მივუბრუნდეთ — ადგურ ა-ს სიკვდილის ფაქტს. ფაქტობრივად მან თავი მოიკლა, თავი მოაკვლევინა სნაიპერს. რატომ და რისთვის — ეს არარიტორიკული კითხვა (ხან პირდაპირი მინიშნებით და პასუხებით, ხან — ქვეტექსტებით) გასდევს მთელ წიგნს, ეს არის ის, რაც ანუხებს მთხრობელს.

საგულისხმოა, რომ დაურ ნაჭყეიას ძმა დაეღუპა ამ ომში, მასაც ბოლო წელს უბრძოლია და სოხუმის აღების დღეს დაღუპულა სწორედ, როგორც წიგნის გმირი ადგურ ა. ასე რომ, ის უნდა იყოს ადგურ ა-ს პროტოტიპიც და ლირიკულ გმირად წარმოჩენილი ავტორის შინაგანი მონოლოგების ინდიკატორი. ასე შემოდის რომანის ცოცხალ სამყაროში უკვე დაღუპული მებრძოლი ახალგაზრდა აფხაზი. ნაწყვეტები მისი დღიურებიდან მრავალ/



ორი ნაპირი, ორი სიმართლე

ან ლომთათიძის პირდაპირ ეთერში ნათქვამმა: „წითლებს და უვარგისებს რომ გვიწოდებენ, აგერ, ბატონო, რაც მიიღო, პასუხი აგოსო... ხალხი დაერია ერთმანეთს, დანა-სისხლად გადავიკიდა... ბნელი ძალები გაიმარჯვებს (გულისხმობს ეროვნული მოძრაობის ლიდერთა მომხრეებს). მოვეწოდებ ყველა შეგნებულ ახალგაზრდას, ხელში აიღოს იარაღი და დაიცვას სამშობლო!“ ვისგან უნდა დავეცვა სამშობლო, ვის წინააღმდეგ უნდა აეღო იარაღი... ვისი სისხლი უნდა დაღვრილიყო და რატომ, რის მისაღწევად... რას კარგავდნენ — სამშობლოს თუ სამშობლოში მყოფდრო და გარანტირებულ კომფორტს — დამსახურებულს თუ დაუმსახურებელს...

ერთი შეხედვით, ლიბლისმომგვერელია (არა ირონიულის) მემანვე გოგიას „შური-სძიება“, როცა გადანყევს: „მე მაგ კაცს მანონს აღარ მივუტანო“. ალალ-მართალი გულით გადაწყვიტა, როგორც შეეძლო, ისე გადაეხადა სამაგიერო პატივცემული აკადემიკოსისთვის. „მე ერთი უბრალო მემანვე კაცი ვარ, ეგაა ჩემი ინსტიტუტიც და აკადემიაცა... მაგრამ სინდისი უფალთან მაქვს დათქმული — მე მაგ კაცს მანონს აღარ მივუტანა!“ ესეც განაჩენია — უარი პატივისცემაზე, მცირედდებით, მაგრამ აქ სიმცირე არ იყო მნიშვნელოვანი.

„სიტყვები ვერცხლისფერი დოქიდან“ მოგვითხრობს იმაზე, როგორ აღმოჩნდნენ ამ ორომტრიალში მწერლები და ჟურნალისტები, ბოლომდე საესე კალამომარჯვებულები, ბელადს რომ მიწასთან გაასწორებენ და თავიანთ ნაღვანს მის მომხრეებს სახეზე რომ ააფარებენ.

ზვიად კვარაცხელია ბევრი რამის თვითმხილველია, მერე რა, რომ მაშინ ძალიან პატარა იყო (დაბადებულია 1986 წელს). ბავშვის მესხიერება, დიასაც, სანდოა. მით უმეტეს, როცა შიშის, უშუქობის, ავტორიტეტის ჯერის, „ჰაუბიციების“ და „გრადების“ ხმის ფონზე ინერტილად პატარის მესხიერებაში 90-იანი წლების შემადრწუნებელი ისტორია. მერე განგებამ მწერლის გამორჩეული ნიჭიც დაანათლა და სრულიად ახალგაზრდამ დაწერა ეს მოთხრობები — ისტორია ჩვენი ახლო წარსულისა, ისტორია საკუთარი სულის ტკივილისა. ან უკვე ისტორიული სურათებს და კონკრეტულ დეტალებს იგი ოსტატურად განაზოგადებს, სახეს და სახელს უცვლის ფაქტებს და პერსონებს. აქ არ ჩანს არც კონკრეტული ქალაქი, არც კონკრეტული სოფელი, მაგრამ რაც ხდებოდა ერთგან, ის ხდებოდა ყველგან. საომარი ბატალიების ასპარეზი სრულიად სამეგრელო იყო.

იულები ყოფილიყვნენ. კარგადაც მიირთმევდნენ და თან დასცინოდნენ დაბნეულ, დაუცველ ხალხს. ამჯერადაც ასე მიმართავენ მასპინძელს: „გამაღილი სუფრებით რო გვგვებდებიან ყველგან, შენთანაც ველოდით ურმაროლს. ისე, მართლა გეტყობა ზარალი (კოჩობა ნყაბელის იმ წელს ორი მიცვალებული გაუსვენებია), თორე აქაური პადხალიმია არც შენ შეგვეშლებოდა... გლუპობი პასილოკ“... მართლაც შემზარავი იყო ეს სუფრები, მაგრამ სხვა ხსნა, სხვა გზა არ იყო.

„ხარი ხანისათვის“ — ასე ჰქვია ნოველას, რომელიც მთავარი პერსონაჟი 90-იანი წლების ერთ დაუვიწყარ, ბავშვის ფსიქიკაში მწარედ ჩარჩენილ ფაქტზე მოგვითხრობს. ეს რეალობიდანაა, ავტორმატიანების ნადირობა შინაურ საქონელზე, დღისით, მზისით — ქალაქის ცენტრში (სენაკში, ხობში, ზუგდიდში, წალენჯიხაში)...

ავტორმატიანის ჯერით ხოცავდნენ პირუტყვს. იქვე ბავშვების და ქალების თვალწინ ხდებოდა ყველაფერი. იქ უფრო მოსახერხებელი იყო ყველაფერი, რაც მერე მათი ვაშმის მომზადებას სჭირდებოდა. ასე გამოლადრეს ყელი პატარა ბიჭის — მთხრობლის შეინდას ბრონეჟილეტიანებმა, იგივე „შიშებმა“ — როგორც აღიქვამდა მათ ბავშვის დამფრთხალი გონება. „ბევრნი იყვნენ შიშები... ტანკები დასავლეთისკენ ორ დამიწრენ, ყველა ამბობდა, მიწასთან გაგვასწორებენ, ჩვენს დასასჯელად და დასაბუგად მოდიანო“... „ერთადერთი გამოსავალი ამ შიშებისგან (ეს უკვე ბიჭის მამის სიტყვებია) ისაა, თბილი ოთახი, სალაფი და ხორცის ნაჭერი არ მოაკლო... აბა, ვლიბოთი ხომ არ გავისტუმრებოდა ამისთანა დიდებულ ხალხსო“, — ართაკილობდა პირფერობას მასპინძელი, იქნებ ამას იქით არ წასულიყო მათი მადა... ლობიოს სხენებაზე თავიანთი ბელადის სიბრძნე გაახსენდათ: „ლობიობა დამთავრდა, ანი ნესრიგი და მშვიდობა უნდა იყვეს ქვეყანაში „იყვეს“...“ „ტო“ — სიტყვები შემთხვევით არ უნდა იყოს ნახმარი...; ეს არ იყო სილაჩრის შიში. ეს იყო ოჯახის, შვილების და საკუთარი სიცოცხლის გადასარჩენად ქმედება, როცა ტანკით და ბეტერით მოგადებებიან კართან — აი, ის „შიშები“ გახლდათ.

ერთი შინაგანად შეუვალი პერსონაჟიც შეგვხვდება — ასაკოვანი, სასიკვდილოდ განწირული კაცი, სკოლის დირექტორი (ის რამდენიმე ნოველაში გვხვდება განმეორებით — ისევე და ისევე თავის ამპლუაში, ყველგან საკუთარი ღირსებისა და სკოლის დამცველი). მას სახედროფორმებიანი



მხრივ ჩაგვახედებს მეომრის თითქოს საბრძოლო განწყობით შემართულ, მაგრამ ადამიანურად აფორიაქებულ სულში. ნაწყვეტის ვრცელი მონაკვეთიდან, რომელშიც დღიურის ავტორი ღამის პეიზაჟს აღწერს (სიყვარული, მდინარე, ღამე, მთვარე...), მიმანიშნებელია იმისა, რომ სრულიად ახალგაზრდა კაცი, იძულებულია, ჩაუფიქრდეს (თუნდაც წამიერად, როცა სიკვდილის პირისპირ დგას) განსაცდელს, ადამიანური ყოფის არსს. ავტორი აღნიშნავს, რომ თუნდაც სიკვდილ-სიცოცხლის ეპიცენტრში ყოფნის ჟამს ადამიანს, მით უმეტეს, ახალგაზრდას, მაინც გაუვლევებს წამი გამხედავი სიცოცხლისაკენ... მიმიც (რაც არ უნდა ძლიერი იყოს ადამიანი, ქვეცნობიერად მაინც...) ეგზისტენციალური... მიმი ამ სილამაზის ვერ გამეტყვის გამო. ამ შემთხვევაში არა აქვს მნიშვნელობა, ვინ, რომელი ეროვნების (რომელი მხარე) იქნება ამ ფიქრების უკან — მდინარის გამოღმა თუ გაღმა ნაპირის ავტომატისანი, სანგარში ფიქრისთვის მოცლილი „ბოვეიკი“. ირონიულია ადგურ ა-ს დამოკიდებულება ამ ომისადმი, შეიძლება ითქვას, ზოგადად — ომისადმი. „ბუთქ-ქუხილი“ — ასე არქმევს ის ამ სიტუაციას. შედარებისათვის სკაბრუნს იყენებს და თხრობა გრძელდება შესაბამისი ირონიით: „ამ დროს, პარალელურად, შორს, სოხუმის შემოგარენთან, სადღაც კელასურთან, იბუთქა-იქუხა, იქნებ ასე — ბუთქ-ქუხილი“ ატყა (ჰო, ჭკმ-მარიტად ასე აჯობებს, ეს სიტყვა უკეთ გამოხატავს მოვლენის მასშტაბურობას) ქართულმა ჰაუბიცამ, მაგრამ თავის სქელკანიანი და არაპატივმოყვრული თვისების გამო სამყაროსეულ სივრცეს კი არ მიაბუთქუხილა, არამედ — ჩვენს პოზიციებს. კიდევ უფრო ხშიარი ბუთქ-ქუხილით აფეთქდა მისი გამონათქვამი ციფრები, რომელიც ქვემო ეშურაში დაასკდა საკუთარ ხმას... ადგურ ა-სთვის ერთნაირად „ბუთქ-ქუხილია“ გაღმიდან თუ გამოღმიდან დაქუხებული ბრძოლის ხმები. „მრავალკალიბრიანი და მრავალმიზნიანი ქუხილის ხმებში ჩამეძინა“ — ასე დაასრულებს ღამის ტექსტს („აღღისით ძალიან ადვილია გულგრილად უყურო ყველაფერს, ღამით კი სულ სხვა საქმეა“, ერნესტ ჰემინგუეი, „აღმოსავლეთის მზე“).

ბესლანი ცდილობს, ჩასწვდეს, გაიგოს, დაასრულოს დღიურის ფრაგმენტული სიტყვების „აბზაზი“. „აბზაზი“ უნდა დალაგდეს და სათქმელი გარკვეულად ითქვას, ადგურ ა. თავისი სულის ტკივილად და გულისთქმად უნდა აქციოს, ჩამოაშოროს ჭორი და ჭუჭყი მის სახელს, რომ მისი სიკვდილი უაზრობად და მხოლოდ აფექტად არ დასკვნან. ავტორის მიზანია, საბოლოოდ მაინც კარგად გააცნობიეროს ყველაფერი, მით უმეტეს, „გულგრილმა თანამოქალაქებმა (სოხუმელებმა), რომელთა აზრები ისე ჰგავდნენ ერთმანეთს, როგორც ორი მიცვალებული“. ყველა-სთვის გამოცანად რჩებოდა, რატომ ჩაიდინა ადგურ ა-მ ეს, რატომ აირჩია სიკვდილის გზა. მის ბოლოდროინდელ შინაგან ფორიაქსაც იხსენებდნენ... ან, უბრალოდ, დაილაღა და სულის მოთქმა სჭირდებოდაო, თუნდაც — ერთი კვირით. ვერ გაუძლო, რკინისა ხომ არ იყო და ასე შემდეგ. ზოგნი ანაშას აბრალებდნენ, რომელსაც ადგურ ა. ხარზად ეტანებოდა, „პულსის დაკარგვამდე ბოლდებოდა“, მაგრამ ყველანი აღიარებდნენ, რომ ის საკუთარი ნებით ავიდა მინაწრილზე და შუბლი ტყვიას მიუშვია. აქ ავტორი წარსულში ბრუნდება და იხსენებს დაღუპული ახალგაზრდის, ადგურ ა-ს, უკმაყოფილებას სოხუმელების მიმართ, განსაკუთრებით, ადგილობრივი ჩინოვნიკების ცხოვრების ინტერესებისა და მათი „აღმადრენის მიზეზებს“, რომელთაც არავითარი ღირებულება არ ჰქონდათ. მთხრობელიც უერთდება მის კრიტიკულ დისკურსს. წარმოსახვით თვალს გადაავლებს ახლო წარსულის მრავალფეროვან, მრავალტომობრივ „მოფუთფუთე პუბლიკას“, სოხუმის მჭიდროდ შემოჯარული გორაკების ხასხასა სიმწვანეს და ამ გადასახედიდან ცდილობს, იყოს რეალისტი, თვითკრიტიკული: „ასე ვიჭყლეტდი ტყინს, მაგრამ მაშინ გვეჩვენებოდა, რომ ჩვენი თავდავინყებელი მსჯელობები გვაპართლებდა და ასე თავხედურად და უცერემონიოდ ვაკრიტიკებდით ყველას — დიდსა თუ მცირე ავტორიტეტებს“.

როგორ ხედავს (როგორ ინახავს მეხსიერება) მწერალი ომისდროინდელ სოხუმს,

მთელ საომარ ტერიტორიას და როგორ აფასებს იმ ავანტიურას, რომელიც აფხაზეთის ომის სახელით დარჩა ქართველთა და აფხაზთა უახლეს ისტორიაში. ეს ეგრეთ წოდებული ავანტიურა არ ყოფილა ცალმხრივი. სამეგრელოს ომის გავლით ის აფხაზეთს მოედო და იქაც მზადყოფნაში დახვდა ნალმი... პატივს ვცემ ავტორის ფრთხილ დამოკიდებულებას მოვლენებისადმი და შევეცდები, შეძლებისდაგვარად, ასევე მოვეკიდო ძალზე სენსიტიურ ფაქტებს, რომლებსაც ვთავაზობს მწერალი და კომენტარი, ხშირ შემთხვევაში, მკითხველზეა მიმდობილი. იგი განსაკუთრებულად არაფერს აღნიშნავს ისე, რომ აშკარად იგრძნო მხარე, მონინააღმდეგე, იგივე აფხაზი, სიძულვილით აღვსილი... ნიშნისმომგების პოზაში.

ნიგინს პირველი შემფასებელი რუსული კრიტიკა იყო და არ დაავიწყდათ, ეთქვათ, რომ იგი აშკარად გამოხატავდა ქართველების სიძულვილს. რა თქმა უნდა, ომში მონინააღმდეგე არავის უყვარს, მაგრამ ოდნავ დაკვირვებული მკითხველისთვისაც კი ცხადი იქნება, რომ ამგვარი დასკვნისთვის რომანში ხელჩაახადის და განსაკუთრებულს ვერ ნახავს. არის ერთი ჩანარითი — ბესლანი ომამდე სოხუმში ქირით ცხოვრობდა მოხუცებულ წყვილთან: ქმარი — მეგრელი, ცოლი — აფხაზი, ბაბცა. ომის დროს ბესლანმა შეიარა ცოლ-ქმართან. როგორც მწერალი აღნიშნავს, მშობლიურ ენაზე ლაპარაკს მონახტრებული „ჭკუა მოკლე, სულელი ბებრუხანა აფხაზურად საუბრისას ყოველი სიტყვის შემდეგ ოხრავდა და ხვნეშოდა, თან შეუსვენებლად წყევლიდა ქართველებს“. ალბათ ეს იყო ის, რამაც რუსულ კრიტიკას (კრიტიკოსს) მისცა საბაბი, განეზოგადებინა შემინებული მოხუცის წყევლა. საგულგნოა ისიც, რომ მათი შვილები საგანგებოდ არიან გადასული საქართველოში. „აფხაზების წინააღმდეგ არ იბრძოდნენ, ღმერთო, დაგვიფარე ასეთი ცოდვისგან. ისინი საქართველოში იმყოფებიან, რათა აქ ვინმე არ შეეშალოთ. ისინი მაშინვე დაბრუნდებიან, როგორც კი ეს გაუგებრობა დამთავრდება და ცხოვრება კვლავ ვეღვ კალაპოტს დაუბრუნდებაო.“ დიას, ეს მათთვის გაუგებრობაა, ვერ აღიქვამენ, როგორც ომს. ცოლ-ქმარს დაცვა სჭირდება, მაროდირებისგან დაცვა. მოხუცებმა ბესლანს მეზობლის სახლი შესთავაზეს. იმის პატივით ომობდა და ანი, როგორც საკუთარ ყურს, ისე ვერ ნახავს აფხაზებსო. ჩანს, ის მეზობელი ქართველია. ბესლანი არ გადადის იმ სახლში. ნათესავთან გადაბარდება. ამაშიც გამოიხატა პერსონაჟის, ავტორის დამოკიდებულება იმ ფაქტებისადმი, რომელიც, მისი აზრით, იყო „უკიდევანო სირცხვილი“, „მასიური სიგიჟე“. უკიდევანო სირცხვილად ომს მიიჩნევს, მასიურ სიგიჟედ — მაროდირობას, რომელსაც ხელს არც ერთი მხარე არ აკლებდა. უსაკრიბლობა, ნანგრევები, ძარცვა — სოხუმში მაროდირებმა დატბორეს, მაგრამ უკვე საკუთარმა მაროდირებმა. ისინი ქალაქში მონინავე რაზმებს შემოჰყვნიენ და მაშინვე დაიწყეს ძარცვა-ყაჩაღობა, თითქოს მტრის ქალაქში შესულიყვნენ. ზოგიერთი მათგანი დაფოთლილ სამხედრო ფორმას აფარებდა თავს, ავტომატმომარჯველს უმრავლესობას კი სამოქალაქო ტანსაცმელი ეცვა. ზოგი ფეხით, ზოგიც მოფახფახე, ძველი მანქანით დანრივდებდა ქუჩებში და ნადავლის მოხელთებას იოლად ცდილობდა: ეპატრონებოდა ბინებს, ეძებდა ძვირფასეულობას, ფარეხებში ჩაქვტილ მანქანებს... ის მაროდირებში და ბანდიტები კი, რომლებიც თავს ამაყად საქართველოს სახელმწიფო ჯარის მებრძოლებს უწოდებდნენ, ძირითადად აფხაზებს ძარცვავდნენ და კლავდნენ. ასევე არ ინდობდნენ აფხაზების თანამგრძობებს. ახლა კი, ომის დამთავრების შემდეგ, სხვა, ჩრდილოეთის ტალღამ გადაურა ქალაქს, ახლა ქართველებს დაერივნენ, მათ სახლებს, მათ ბინებს, მაგრამ მაროდირთა გაუმადლობა მართლაც — უსაზღვრო, ხოლო კუჭი — უძირო აღმოჩნდა და ისინი განურჩევლად ყველას ძარცვავდნენ.

კიდევ უფრო შემზარავია მკითხველისთვის და ავტორისთვის ის, რომ ყოველივე აღწერილის შემდეგ სცენაზე ნაშუსრების მაძიებელი, მშვიდობიანი მოსახლეობა დაემატა, „ამაზრუნე სიხარბის სიგიჟემ, ძარცვა-გლეჯის ავადმყოფობამ, ბევრი შეიპყრო. სახლში ეზიდებოდნენ — მაგი-

დებს, სკამებს, მაგიდის ნათურებს, საბნებს, ზენურებს... ქუჩებში „ტროფეებით“ დატვირთული დროგები და საზიდრები დახრიგინებდნენ. ვილაც „მონაპოვარს“ გზადაგზა იზომებდა“.

კიდევ ერთი მწარე სინამდვილე: ჭიშკრებსა და კარებზე ეწერა გამარჯვებული და ამაყი — „დაკავებულია“ (და დაკავებულია დღემდე სახლები იმ ქართველებისა, რომლებიც დღეს ქვეყნის სხვადასხვა კუთხეში არიან გაფანტულები, ბევრი მათგანი ჯერაც უზინაოა და იმედით გაჰყურებს მომავალს აფხაზეთისაკენ...).

ამას უკვე ავტორი ჰყვება, ამჟამად ის ბესლანის, როგორც მთხრობლის, როლს ვერ ითავსებს, რადგან სწორედ ბესლანზე უნდა თქვას: „ბესლანი სახლიდან არ გამოდიოდა, რათა არ ენახა ეს უკიდევანო სირცხვილი“.

ავტორი-მთხრობელი ცდილობს, შექმნას ცნობიერების აქტივობის მხატვრულად განზოგადებული სურათები, ქაოსურად მიმოქცეულ ანწყობს, წარსულსა და მომავალს შორის. ასეთ დროს მისი სათქმელი, მისი შინაგანი მონოლოგები გადმოცემულია ცნობიერების მაკადის სახით. ნარატისვის ემოციურობა, მძიმე შთაბეჭდილების არამწყობრი (მაინც ლოგიკას საკმაოდ დაქვემდებარებული) გადასვლები ფაქტებიდან ფაქტებზე, ზოგან — თხრობის დინამიკა გამოხატულია მოშლილი პუნქტუაციით. ეს მიზანმიმართული ცდამეტ ექსპრესიულობას სძენს მწერლის სათქმელს.

მოულოდნელად შემოჭრილი ფიქრებით მწერალი პერსონაჟის განცდებსაც წარმოაჩენს და საგულისხმო კითხვის ნიშნებსაც გაახშიანებს (შიგნით, გულის სიღრმეში). მსგავსი ნაკვეთი მრავალი მთელ ტექსტში, თუნდაც ასეთი: მოქცეული, გაუურკვეველ მდგომარეობაში მყოფი, შემთხვევას მინდობილი ბესლანი (ეს ჩვევა ომიდან შემომჩაო) ყავახანისკენ მიდის, სადაც „ძველი, სალაყბო თემები დახვდება: რა გადანყვეტილებას მიიღებენ ქართველები? როგორ მოიქცევიან რუსები? ნუთუ სანდონი არიან რუსები და კვლავ არ გაგვიყვიან“ და სხვა. მსგავსი კითხვები ჰქონდა ადგურ ა-საც: „რაც გარშემო ხდება, ვილაცის მიერა გამოგონილი, არარეალურია; რომ ჩვენ ყველანი ვილაცის მასიური შთაგნების მსხვერპლი ვართ; რომ ვილაცის ნებაზე თავისი, ჩვენითვის ჯერ უცნობი მიზნების მისაღწევად დაგვიმორჩილა... ტანკსანიანალმდეგო თხრილებსა და სანგრებში ვყრივართ და ხელში ისეთი ხელსაწყოები გვიჭირავს, რომლითაც შეგვიძლია, ცოცხალი სხეული ისე დავაზიანოთ, რომ მოიხიზება მისი სიცოცხლე. მდინარის მეორე მხარეს, ზუსტად ჩვენსავით შეიყარნენ ისინი, რომელთაც განზრახული აქვთ ყინულივით ცივი გახადონ ჩვენი სხეულები... ვის რაში სჭირდება ის, რასაც ჩვენ აქ მონდომებით ვაკეთებთ“...

ადგურ ა. დღიურში ჩაწერს, რომ ამ ომში მოკვდება და ტყვიან აქცილებლად თავში მოხვდება. ამით ის სიკვდილს ეთამაშება თითქოს. თავს აჯერებს, რომ არ ეშინია სიკვდილისა. ის ერთადერთი ატარებს ჩაქანს, რკინის თავისქალას, სიმბოლურად იმ ტვირთს, იმ სიმძიმეს, რომელიც ომმა არაგუნა. ის დაიღვრა ყველაფერში, მოულოდნელად ჩაქანში მოიძრო, შიშველი თავით იმ დროს დატრიალდა ბრძოლის ველზე, როცა სნაიპერის ტყვიას უკვე მიზანში ჰყავდა ამოღებული. ეს იყო პროტესტი ჭაბუკისა, რომელიც გუმისთისკენ, იარაღით ხელში, უცებ არ გაქცეულა. ავტომატმომარჯველები გულდაუთის ქუჩებში გამოჯგომიული დადიოდა, იქ ჯერ არ იყო საომარი სიტუაცია. მისი არხეინობის მიზეზიც ეს იყო. საომრად წასვლა მაშინ გადაწყვიტა, როცა ვილაც ძაძებიანი ქალის სიტყვებმა ცივი წყალი გადაასხა: „ომში წადი, უსაქმოდ რას დახეტიალობო“... მეორე დღეს წინა ხაზზე აღმოჩნდა. ამით მწერალი ხაზს უსვამს იმას, რომ ამ ომში ყველა დიდი ხალხისით არ წასულა. არც ადგურ ა., არც ბესლანი, ალბათ, ბევრი სხვაც. ასეთია ავტორის მიერ დანახული რეალობა.

განხილულმა ტექსტებმა, როგორც „ორი ნაპირის ორმა სიმართლემ“, ნათლად დაგვანახა, რომ მწერლობა, მიუხედავად ექსტრემალური სიტუაციისა, მაინც ახერხებს მოვლენათა ობიექტივაციას, რაც არის კიდევ მისი უპირველესი მისია; ამასთან, ამ ტექსტებში მკითხველს საშუალება ეძლევა, სამომავლო კოორდინაცია დაინახოს.

# გიორგი მალობლიშვილი

## ცარიელი ფურცელი

დასასრული

დარბაზში ტაშმა იქუხა, თომას გამარჯვებას ულოცავდნენ. როცა თავდაპირველი ეიფორიული განწყობა ცოტათი დაცხრა, თამადა ისევ წამოდგა: — ვულოცავ თომას ამ გამარჯვებას! ახლახან ნავიკითხე მისი რომანი. მართლაც დიდებულია. სამინელი ტრაგედიაა, როცა ადამიანი მზად არის, სული მიჰყიდოს სატანას, რათა გენიალური მუსიკა შექმნას და სახელი მოიხვეჭოს. განა ნიჭიერად ადამიანს არ შეუძლია, საკუთარი თავგადებული შრომით ბრწყინვალე ნაწარმები შექმნას? აი, როგორც ჩვენმა თომამ შეძლო. შევსვით ამ ნიჭიერი ახალგაზრდის სადღეგრძელო და კიდევ მრავალი წარმატება ვუსურვოთ მას.

თომა ფეხზე წამოდგა. სახეზე აღმური ასდიოდა. მადლობა ყველასო, წაილულულა და თეკლას შეხვდა. გოგონას სახეზე აღერთოვანება და შემფოთება ერთმანეთს ენაცვლებოდა.

— თომა, ძვირფასო, გილოცავ, — ნაჩიურწულა მან.

ეგებ მეც შემძლო, მიმელწია დიდებისათვის მხოლოდ ჩემი ნიჭითა და შრომით, ფიქრობდა თამადის სიტყვებით აფორიაქებული თომა და თანდათანობით ისეთი უაზრო გამომეტყველება მიიღო, კაცი იფიქრებდა, საცაა გონს დაკარგავსო. თეკლა თვალს არ აცილებდა ვაჟის განაშებულ, ცვილისფერ სახეს. სურდა, ენუგემბინა, მაგრამ ყელში ბურთივით გასჩხეროდა რალაც და სიტყვა ვერ ამოეთქვა.

\*\*\*

ზამთრის ნაცრისფერ დღეს ნელ-ნელა ბინდი ეპარებოდა. თოვდა, ფიქტები ფენაფენად ედებოდა ჯვრებსა და საფლავის ქვებს. სასაფლაოს პირქუშ მდუმარებას არღვევდა მხოლოდ ახალგაზრდა მამაკაცის ბუტბუტი, რომელიც ერთ-ერთ საფლავთან დაჩოქილიყო.

— სამ ნელზე მეტი გავიდა მას შემდეგ, ამ ხნის მანძილზე გული ყოველთვის აქეთ მომიწევდა, მაგრამ მოსვლას ვერ ვებედავ. იცი, მეგონა, დროის გასვლასთან ერთად ეტკივოდა თანდათანობით გაყურებოდა, მაგრამ თურმე ყველაფერი პირიქით ყოფილა, დღითი დღე სულ უფრო მეტად ვიტანჯებოდი. ჩემმა რომანმა კონკურსში გაიმარჯვა. მეუბნებინა, უსათუოდ ნობელის პრემიასაც მიიღებოდა. შენმა სისხლმა მომიტანა ეს წარმატება, მაგრამ ეს დიდება, რაც ჩავიდინე, იმად არ ღირდა. ამ ტანჯვას ვეღარ ვუძლებ. ბოლო ერთი კვირაა, ვხედავ სისხლს ჩემს ხელზე და ვგრძნობ მის სუნს. ძლივს მოვიკრიბე ძალა, რომ შენს საფლავთან მუხლი მომეყარა.

ახალგაზრდა მამაკაცი წამით დადუმდა და ცრემლით სავსე თვალები მიაპყრო საფლავის ქვაზე გამოსახულ სვედიან სახეს. უეცრად სიცივემ აიტანა, თოვლში მუხლებზე დგომით ფეხები სულ გაჰყინოდა, მაგრამ ადგილიდან მაინც არ იძვროდა. აკანკალებული ხელი აჯობდა ჩაიყო და მოკლევადიანი ხელა ჯობებოდა.

— მამაკაცე, ანდრო, — ჩაიჩურწულა და დანა მთელი ძალით მკერდში ჩაიჩრტა.

\*\*\*

გონს მოსული თომა გაოგნებული ათვალიერებდა ქათქათა პალატას და ვერაფრით იხსენებდა, თუ როდის ან რატომ მოხვდა აქ.

საწოლიდან წამოდგომა სცადა, მაგრამ ისეთი ძლიერი თავბრუსხვევა იგრძნო, რომ ისევ მიეგოდ ლოგინზე. ცოტა ხნის შემდეგ პალატაში შესულმა მედამ მზრუნველი მზერა შეავლო თომას არეულ სახეს და დაყვავებით ჰკითხა: — როგორ ხართ? ხომ არაფერი გინდათ? — ცარიელი ფურცელი, ცარიელი ფურცელი... — ჩაიბუტბუტა თომამ და ამღერული თვალები ჭერს მიაპყრო.



ამერიკელი მოდერნისტი პოეტი უოლეს სტივენსი (1879-1955) ადვოკატი იყო და ლექსებს ლამით წერდა ან დილის გასაღრმობის დროს თხზავდა სამსახურისკენ მიმავალ გზაზე. განათლება ჰარვარდის უნივერსიტეტსა და ნიუ-იორკის სამართლის სკოლაში მიიღო. მთელი სიცოცხლე სადაზღვევო კომპანიის იურისტად მუშაობდა ჰართფორდში (კონექტიკუტის შტატი).

### უოლეს სტივენსი

#### განხილვა 10 საათზე

სახლი ივსება თეთრპერანგაიანი მოჩვენებებით. მათგან არცერთი არ არის მწვანე, ან იისფერი მწვანე რგოლებით, ან კიდევ მწვანე ყვითელ რგოლებით, ანდა ყვითელი ლურჯი რგოლებით. ვერ გამოარჩევ მათგან ვერცერთს მაქმანიანი წინდებით ან მძივიან ქაშრით. ადამიანებს სიზმრადაც არ მოეცვლინებათ ბაბუინი და ზღვის ლოკოკინა. მხოლოდ ხანდახან მოხუც მეზღვაურს, მთვრალს, ჩაძინებულს, ჩექმებიანს, დაესიზმრება, თუ ვეფხვებზე როგორ ნადირობს ნითელ ამინდში.

#### თოვლის კაცი

უნდა გაგაჩნდეს თვით ზამთრის გონი, ყინვა რომ იგრძნო და შეამჩნიო თოვლშეყინული ფიჭვის ტოტები.

უნდა კარგა ხანს შეგეგრძნო ყინვა, რომ შეგემჩნია დაჭირხლული თოვლისგან ღვია, და შორეული ბზინვარება გათოშილ ნაძვის

იანვრის მზეში; რომ არ გეფიქრა უიღბლობაზე ქარის ზუზუნში, და შერჩენილი ფოთლების ხმაში.

ეს მიწის ხმაა ავსებული იმავე ქარით, შიშველ ადგილებს გამუდმებით რომ დასტრიალებს. მსმენელისათვის, თოვლში რომ ისმენს და თავისით რომ ვერაფერს ხედავს, რაც იქ არის და რაც იქ არ არის.

#### შაშვის ცამეტიანი ალქმა

I  
ოც დათოვლილ მთას შორის მხოლოდ შაშვის შავი თვალი მოძრაობდა.

II  
გონება მქონდა დაყოფილი მე სამ ნაწილად, როგორც ხეს, სამი შაშვი რომ შეფარებია.

III  
შემოდგომის ქარს აპყლოდა ტრიალით შაშვი. ეს წააგავდა პანტომიმის პატარა ნაწილს.

IV  
ქალი და კაცი ერთნი არიან. ქალი და კაცი და შაშვიც ერთნი არიან.

V  
მე არც კი ვიცი, რა ვამჯობინო, ინტონაციის სილამაზე თუ სილამაზე გადაკრულ სიტყვის. შაშვის გალობა, თუ სიჩუმე მას რომ მოყვება.

VI  
ყინულის ლოლოს დაუსერავს გრძელი ფანჯარა უხეში მინით. შაშვის აჩრდილმა გადაუარა მას აქეთ-იქით. მასში განწყობამ ამოუცნობი კვალი დალანდა.

VII  
ო, ჰედემის უსუსურო კაცებო, რად გესახებათ ოქროს ჩიტები? ნუთუ ვერ ხედავთ თუ როგორ უვლის ქალების ტერფებს გარშემო შაშვი.

VIII  
მე კარგად ვიცნობ კეთილშობილ აქცენტებს და ნათელ რიტმებს, ხელიდან რომ ვერ დაგისხლტება. მე ის ვიცი, რომ ჩემს ცოდნაში თავად შაშვიც ჩარეულია.

IX  
როდესაც შაშვი თვალს მიეფარა, მან ერთ-ერთი წრის კიდე მონიშნა.

X  
შაშვების ფრენას მწვანე შუქზე თვალს რომ მოკრავენ, იაფფასიან ევფონიის მოყვარულთაც კი აღმოხდებათ ერთხმად ყვირილი.

XI  
ის შუშის ეტლით კონექტიკუტს მიაშურებდა. და უცბად შიშმა აიტანა, რადგან ალიქვა ეკიპაჟის ჩრდილი შაშვებდა.

XII  
მიედინება მდინარე და ალბათ შაშვმაც გადაიფრინა.

XIII  
მთელს ნაშუადღევს მიმწუხრი იდგა. თოვდა და თოვას აპირებდა. კედრის ტოტებზე კი შაშვი იჯდა.

#### საგნების მარტივი არსი

როცა სრულდება ფოთოლცვენა, საგანთა მარტივ არსს ვუბრუნდებით. თითქოს მივედით წარმოსახვის ბოლო ზღვარამდე, სულისგან დაცლილ და ინერტულ შემეცნებასთან.

მეტად ძნელია, შეურჩიო ზედსართავი სიცივეს დაცლილს, ამ უმიზეზო სევდიანობას. და ნაგებობა უზარმაზარი გადაიქცა პატარა სახლად. და მის გაცრეცილ იატაკებზე ჩალმინებებიც არ გაივლიან.

აქ სათბურსაც არ შერჩენია ჩვეული ფერი. და გადახრილა ორმოცდაათი წლის საკვამური. ფანტასტიურმა შემართებამ დაკარგა ძალა, განმეორება კაცთა და ბუზთა განმეორების.

თუმც წარმოსახვის არარსებობა წარმოსახვას მოითხოვს მაინც. დიდი გუბურა, მარტივი არსით, უანარეკლოდ, უფოთლებოდ, აუმღვრეველი, რომ წააგავს ჭუჭყიან შუშას, ასე თუ ისე

მდუმარების გამომხატველი, სიჩუმით ვირთხის, რომ გამოსულა დიდი გუბურის და მოტივტივე შროშანების დასანახავად, ეს ყველაფერი წარმოსახვას მოითხოვს მაინც, როგორც ცოდნას გარდაუვალს, აუცილებელს, საჭიროების შესაბამისად.

#### განხილვის საუბარი მდუმარ კაცთან

ხნოვანი მრეში ქათამი და ლურჯი ცა, რომელთა შორის ვცოცხლობთ და ვკვდებით— გორაკის ფერდზე გატეხილი ურმის ბორბალი.

თითქოს გავაშრეთ ბადეები და შევაკეთეთ იალქნები ზღვის თანდასწრებით და უსასრულოდ ვისაუბრეთ ათას რამეზე.

დაუსრულებელ ქარიშხალზე სურვილებისა, ერთ სურვილზე. მრავალ სურვილზე, ქარის ქროლვაზე, ფოთლების მრავალმეტყველებაზე,

ლავგარდანის ქვეშ თავს რომ იყრის ერთ მთლიანობად, ქარიშხლისა და ფერმის კავშირი, ჯაჭვი გაბმული ფირუზისფერ ქათამსა და ცის სივრცეს შორის.

და ურმის სვლის დროს გატეხილი ერთი ბორბალი. ეს ხმა არ ისმის ლავგარდნიდან, ეს მეტყველება ის არ არის, ჩვენ რომ ჩაგვესმის

იმ საუბრისას, არამედ ხმაა საგნების და მოძრაობისა: სხვა კაცი, მონსტრი ფირუზისფერი, მუდმივ რომ ბრუნავს.

#### ჯარისკაცის სიკვდილი

იკუმშება სიცოცხლე, სიკვდილია მოსალოდნელი, ისე, როგორც ჟამს შემოდგომის ჯარისკაცი ძირს ეცემა.

ის არ მოიხვეჭს გმირის სახელს მხოლოდ სამი დღით, იმ ქვეყნად წასვლას თავს არვის ახვევს და არ მოითხოვს ზარსა და ზეიმს.

უცილობელი არის სიკვდილი, ძეგლის გარეშე, როგორც სჩვევია შემოდგომას, როცა ქარი სრულად ჩადგება,

როცა ქარი სრულად ჩადგება, ზეცაში ისევ დიან ღრუბლები თავიანთ გზაზე

#### მხიარული ვალის სევდიანი დაკაპულობა

ჭეშმარიტება იმაშია, რომ დგება ჟამი, როცა ჩვენ ველარ დავიტირებთ იმ მუსიკას, რომელიც ასეთ უმოძრაო ბგერებად იქცა. დადგება ჟამი, როდესაც ვალის აღარ იქნება სურვილის ნირი, ნირი სურვილის გამომუღავნების,

და დაცილება ლანდებისაგან. მრავალი ვალის დასრულებულია. და თან არსებობს ამაღლებული გონების ჰუნი, ვისი სურვილიც არასოდეს ყოფილა ვალსი. რომელმაც ჰპოვა ყველა ფორმა, ყველა წესრიგი სიმარტოვეში, ვისთვისაც ფორმა

არასოდეს არ ყოფილა კაცის ფიგურა. ახლა კი მისთვის ეს ფორმები გაუჩინარდნენ. არც ზღვას და არც მზეს ეს წესრიგი არ გააჩნია, დაუკარგია ბრწყინვალე ყოველგვარ ფორმას, და უცაბედად ვლინდებიან მასები ხალხთა. მოულოდნელი ეს ღრუბელი სახეთ და მკლავთა, თავისუფლება უსაზღვრო თრგუნვის, ხმები, რომლებიც გაჰკვივან შეუცნობელად. სურთ, მოიპოვონ ბედნიერება, თუმც

არ იციან ამისათვის რა გზას დაადგენ, არ შეუძლიათ თავს მოხვეულ ფორმით აღწერა, წესრიგს ითხოვენ, თუმც სიტყვებით ვერ გამოთქვამენ. მრავალი ვალის დასრულებულია. თუმცა ფორმები რომლის გამოც ხმები კვივან,

შესაძლოა რომ ისინი იყოს ნირი სურვილის, ნირი სურვილის გამუღავნებისა. მრავალი ვალსი. ურწმუნობის მთელი ეპოსი ჟღერს უფრო ხშირად და უფრო სწრაფად, და მუდმივი გახდება მალე. ჰარმონიული სკეპტიკოსი მალე სკეპტიკურ მუსიკაში დააკავშირებს ერთმანეთთან კაცთა ფიგურებს და მოძრაობით გაბრწყინდება მათი ფორმები, მაშინ მუსიკა ამოძრავდება და აივსება ისევ ლანდებით.

#### ჩაი ჰუნის სასახლეში

მიუხედავად იმისა, რომ მენამულით გადავეში დასავლურ დღეში, იმით, რასაც შენ არქმევ მარტოსულ ჰაერს, მე არაფერი არ დამკლებია.

ეს რა მალამო გადამისვეს ნეტავი წვერზე? ეს რა ჰიმნებმა იზუზუნეს ჩემს ყურთა მიღმა? ეს რა ზღვა იყო, იქ რომ წამლეკა მიმოქცევისას?



ჩემს გონებიდან ოქროსფერი მალამო წვიმდა, ჩემი ყურები აუღებდნენ მოსმენილ ჰიმნებს, და მე კი თავად გადავიქეცი იმ ზღვის კომპასად.

ვიყავ სამყარო, რომელშიაც მე დავდიოდი. რასაც ვხედავდი, რაც მესმოდა, ან რასაც ვგრძნობდი, ჩემგან არ იყო; და აქ ვპოვე მე ჩემი თავი უფრო ნამდვილი და უცნაური.

მაკითხველი

ვიჯექ, მთელ ღამეს კითხვით ვათევდი, ვკითხულობდი და შევენივთე დათალხულ ფურცლებს.

შემოდგომაზე ვარსკვლავები, ცით მონყვეტილნი, ეფინებოდნენ ჩამოშქანარ ფორმებს, შეყუყულებს მთოვარის შუქში.

კითხვის ჟამს არსად არ ენთო შუქი, ხმა ბუტბუტებდა: „ყველაფერი უბრუნდება ისევ სიცვივს“.

მუშკის სურნელის მქონე მუსკატიც, ნესვიც და ლოყებლაჟლაჟა მსხალიც მონეული უფოთლო ბაღში.

არ ემჩნეოდათ ასოები დათალხულ ფურცლებს, მხოლოდ ანთებულ ვარსკვლავთა შუქის კვალი გასდევდა ყინვიან ზეცას.

გოცნარი, როგორც აჩრდილთა მეფე

დღის ბოლოს ფიქრი უფრო რთულია, როცა მზეს ფარავს უფორმო ჩრდილი და მხოლოდ შუქი რჩება შენს ბენვზე —

და იყო კატა, რძეს რომ თქვლევდა შეუჩერებლევ, მსუქანი კატა, წითელი ენა, მწვანე გონება, თეთრზე თეთრი რძე.

იდგა აგვისტო—თვე უმშვიდესი.

ბალახში ყოფნა, უმშვიდეს დროში. კერპად ქცეული კატის გარეშე, კატის, მთვარეზე მივიწყებულის.

იმის შეგრძნება, რომ ესაა ბოცვერის შუქი, სადაც ყოველი მხოლოდ შენია, და არ ჭირდება არაფერს ახსნა.

თან საფიქრელიც არაფერია. ეს ყველაფერი თავისით მოდის; აღმოსავლეთი დასავლეთისკენ მიეჩანება, დასავლეთი კი ისწრაფვის ქვემოთ, არა უშავს რა, იქ ბალახი სავესეა მაინც.

სავსეა შენით. შენთვის არიან ირგვლივ ხეებიც. და ვრცელი ღამეც არსებობს შენთვის, არსებისათვის ყველა კიდეს რომ შეეხება.

და შენ იქცევი იმ არსებად, ღამის ოთხივე კუთხეს რომ ავსებს. შენს ბენვის შუქში მიიმალება წითელი კატა. და შენ იქ მაღლა ჩაცუცქულხარ.

და შენ თანდათან იცუცქები მაღლა და მაღლა, ქვასავით შავი— თავანუელი ისე დამჯდარხარ, თითქოს სივრცეში შენი თავი გამოუკვეთავთ. და პანანინა მწვანე კატა დამსგავსებია ბალახში ხოჭოს.

ქაქსი მნიშვნელოვანი პიიზაჟი

I მოხუცი კაცი ზის ჩინეთში ფიჭვის ხის ჩრდილში. ხედავს თეთრსა და ლურჯ დეზურას, ჩრდილის კიდეზე რხეულს ქარისგან. მოხუცის წვერი ირხევა ქარში. ფიჭვის ტოტებიც ირხევა ქარში. სარეველებზეც ედინება ღვარ-ღვარად წყალი.

II ღამე ქალის მკლავის ფერია. და იმალეა ღამე, ქალს რომ გავს — იდუმალი, სურნელოვანი, ალერსით სავსე,

გუბებრჭყვიანებს, როგორც ცეკვისას სამაჯური აელვებული.

III და მე მაღალ ხეს ვაზომებ ჩემს თავს. მე გაცილებით მაღალი ვარ, რადგან მზეს ვწვდები. ჩემი მზერით. და სმენითაც ზღვის ნაპირს ვწვდები. ოღონდ არ მომწონს ჭიანჭველები ჩემს ჩრდილში რომ მიდი-მოდიან.

IV ჩემი ოცნება როცა მთვარეს მიუახლოვდა, მისი კაბის თეთრ ნაკეცებში ჩაიღვარა ყვითელი ფერი. ფეხისგულები კი შეუნითლდა. და მახლობელმა ვარსკვლავებმა თმები აუხვეს ლურჯ კრისტალებით.

V არც ლამპიონის საკვეთს, არც საჭრეთელს გრძელი ქუჩისას, არც გუმბათის მძიმე უროებს, არც მაღალ კოშკებს, არ ძალუძთ ისე გამოკვეთონ ვაზის ფოთოლები, როგორც იმ ვარსკვლავს, ზედ რომ სხივს აფრქვევს.

VI რაციონალისტები ოთხკუთხა ქუდებით ოთხკუთხა ოთახში სხედან და ფიქრობენ, იატაკს დასცქერენ, ხან ჭერს ახედავენ. და ჯერდებიან სამკუთხედებით. რომ მოესინჯათ რომბოიდები, კონუსები ან ელიფსები, — როგორიცაა, მაგალითად, ნახევარმთვარე — მაშინ ისინი სომბეროებს დაიხურავდნენ.

თარგმანი მელა ზაალიშვილი



ალბერ კამიუ

ქარი ჯემილაში

არის ადგილები, სადაც კვდება სული და იბადება სიმა-რთლე, როგორც მისი პირდაპირი უარყოფა. როდესაც ჯემილაში ჩამოვდი, ქარი და მზე დამხვდა, თუმცა ამის შესახებ შემდგომ ვისაუბრებ. ჯერ მინდა, შევნიშნო, რომ იქ სიჩუმე სუფევდა, მძიმე და ფართო სიჩუმე, ურყევი, რო-გორც განონასწორებული სასწორის ისარი. ფრინველებ-ის შეძახილები, ფლეიტის გამჭრიახი ხმა, თხების ნაბიჯები, ცის სიშორიდან მოსული ქუხილი — სწორედ ეს ყველა ხმა ქმნიდა სიჩუმისა და ამ ადგილის მიტოვებულობის მთ-აბეჭდილებას. რა გზითაც არ უნდა მიდიოდე, სახლის რუ-ინებსა თუ სუფთა, ფართო ქუჩებში ბრწყინვალე კოლონე-ბს შორის, ან თუნდაც უზარმაზარი ფორუმისგან ტრიუმ-ფალურ თალსა და ტაძარს შორის — შენ ყოველთვის მიხვ-ვალ ხევში, რომელიც გარს ერტყმის ჯემილას, ამ უკიდვე-ანო ცის ქვეშ მდებარე ტაძარში! და აღმოჩნდები ხაფანგში, განმარტოებული ქვებსა და სიჩუმესთან, თითქოს დრო შეჩერდა, მხოლოდ მთები იზრდებიან და ყვავდებიან დრო-ოთა განმავლობაში. მაგრამ ჯემილაში ქარია და მზესა და ქარის ნაერთისგან, რომელიც რუინებს ერთგვარ სი-ნათლეს სძენს, წარმოიქმნება რაღაც ისეთი, რაც აძლევს ადამიანს საშუალებას, იგრძნოს საერთო მკვდარი ქალა-ქის განმარტოებასა და სიჩუმეს შორის.

დიდი დროა საჭირო ჯემილაში ჩასასვლელად. ეს არაა ისეთი ქალაქი, სადაც უბრალოდ, შემთხვევით გაივლიან ხოლმე. მისი გავლით ვერსად ვერ მოხვდები და მას არ გააჩნია ოლქი. ეს ის ადგილია, საიდანაც უკან არ ბრუნდებ-იან. მკვდარი ქალაქისაკენ საკმაოდ გრძელ გზას მიჰყავს-არ, თუმცა ეს გზა უფრო გრძელი გეჩვენება, როდესაც ყოველ მოსახვევში ელოდები, რომ შენ თვალწინ ჯემილა გადამიშლება. როდესაც, როგორც იქნა, ყოველთვის დამ-თვრუნველ ფერებში გახვეული პლატოს უზარმაზარ მთ-ებს უკან განთიადი და ქალაქის მოხაზულობა ჩნდება, ჯე-მილა ხდება სიყვარულისა და მოთმინების სიმბოლო, რომ-ლის ერთგულებასაც შეუძლია გაგვიღოს სამყაროს სათ-უთი გული. იქ, პლატოზე, იშვიათ ხეებსა და ხშირ ბალახ-ებს შორის, ჯემილა თავისი ლოდებითა და მთებით იცავს თავს ვულგარული აღფრთოვანებისაგან; წარმოდგენებ-ის მხატვრული ან სასიამოვნო თამაშის ვნებისაგან.

ჩვენ დიდხანს ვბოდილობდით უდაბურ სილამაზეში. ქარი, რომელიც შუადღით ნაკლებად შესამჩნევი იყო, ნელ-ნელა უფრო გამძაფრდა და თითქოს მთელი პეიზაჟი მო-იცვა. ქროდა ორ მაღალ მთას შორის, მოქროდა ჰორიზო-ნტიდან და ძრწოდა ქვებისა და მთების სამფლობელოში. შეუჩერებლად უსტვენდა ნანგრევებში, ტრიალებდა გაშე-შებულ ცირკში, გარს ერტყმოდა უზარმაზარ, დაზიანებ-ულ ლოდებს, არ ინდობდა არც ერთ კოლონას და დაუოკე-ბელი ხმაურით მიილტვოდა ცისქვეშ გავრცელებული ფო-რუმისაკენ. მე ქარის მიერ ვიყავი გამოლტვილი, როგორც ქარიშხალში მოხვედრილი გემის რანჰოუტი. თვალები გა-მილიზიანდა, ტუჩები დამისკდა, ხოლო გამშრალი კანი თი-თქოს მე აღარ მეკუთვნოდა. აქამდე გრიგალი საშუალებ-ას მაძლევდა, აღმექვა სამყარო. იგი წერდა მასზე, როდის იყო ის ბედნიერი და როდის გაშმაგებული, ათბობდა მას ზაფხულის სუნთქვით. მაგრამ, ქართან — რომელსაც მწ-ყობრიდან გამოყვავდი — ხანგრძლივი წინააღმდეგობის შედეგად დაღლილი, უკვე ვეღარ ვგრძნობდი, რას აღიქ-ვამდა ჩემი სხეული. იგი მაინც თავს მესხმოდა. უფრო ვერ-წყმოდის სტიქიას, რომლის ძალაუფლებასაც დავმორჩილ-დი და, როგორც იქნა, საბოლოოდ შევეუხავი მას. ჩემი პულისი შეუერთდა ბუნების უძლიერეს, უსასრულო გულის-ცემას. ქარი ჩემგან სწორედ იმ გამოსახულებას ქმნიდა, რომლითაც ჯემილა იყო განმსჭვალული. და მისი მკლავე-ბის ქვეშ მე, ქვა ქვათა შორის, მოვიპოვე მარტოობა ზაფხ-ულის ცის ფონზე, მსგავსად აქ მდგომი კოლონებისა.



დასასრული

ქარმა და მზემ საბოლოოდ გამომფიცა. ჩემში თრთოდა, წუხდებოდა თავისუფლება, წუხდებოდა ცხოვრება, გონება ცდილობდა, პროტესტი გამოეთქვა. წამით მომეჩვენა, რომ სადაცაა დავივინყებ ყველაფერს ამ სამყაროზე, დავივინყებ საკუთარ თავსაც კი და ჰაერში გავფრთხივები. და თავს ამ ქარად მოვიჩვენებ, და თავს ამ ქარის მიერ მოვლილ კოლონებად, თაღებად, ფილებად მოვიჩვენებ, ისინი სიტბოს ასხივებენ; და თავს ქალაქის გარშემორტყმულ მთებად მოვიჩვენებ. ჯერ არასდროს მიგრძნია ასეთი განდევნილობა საკუთარი თავისგან და, ამავდროულად, სამყაროში არსებობასაც.

ჰო, მე ვარსებობ. და ამ დროს მაცვიფრებს ის აზრი, რომ ამ საზღვრის იქით წასვლა არ შემიძლია. როგორც ადამიანს, რომელსაც სამუდამო სასჯელი აქვს მოსახდელი: რაც მისთვის არსებობს, მას თან ახლავს. ამავდროულად, როგორც ადამიანს, რომელმაც იცის, რომ ხვალინდელი დღე იქნება დღევანდლის მსგავსი და დანარჩენი დღეებიც ასევე. რადგან ადამიანისთვის საკუთარი ანმის აღქმა ნიშნავს — არაფერს ელოდო. მხოლოდ ვულგარული პეიზაჟები აღიქმება სულიერი მდგომარეობის მიხედვით. ამ ქალაქში მე ყველგან ვგრძნობდი რაღაცას, რაც ჩემს მიერ არ იყო მოტანილი, არამედ თვითონ ქალაქს თან ახლდა — ვგრძნობდი სიკვდილის გემოს, რომელიც გვაერთიანებდა. აქ, კოლონებს შორის, დნებოდა განგაში. ქარს სინათლე ჩაენაცვლა. შიში იბადება ცოცხალთა გულში, მაგრამ ეს ცოცხალი გული ოდესმე გაჩერდება. იმის გამო, რომ დღე საღამოსკენ იხრებოდა; რომ ხმები და სინათლე ნელ-ნელა ბინდის ფერფლში იკარგებოდა, მე, საკუთარი თავის მიერ მიტოვებული, თავს უფრო დაუცველად ვგრძნობდი ჩემს გონებაში მომნიჭებულ ძალებსაგან საკუთარი თავის უარყოფისა.

ბევრი ვერ ხვდება, რომ საკუთარ უფლებებსა და პრივილეგიებზე, რომლებსაც საერთო არაფერი აქვთ განდევნილობასთან, უარის თქმა შეიძლება. მამ რას ნიშნავს სიტყვები „მომავალი“, „წარმატების მიღწევა“, „მდგომარეობა“? რას ნიშნავს სულიერი განვითარება? თუ მე „ოდესმე“ შევეცდები, უარყო ყველა, მაშინ ეს სწორედ იმაზე მიუთითებს, რომ არ მინდა განვმორღვე ჩემს ახლანდელ სიმდიდრეს. არ მსურს ვირწმუნო ის, რომ სიკვდილი ახალი ცხოვრების ზღურბლია. ჩემთვის ეს დაკეტილი კარია. არა, ეს ზღურბლი არაა, ეს საშინელი და ამაზრზეი ისტორიაა. ყველაფერი, რასაც მე მთავაზობენ, იმისკენ არის მიმართული, რომ ადამიანი საკუთარი ცხოვრების ტვირთისგან მოვაპორო. მაგრამ, როდესაც ვაკვირდები ჯემილას ცაზე მფრინავ დიდრონ ფრინველებს, სწორედ მაშინ ვაწყდები ამ ტვირთს და ვიღებ მას. ამ პასიურ ვნებებში მხოლოდ საკუთარი მთლიანობის შენახვა ძალმიძს, დანარჩენი კი ჩემზე არ არის დამოკიდებული. მე ზედმეტად სავეს ვარ ახალგაზრდობით იმისათვის, რომ ვისაუბრო სიკვდილის შესახებ. მაგრამ მგონია, რომ, თუ ვალდებული ვიქნებოდი მასზე მესაუბრა, სწორედ აქ, ჯემილაში ვნახავდი მისთვის საჭირო სიტყვებს, რათა შემოფოთებოთ გამოვხატო სიკვდილის გარდაუვალობა და ურყევი იმედები.

ყოველ ჩვენგანს აქვს რამდენიმე იდეა, რომელიც გულთან ახლოს გვიდევს. ორისამი იდეა. სამყაროსა და ადამიანებთან ურთიერთქმედების დროს, ჩვენ მათ გარდავქმნით. დაახლოებით ათი წელი დაგვჭირდება, რომ გამოვიმუშაოთ ნამდვილად ღირსეული იდეა — იდეა, რომელზეც ღირს საუბარი. რა თქმა უნდა, ეს ოდნავ თავგზას გვიბნევს, მაგრამ იგი ეხმარება ადამიანს დაინახოს სამყაროს ნათელი სახე. აქამდე ის სამყაროს ახლოდან უყურებდა. შემდეგ ნაბიჯი ოდნავ უნდა გადადგას, რათა დაინახოს იგი პროფილში. ახალგაზრდა ადამიანი სამყაროს ახლოდან უყურებს. მან ჯერ ვერ მოასწრო სიკვდილის ან არსებობის იდეის გააზრება, თუმცა ეს ბა-



ალბერ კამიუ

# ქარი ჯემილაში

დებს მასში შიშს. შეიძლება, სწორედ ეს სასტიკი შეხვედრა სიკვდილთან, ეს ცხოველური შიში სინათლისმოყვარული არსებისა — არის ახალგაზრდობა. ამ მხრივ, იმის სანინალმდეგოდ, რასაც ჩვეულებრივ ამბობენ ახალთაობაზე, კერძოდ ამ შემთხვევაში, ახალგაზრდათათვის ილუზიები უცხოა. მათ არ ჰქონდათ არც დრო, არც სიკეთე, რათა შეექმნათ ის. და, რატომღაც, როცა ვუყურებდი ამ მკაცრ პეიზაჟს, ჯემილას, იმედების სიკვდილს, დარწმუნებული ვიყავი, რომ ადამიანები, რომლებიც იმსახურებენ ამ სახელს, საფლავის კიდეზეც თვალბეჭდები უყურებენ სიკვდილს, უარყოფენ იდეებს, რომლებიც გაანდევს და მათში იღვიძებს ხელუხლებელი სიმართლე, რომელიც ბედისწერის წინ მდგომ ძველთა მზერებში ანათებდა ხოლმე. როდესაც სიკვდილი ხელს უშლის ადამიანს, მასში ისევ ახალგაზრდობა იღვიძებს. ამ მხრივ არაფერია ავადმყოფობაზე საძულველი. ეს გამაყურებელია სიკვდილთან ურთიერთობისთვის. იგი ამზადებს ადამიანს. იგი ასწავლის სიკვდილს, და ამ სწავლების პირველ სტადიაზე ადამიანი კარგავს ინტერესს საკუთარი თავის მიმართ. იგი ადამიანს მხარში უდგას, რათა შეაგუოს იმ გარდაუვალ სიმართლეს, რომ ადამიანი სრულებით კვდება. მაგრამ ჯემილა... ჯემილაში მე ვგრძნობ, რომ ნამდვილი, ერთადერთი ცივილიზაციის პროგრესი, რომელსაც პიროვნება დროდადრო ეგუება, სწორედ ის არის, რომ იგი ქმნის ადამიანებს, რომლებიც გაცნობიერებულად კვდებიან.

სულ მაკვირვებდა, რომ ჩვენ, ადამიანები, რომლებსაც შეგვიძლია ასე ვრცელად ვისაუბროთ ამა თუ იმ თემაზე, ვხედავთ აზრების ამგვარ სიღარიბეს, როდესაც საუბარი სიკვდილზე იწყება. სიკვდილი — ან სიკეთე, ან ბოროტებაა. მე მეშინია მისი, ან მე მას ვეძებ (როგორც ზოგიერთი თვლის).



იმ ყველაფრის სანინალმდეგოდ, რითაც თავიანთ ბედს ალამაზებდნენ. მათ ეუბნებოდა: „როდესაც შენ გამოჯანმრთელდები...“ — და ისინი კვდებიან. მე ეს არ მინდა. რადგან, თუ არის ისეთი დღე, როდესაც ბუნება ტყუის, არის ისეთი დღეც, როდესაც ის სიმართლეს ამბობს. ამ საღამოს ჯემილა სიმართლეს ამბობს, და რა დამაფრთხობელია ეს სილამაზე! მე არ მინდა, ვიტყუებოდე ამ სამყაროს წინაშე და არ მინდა, რომ მე მატყუებდნენ. მინდა, ბოლომდე ვატარებდე სიცხადის ამ ტვირთს და ვუყურებდე გარდაუვალობას მთელი ჩემი შემოღობილი დამოკიდებულებით, შიშითა და ეჭვიანობით. მე იმდენად მეშინია სიკვდილის, რამდენადაც საკუთარ თავს გამოვყოფ სამყაროსგან; იმდენად, რამდენადაც ვუკავშირებ საკუთარ ბედს დანარჩენ მოკვდავთა ბედებს, იმის მაგივრად, რომ ვტკბებოდე მარადიული ცის თვალყურებით. ადამიანის შექმნა, რომელიც გაცნობიერებულად კვდება, — ნიშნავს შევამოკლოთ მანძილი, რომელიც გვყოფს სამყაროსგან და ფეხი უხალისოდ შევდგათ უსასრულო ნრებრუნვაში, დატყვევებული არსებობის გაცნობიერებით; არსებობის, რომელიც ჩვენ სამუდამოდ უნდა დავკარგოთ. ჯემილას ბორცვების სვედიანი სიშლის სმენისას ამ აზრებმა სულის სიღრმეზე ტკივილით შეაღწია.

სალამოსკენ იმ გზას ავყავით, რომელსაც სოფლისკენ მივყავით, და დაბრუნებულბემა ახსნა-განმარტებები მოვისმინეთ: „აქ ისტორიული ქალაქია, იქით კი, ოდნავ მოშორებით — ქრისტიანული დასახლება. მოგვიანებით...“ ჰო, ეს მართლაც ასეა. აქ იცვლებოდა ხალხი, საზოგადოება, დამყარობებმა კვალი დატოვეს თავიანთი სალდაფონური ცივილიზაციით. მათ სასაცილო წარმოდგენები ჰქონდათ დიდებულ და თავიანთი იმპერიის დიდებულ დასახლებული სივრცის მასშტაბებით ზომავდნენ. მაგრამ საოცრება ისაა, რომ მათი ცივილიზაციის რუნიები მათივე იდეალის პირდაპირი უარყოფაა. ვინაიდან ამ ქალაქს არ დარჩენოდა დიდების ნატამალიც კი. სამყარო ყოველთვის იმარჯვებს ისტორიაზე. მე მესმის პოეზია, რომელსაც გაქვავებული ჯემილა გადმოსცემს მთებს, ცასა და სიჩუმეს შორის: ეს ჭეშმარიტებისა და გულგრილობის პოეზიაა, ეს კი ნამდვილი ნიშანია სილამაზისა და იმედგაცრუების. გული მითრთის ამ დიდების წინაშე, რომლის დატოვებაც მოგვიწია. ჯემილა უკან რჩება თავის მოღუშულ, წყლოვან ცასთან ერთად, რჩება ფრინველებთან ერთად, რომელთა ჭიკჭიკიც პლატოს შორეული ნაწილიდან მოისმის. რჩებიან ჯემილაში თხებიც, პატარა ნაკადულებივით რომ ჩამოიქცევიან მთის კალთებზე. სამსხვერპლოს ფრონტონზე გამოსახული რქიანი ღვთაების ფონზე მათი ფიგურები ნაზ და ხმოვან ბინდს მოეცვა.

თარგმანა ღიანა მიქელაქეშ

## ლიტერატურული გაზეთი

საქართველოს კულტურის, სპორტისა და ახალგაზრდობის სამინისტრო საქართველოს მხარეთმცოდნეობის ინსტიტუტი

რედაქტორი ირაკლი ჯავახაძე  
რედაქტორის მოადგილე უჩა შერაზადიშვილი  
ჟურნალისტი თამარ ჟურული

მობ. ტელ.: (577)742277; (599)269852; e-mail: litgazeti@yahoo.com

ISSN 2346-7940



9 772346 794004